

MARCOS TÏ RÁ

João Batista tÏ Jesus tó
(Mt 3.1-12; Lc 3.1-18; Jo 1.19-28)

1 ¹SÏ Jesus Cristo kãme sér tónh ke vë, Topë kósin ti. ²VäsÏ Jesus tóg rán kÏ nÏ, João ke gé, Jesus jo tÏnh ke ti. Topë vÏ tó tÏ tÏ Isaiás vÏ Jesus rán ja nÏ, kÏ tóg: “ha vé, ã jo sóg ù jënënh mü, ti tÏ vënh kar kãn jé, ã tÏg ken jo,” he ja nÏ. “Ag jyvën jé tóg ke mü, kÏ tóg ëpry prun ri ke nÏ, ëmÏn kurynh ri ke. ³Ëmã tÏg ja tá tóg jënh ke mü, ga kórég tá. Tá tóg ag mÏ kãmén ke mü. “Ëg Senhor kätÏg ke jo vënh jãnhkrigkrig nÏ,” he tóg mü. “Ëpry kurég äjag tóg tÏ, ëmÏn kurynh äjag tóg tÏ, äjag chefe jun ken kÏ. KÏ tag ri ke han nÏ, äjag jykre pãno togvãnh kÏ, ëg Senhor kätÏg ken jo,” he tóg, ã jo tÏnh ke ti,” he ja tóg nÏ, Isaiás ti, João to. ⁴KÏ João tóg jë mü, ëmã tÏg ja ki, ag kygpég tÏ ti. Ag jyvën tóg jëgtÏ, kÏ tóg: “ã kype jé sóg ke mü, ã tÏ ã jykre kórég tovãnh kÏ, Topë tÏ ã tÏ ti vÏ mranh tÏ ã mÏ vënh pãte fón jé,” he tóg mü sir, vënh kar mÏ. ⁵KÏ ag tóg ti to kãmü kãn mü sir, ga tÏ Judéia tá, cidade tÏ Jerusalém tá ke gé. KÏ tóg ag kygpég mü sir, goj tÏ Jordão ki, ag tÏ: “Topë vÏ mranh sóg nÏgtÏ, tag han kÏ,” hen kÏ. ⁶Jó João kur tóg cavalo pãñ sór kyki tÏ há nÏ. Nén ù fãr tÏ tóg vësógfÏn ja han tÏ gé. Ópã hä ko ti tÏ, mÏg mré, João ti. ⁷KÏ tóg Jesus kãmén kÏ (tóg) ag mÏ: “ù tóg inh nón kätÏ mü, ha më,” he mü. “Inh kãfór ti nÏ. SÏ tÏ ti camrada nÏnh ke vë vë, sÏ ti pën né kunÏnh ke vë vë, ti pën to ró ti, hä ra sóg tÏ ti krëm ke pë jë. ⁸Goj hä tÏ sóg äjag kygpenh ke mü. Û tÏ inh nón kätÏg ke ën tóg sir Topë kuprÏg tÏ äjag jagrë han ke mü. Ti tÏ äjag kygpenh ken hä vë,” he tóg, João ti, vënh kar mÏ.

João tÏ Jesus kype
(Mt 3.13-17; Lc 3.21-22)

⁹KÏ kejën Jesus tóg João tá jun mü gé. Cidade tÏ Nazaré tá tóg kätÏ mü, ga tÏ Galiléia tá. Tá jun kÏ João tóg ti kypég mü sir, goj tÏ Jordão ki. ¹⁰Ti tÏ goj kätá kãkutë kÏ kanhkã vÏ nor mü sir vësÏmër. Hä ra Jesus tóg vëg jë nÏ. KÏ tóg Topë kuprÏg vëg mü. Sórag ri ke ti nÏ, ti kätére ti. Kätére kÏ tóg Jesus kri nÏ nÏ sir. ¹¹KÏ tóg kanhkã tá vënh vÏ mëg mü gé sir, kÏ tóg: “tÏ ã inh kósin pir jë, tÏ ã inh fe pë jëgtÏ,” he mü, vënh vÏ tÏ më há ën ki.

Satanás tỹ Jesus krĩn kónān sór

(Mt 4.1-11; Lc 4.1-13)

¹²Kỹ vēsỹmér Topē kuprĩg tóg Jesus krĩn mũ, ti tỹ ěmā tũg ja ra tĩg jé.
¹³Kurā tỹ 40 (ke) tũg tóg mũ, ěmā tũg ja ki, Jesus ti. Tá nĩn kỹ Satanás tóg ti tỹ ā jóg vĩ mranh han sór mũ, hā ra tóg ke tũ nĩ. Nẽn kāmĩ bicho ag vỹ tá mũgtĩ gé, ěmā tũg ja ki. Hā ra Topē tỹ jẽnē jafā ag tóg ti ki rĩr mũ sir, tá.

Jesus tỹ Galiléia ra vỹn ke

(Mt 4.12-22; Lc 4.14-15; 5.1-11)

¹⁴Kejẽn ag tóg João ség mũ. Ag tỹ ti se kar kỹ Jesus tóg ga tỹ Galiléia ra tĩ mũ. Tá tóg ag mỹ Topē tỹ tỹ ěg pā'i nĩnh ke kāmén mũ, vẽnh kāmē sér ěn ti. ¹⁵Kỹ tóg: “Topē vỹ tỹ pā'i nĩ,” he mũ. “Pétēm ti huri, ti kurā ti, ěg tỹ ti tỹ tỹ ěg pā'i nĩ ěn ve jé. Kỹ ājag jykre kórég tovānh nĩ. Ti vĩ kri fimnĩ, ājag tỹ ti tỹ tỹ ěg pā'i nĩ ěn ve jé,” he tóg ag mỹ, Jesus ti.

¹⁶Kejẽn Jesus tóg nig fyr tỹ Galiléia he mũ ěn jagma tĩ mũ. Ā tỹ ti fyr mĩ tĩ ra tóg Simāo Pedro vég mũ, ti jāvy tỹ André ke gé. Kur tỹ pirā kugmĩ jafā tỹ ag tóg goj kākĩ fón mũ, rede tỹ, pirā kugmĩ jé. Ag rānhraj hā vē.

¹⁷Kỹ Jesus tóg ag ve kỹ ag mỹ: “inh mré kāmũmni,” he mũ. “Pirā kugmĩ há ājag nỹtĩ,” he tóg. “Ājag kanhrān jé sóg ke mũ, ājag tỹ ěprā ke ag tỹ inh ki ge han jé,” he tóg ag mỹ, Jesus ti. ¹⁸Vēsỹmér ag tóg ti mré mũ mũ, ājag rede tovānh kỹ, Pedro ti, André ti ke gé.

¹⁹Kỹ ag tóg mũ mũ, goj fyr jagma. Ag mũ sĩ han mũ ra ag tóg ũn régre ũ ag vég mũ gé. Ũ vỹ tỹ Tiago nĩ, kỹ ũ vỹ tỹ João nĩ, ti jāvy. Zebedeu krē ag vē. Canoa kākĩ ag nỹtĩ, pirā kugmĩ jafā ki han kỹ. ²⁰Ag ve kỹ tóg vēsỹmér ag jé prēr mũ, Jesus ti. Kỹ ag tóg ājag panh ré kỹ mũ mũ, Zebedeu ti. Ag camarada ag vỹ ag panh mré canoa kākĩ nỹtĩ nĩ. Ag ré kỹ ag Jesus mré mũ mũ sir, Tiago ti, João ti ke gé.

Jesus tỹ vẽnh jagrē kórég kutēm

(Lc 4.31-37)

²¹Kỹ ag tóg cidade tỹ Cafarnaum ki ge mũ sir. Vẽnhkán ke kurā ki tóg vēsỹmér Judeu ag vẽnh kanhrān jafā kāra rā mũ, ag kanhrān jé, Jesus ti. ²²Ti tỹ ag kanhrān kỹ tóg ag mỹ e tĩ, ti vĩ ti. Vẽnh kar vĩ káfór ti nĩ. Topē vĩ to professor ag vĩ káfór ti nĩ gé. Hā kỹ tóg ki hā tó mũ. Kỹ tóg ag mỹ e tĩ. ²³Hā ra ũ tóg tá nĩ nĩ, Judeu ag vẽnh kanhrān jafā tá. Jagrē kórég ti nĩ. ²⁴Ā tỹ Jesus ve kỹ tóg prēr mũ. “Ā tỹ ěg tỹ hē ri ke nē, Nazaré tá Jesus!?” he tóg. “Ā mỹ ěg kókén sór tũ? Ā ki kanhró sóg nĩ. Tỹ ā tóg ā pir mỹ Topē mré ke nĩ, ti tũ pē vỹ tỹ ā nĩ,” he tóg, ũn jagrē kórég ti.

²⁵Hā ra Jesus tóg ti mỹ vĩ tar han mũ, kỹ tóg: “vĩ tũg ra,” he mũ. “Ti tovānh ra,” he tóg.

²⁶Kỹ ti jagrẽ kórég ãn tóg ti ter tĩ han mũ sir, prẽr tóg mũ sir. Kĩ tóg ti tovãnh mũ. ²⁷Kĩ tóg vãnh kar mỹ e tĩ mỹr sir. Jagnẽ mỹ ag tóg: “ne nẽ vé!” he mũ. “Vãnh vĩ tãg mỹ vó?” he ag tóg mũ. “Vãnh jagrẽ kórég ag mỹ tóg vĩ tĩ, kĩ ag tóg ki ke tĩ, ti kamẽg kĩ. Ag kri ke hỹn,” he ag tóg mũ, Jesus to.

²⁸Kỹ ti vême tóg vãnh kar kri rũm mũ, Galiléia tá ke kar kri.

Jesus tỹ Pedro má fi tỹ há' he

(Mt 8.14-15; Lc 4.38-39)

²⁹Kar tóg Judeu ag vãnh kanhrãn jafã ki kutẽ mũ, Jesus ti, kĩ tóg Simão Pedro ãn ra rã mũ sir. André mré ti ãn vẽ. Tiago vỹ João mré ra rã mũ gé. ³⁰Hã ra Pedro prũ fi mỹnh fi vỹ kaga nỹ nĩ, rỹg nỹ fi nĩ. Kĩ ag tóg Jesus mỹ fi tó mũ. ³¹Kĩ tóg fi venh tĩ mũ. Fi nĩgẽ kãgmĩ kĩ tóg fi nĩm mũ. Kĩ fi rỹg ãn tóg tũ' he mũ sir. Ag ki rĩr fi tóg mũ sir, Pedro má fi.

Jesus tỹ ãn kagyga ag tỹ há' he

(Mt 8.16-17; Lc 4.40-41)

³²Kurã ãn kã kuty tá ag tóg ãn kagyga ag tatĩ kãmũ mũ, ãn jagrẽ kórég ag mré hã. ³³Cidade ãn ki ke kar ag vỹ ti ãn jãnkã tá nỹtĩ mũ. ³⁴Kỹ Jesus tóg ag tỹ há' he kãn mũ sir, fag tỹ ke gé. Vãnh jagrẽ kórég pan kãn tóg mũ gé. Kĩ ag tóg ti tó sór mũ, ag tỹ ti ki kanhrõ nỹtĩ kĩ. Hã ra tóg ag mỹ: “vĩ tũg nĩ,” he mũ.

Jesus tỹ ã jóg mré vĩ

(Lc 4.42-44)

³⁵Tỹ vaj kĩ tóg kurã ke ra (tóg) rĩr mũ, Jesus ti. Kĩ tóg ãmã tũ ra tĩ mũ sir, Topẽ mré vĩ jé. ³⁶Kỹ Simão tóg ti kanẽg tĩ mũ, ti jãvãnh kĩ. Ti mré ke ag mré tóg tĩ mũ. ³⁷Kỹ ag ti vэг mũ sir. Kĩ ag tóg ti mỹ: “vãnh kar vỹ ã kanẽgnẽg mũ, ã jãvãnhvãnh kĩ,” he mũ. ³⁸Kỹ Jesus tóg ag mỹ: “mũ nỹ, cidade ã ra,” he mũ, “sỹ ag mỹ Topẽ vĩ tó jé gé. Hã jé sóg kãtig,” he tóg mũ ag mỹ, Jesus ti.

³⁹Kỹ tóg ga tỹ Galiléia kar mũ tĩ mũ. Vãnh kanhrãn jafã krẽm tóg ag mỹ Topẽ vĩ tó mũ sir. Ag jagrẽ kórég pan tóg mũ gé sir.

Jesus tỹ ãn kaga kren vãnh tỹ há' he

(Mt 8.1-4; Lc 5.12-16)

⁴⁰Kỹ kejẽn ãn kaga kren vãnh vỹ ti to kãtĩ mũ, vãnh kaga tỹ lepra he mũ ãn han mũ ãn. Kĩ tóg ti krẽm grĩnh ke mũ, ti mỹ nén ã to vĩ jé. Kĩ tóg: “ã mỹ isỹ há' he sór tũ nĩ?” he mũ. “Ã hã tóg isỹ há' henh mũ, ã tỹ isỹ há' he sór kĩ,” he tóg ti mỹ. ⁴¹Kỹ tóg Jesus mỹ jagtar tĩ. Kĩ tóg ã nĩgẽ tỹ ti mẽg kĩ ti mỹ: “hej,” he mũ. “To sóg há nĩ. Há' he ja há ã tóg nĩ,” he tóg ti mỹ.

⁴²Kỹ tóg ti kaga kren vãnh ãn kren han mũ sir vēsýmér. Kĩ tóg jãnhkri nĩ sir, ti fãr ti. ⁴³Kỹ Jesus tóg ti mỹ vĩ tar han mũ, ti tĩg jé. ⁴⁴Kỹ tóg ti mỹ: “ker ã mỹ tó hẽ,” he mũ. “Ha tĩg, Topẽ tũ ki rĩr tĩ to. Ti hã mỹ tómnĩ, kĩ

Topê mÿ nÿm nÿ, Moisés tÿ vãsÿ ãg mÿ nén tó ja ti, ã jãnhkri to. Hã tugrÿn vÿnh kar vÿ ã tÿ há' he mÿ tag ki kanhrãn mÿ,” he tóg ti mÿ, Jesus ti.

⁴⁵Hã ra tóg vÿnh kar mÿ tó mÿ sir. Kÿ vÿme ên vÿ vÿnh kar kri rÿm mÿ. Hã kÿ Jesus tóg êmã ù ki rã tÿ nÿgtÿ, vÿnh ven jé. Êmã tÿ mÿ tóg tÿgtÿ, hã ra ag tóg êmã kar tá ti to kãmÿ tÿ.

Jesus tÿ ùn grÿngrÿn kÿ nÿ tÿ há' he

(Mt 9.1-8; Lc 5.17-16)

2 ¹Kãnhmar Jesus tóg kejÿn cidade tÿ Cafarnaum tá jun mãn, kÿ ag tóg mÿg mÿ sir, ti tÿ tá nÿn ki, ti tÿ hÿ tá nÿ ên tá. ²Kÿ ùn e ag vÿ ti to vÿnh mãn, kÿ tóg fór nÿ, jãnkãn mÿ há. Kÿ Jesus tóg ag mÿ Topê vÿ tó jÿ nÿ. ³Hã ra ù ag tóg tá junjun mÿ gé sir, ùn grÿngrÿn kÿ nÿ vyn kÿ, ù tÿ 4 (ke) ag vÿ. ⁴Hã ra ag tóg ti pétÿm tÿ nÿ sir, ti tÿ ag jy fór tÿn kÿ. Kÿ ag tóg ñn kunüg mÿ, ti kri. Nor ên ki ag tóg ùn grÿngrÿn kÿ nÿ ên ti térem mÿ, kur kãkã nÿ ti. ⁵Kÿ Jesus tóg ag jykre vég mÿ sir, ag tÿ ti ki ge kÿ nÿtÿ ti. Kÿ tóg ùn grÿngrÿn kÿ nÿ ên mÿ: “inh kósin,” he mÿ. “Á tÿ Topê vÿ mranh ja tÿ tÿ' he vÿ ha,” he tóg ti mÿ, Jesus ti.

⁶Hã ra Topê vÿ to professor ù ag vÿ tá nÿtÿ gé. Ti vÿ to ag tóg jykren mÿ sir. ⁷“Ne nÿ hÿn!, ti tÿ tó tag ti?” he ag tóg mÿ, komêr há. “Topê to vÿ kónãn vÿ,” he ag tóg. “Topê há ne ã pin kÿ ãg tÿ Topê vÿ mranh ên tÿ tÿ' he há nÿnh mÿ. Ti hÿn vÿsÿ Topê han mÿ,” he ag tóg mÿ, ti to jykren kÿ.

⁸Hã ra Jesus tóg ki kanhró nÿ, ã fe tÿ, ag jykren ki. Kÿ tóg ag mÿ: “ãjag tÿ ne to jykren kónãn nÿ?” he mÿ. ⁹“Ne nÿ ãjag mÿ vÿnhmÿ nÿ?” he tóg. “Ùn grÿngrÿn kÿ nÿ tag mÿ sóg: ã tÿ Topê vÿ mranh ja ên tÿ tÿ' he vÿ ha, hé,” he tóg. “Kÿn mÿ ãjag mÿ vÿnhmÿ?” he tóg. “Sÿ ti mÿ: nÿ ra, ã kur gé(g) tÿg, henh ke nÿ ha,” he tóg. “Kÿn mÿ ãjag mÿ vÿnhmÿ ke gé!?” he tóg. ¹⁰“Hã ra isÿ ãjag mÿ ñnh jykre ven sór vÿ ha. Tÿ sóg êprã ke fi kósin nÿ. Tá sóg krÿg ke mÿ, Topê vÿ mranh tÿ vÿnh pãte fón ke tá. Sÿ tá krÿg mÿ ven jé sóg ke mÿ, ãjag mÿ,” he tóg. Hã kÿ tóg ùn grÿngrÿn kÿ nÿ ên mÿ: ¹¹“nÿ ra, ã kur gé(g) tÿg,” he mÿ, Jesus ti.

¹²Kÿ tóg jÿgnê mÿ sir, ã kur gég tóg mÿ sir vãhã, kÿ tóg ag rÿnve tÿ mÿ sir, ùn grÿngrÿn kÿ nÿ ja ên ti.

Vÿnh kar mÿ tóg e tÿ, kÿ ag tóg Topê to: “ãg jykre kãfór ti nÿ,” he mÿ. “Ge ve ja tÿ ãg nÿtÿ,” he ag tóg mÿ sir.

Jesus tÿ Levi jé prÿr

(Mt 9.9-13; Lc 5.27-32)

¹³Kÿ Jesus tóg tÿg mãn mÿ, goj nig tÿ Galilêia ra. Kÿ vÿnh kar ag tóg ti pénÿn vÿnh mãn mãn mÿ sir. Kÿ tóg ag kanhrãn mÿ gé. ¹⁴Á tÿg mãn kÿ tóg Levi vég mÿ, Alfeu kósin. Governo mÿ imposto kaja mãg ti tÿ, há ra tóg ã rãnrãj han nÿ nÿ. Kÿ Jesus tóg ti mÿ: “ñnh mré kãtÿg,” he mÿ. Kÿ tóg jÿgnê kÿ ti mré tÿ mÿ sir.

¹⁵Kÿ tóg kejÿn ti ñn krÿm jÿg mÿ, Jesus ti, Levi ñn krÿm. Hã ra ti mré ag e nÿtÿ, governo mÿ jãnkamy mãg tÿ ag, Topê vÿ mranh tÿ ag ke gé. Jesus mré ag nÿgnÿg kÿ nÿtÿ, ti mré mÿ tÿ ag mré ke gé. E tãvÿ ag nÿtÿ, ti nón mÿ ag.

¹⁶Hã ra Topẽ vĩ to professor ù ag vỹ tỹ Fariseu nỹtĩ gé. Jesus vég ag tóg mũ, ti tỹ Topẽ vĩ mranh tĩ ag mré jẽn kỹ. Kỹ ag tóg Jesus mré mũ tĩ ag mỹ vĩ mũ. “Ti hã ne tóg ag mré jẽg mũ!” he ag tóg. “Governo mỹ jãnkamy mǎg tĩ ag mré tóg jẽg mũ!” he ag tóg, “Topẽ vĩ mranh tĩ ag mré ke gé!” he ag tóg.

¹⁷Hã ra Jesus tóg mẽg mũ, ag vême ên ti. Kỹ tóg ag mỹ: “ũn kagyga tú ag vỹ médico venh mũ tú nĩgtĩ!” he mũ. “Hã ra ùn kagyga ag hã vỹ ti venh mũ tĩ,” he tóg ag mỹ, Jesus ti. “Inh pi(jé) ù tỹ vẽnĥ jykre kuryj han mũ ag mỹ: “ãjag jykre tovãnh nĩ,” he sór tĩ. Û tỹ Topẽ vĩ mranh ja nĩ ên ag hã mỹ sóg: “ãjag jykre kórég tovãnh nĩ,” he sór tĩ. Hã jé sóg ãjag mỹ vẽnĥ ven,” he tóg ag mỹ, Jesus ti.

Văkre

(Mt 9.14-17; Lc 5.33-39)

¹⁸Hã ra João mré mũ tĩ ag tóg kejẽn văkrég mũ, jẽg tú ag nĩ, ag tỹ Topẽ mỹ há nỹtĩ jé. Kỹ Fariseu ag văkrég mũ gé. Kỹ ag tóg Jesus mỹ: “João mré mũ tĩ ag vỹ tóg văkrég mũ, Fariseu mré mũ tĩ ag ke gé,” he mũ. “Jo ã mré mũ tĩ ag ne tóg văkrég tú nĩ! Văkre kurã vê mỹr,” he ag tóg ti mỹ, tá nỹtĩ ù ag.

¹⁹Kỹ Jesus tóg ag mỹ comparação han mũ. “Vẽnĥ kyprüg to kãmũ ên ag pi(jé) văkrég tĩ!” he tóg. “Festa vê mỹr, vẽnĥ prügprüg ti, kỹ ti mré ke ag tóg ùn prüg mũ ên venh kãmũ tĩ,” he tóg. “Ge ti nĩ, inh mré mũ ag mỹ. Isỹ ag mré nĩn kỹ tóg ver ag mỹ sér tĩ,” he tóg ag mỹ, Jesus ti. ²⁰“Vãhã tóg jun mũ, inh kurã ti, kỹ ag tóg inh pére mũnh mũ, ên kã hã ag tóg ãjag văkrenĥ ke venh mũ, kurã ên kã, inh mré mũ tĩ ag,” he tóg.

²¹“Ti si fag pi(jé) vãfe kygnej tú tỹ kur si jar ki hyn han tĩ ja nỹtĩgtĩ! Ûn kygnej tú tỹ ki hyn han mũ ra tóg jaran kenh mũ. Kỹ kur si jar ên tóg mág mũ. Ûn kygnej hã tỹ fag tóg ki han han tĩ, kỹ tóg jaran ke tú nĩ,” he tóg, Jesus ti. Ti tỹ ã jykre tãg tón hã vê, hã ra tóg kur kygnej tú ri ke nĩ.

²²Kỹ tóg ag mỹ: “Kỹ vinho vỹ ge nĩgtĩ gé,” he mũ gé. “Êg pi(jé) vinho kajãg mũ tỹ ti fãr si tỹ sacco ki kujẽg tĩ mỹr!” he tóg. “Ke tú nĩ (mũ) ra tóg kugnãj kỹ jar mũ, kógnãj kỹ. Kỹ vinho tóg tú! he mũ, sacco ti ke gé mỹr. Vinho kajã tỹ ti fãr tãg tỹ ki kujẽn ke vê mỹr,” he tóg. Jesus tỹ ã jykre tãg tón hã vê.

Vẽnĥkán ke kurã

(Mt 12.1-8; Lc 6.1-5)

²³Kejẽn Jesus tóg êpỹ mĩ tĩ mũ, trigo kré mĩ. Ti mré mũ tĩ ag tóg ti mré mũ mũ. Vẽnĥkán ke kurã vê. Ag mũ kỹ ti mré mũ tĩ ag vỹ trigo mugmó tỹ kam ke mũ, ko jé. ²⁴Kỹ Fariseu ag tóg Jesus mỹ: “ha vé,” he mũ. “Ag tỹ ne jé ãjag tỹ nẽn han ke tú han nê, vẽnĥkán ke kurã ki?” he ag tóg mũ. “Vẽnĥ rãnrãj vê mỹr, ag tỹ trigo tỹ kam ke ti,” he ag tóg, Jesus mỹ.

²⁵Kỹ tóg ag mỹ: “vó,” he mũ. “Davi tỹ nẽn han mũ to jykrén nĩ,” he tóg. “Ti kókĩr nĩn kỹ tóg ã tỹ nẽn han ke tú han gé, ã mré mũ tĩ ag mré, hã ra Topẽ pi(jé) ti to jũ mũ! tag han tugrĩn, ha mẽ. ²⁶Topẽ jo ãn kãra tóg rã, Davi ti, Abiatar tỹ Topẽ tú ki rĩr tĩ to pã'i nĩn kỹ. Tá tóg Topẽ jamĩ ên kó, tỹ ti tỹ konĥ

ke tũ ra, Topẽ tũ ki rĩr tĩ ag hã tỹ konh ke vễ vễ. Hã ra tóg kó, ti mré mũ ag mỹ tóg vễnh ken gé, Davi ti,” he tóg, Jesus ti. “Rán kỹ tóg nĩ nĩ,” he tóg.

²⁷Kỹ Jesus tóg ag mỹ: “Topẽ vỹ ẽg mỹ vễnhkán ke kurã nĩm, ẽg tỹ ki vễnhkán jé,” he mũ. “Hã ra tóg tỹ kurã kórég han tũ nĩ, vễnhkán ke kurã tỹ,” he tóg. ²⁸“Hã kỹ sóg tỹ vễnhkán ke kurã to pã'i nĩ gé. Tỹ sóg ẽprã ke fi kósin nĩ mỹr,” he tóg ag mỹ, Jesus ti.

Jesus tỹ ùn nĩgẽ tóg tỹ há' he

(Mt 12.9-14; Lc 6.6-11)

3 ¹Kejẽn Jesus tóg vễnh kanhrãn jafã ra rã mãn mũ. Tá ù tóg jẽ nĩ, ti nĩgẽ tóg tóg ja nĩ. ²Kỹ ag tóg ti tugnỹm mũ sir, “kema ẽg tỹ ti tỹ vễnhkán ke kurã kã ti tỹ há' he ve jé,” he ag tóg mũ sir. Hã ra ag tóg pã'i ag mỹ ti tó sór mũ, ti tỹ vễnhkán ke kurã to Topẽ vỹ mranh kỹ. ³Hã ra Jesus tóg ùn nĩgẽ kórég ẽn mỹ: “kunĩg,” he mũ. ⁴Kỹ tóg ag mỹ: “vễnhkán ke kurã ki ẽg hỹn ne han mũ?” he mũ, “ẽg tỹ Topẽ vỹ ki króm jé,” he tóg. “Èg mỹ hỹn nẽn ù há han mũ?” he tóg. “Èg tỹ ù tũ kókén kỹn mỹ kórég tũ nĩnh mũ?” he tóg ag mỹ. “Èg mỹ ù kren han mũ hỹn?” he tóg. “Èg tỹ ù tén kỹn mỹ há nĩnh mũ hỹn?” he tóg. Hã ra ag tóg ti mỹ katy tĩ sir.

⁵Kỹ tóg ag ki ẽvãnh kỹ jũ mũ sir, fe kaj tóg nĩ sir, ag krĩ tũ nỹtĩn kỹ. “Ã nĩgẽ tỹ krỹg' hé,” he tóg ti mỹ, ùn nĩgẽ tóg ẽn mỹ. Kỹ tóg tỹ krỹg' he mũ sir, há' he tóg mũ sir, vãhã, ùn nĩgẽ tóg ja ẽn ti.

⁶Kỹ vãhã Fariseu ag mũ mũ sir, jagnẽ mré ti to jykrén jé, pã'i mág tỹ Herodes mré ke ag mré ke gé. “Èg hỹn hẽ ri ken kỹ ti tũg mũ?” he ag tóg mũ, Jesus ti to.

Jesus tỹ goj nig fyr tá ag kanhrãn

⁷Hã ra Jesus tóg ti mré mũ tĩ ag mré goj nig tỹ Galiléia ra tĩ mũ, vễnh e tũg ja ra. Hã ra vễnh e ag tóg ti nón mũ mũ. Ga tỹ Galiléia tá ag tóg kãmũ mũ, ga tỹ Judéia tá ke gé, ⁸cidade tỹ Jerusalém tá, ga tỹ Iduméia tá, goj tỹ Jordão mã tá, cidade tỹ Tiro tá, cidade tỹ Sidom tá ke gé. E tãvĩ ag nỹtĩ, e pẽ. Ti tỹ nẽn hyn han kar mẽ kỹ ag tóg ti to kãmũ mũ. ⁹Kỹ Jesus tóg ti mré mũ tĩ ag mỹ tó mũ, ag tỹ ti mỹ canoa jãján jé. Ti kutãn ag tóg, vễnh kar ẽn ti, hã kỹ tóg canoa to vỹ mũ. ¹⁰Û tỹ hẽn ri ke tỹ há' he ja tóg nĩ, ùn kagyga ag tỹ, fag tỹ ke gé. Hã kỹ ag tóg ti kutãn mũ. Ag tỹ ti mẽ sór vễ, ãjag nĩgẽ tỹ. ¹¹Kỹ ùn jagrẽ kórég ag vỹ tá nỹtĩ gé. Ag tỹ Jesus ve kỹ ag tóg prẽnprẽr mũ sir. “!..Tỹ ã Topẽ kósin ne..!” he ag tóg mũ, prẽnprẽr kỹ. ¹²Kỹ Jesus tóg ag mỹ vỹ tar han tĩ. “Ker inh kãmén hẽl,” he tóg tĩ, ag mỹ.

Jesus tỹ ù tỹ 12 (ke) ag vin

(Mt 10.1-4; Lc 6.12-16)

¹³Kejẽn tóg pãnónh ra tĩ mũ, Jesus ti. Kỹ tóg ag jé prẽr mũ, ag kuprẽg kỹ. Kỹ ag tóg ti to mũ mũ. ¹⁴Kỹ tóg ù tỹ 12 (ke) ag vin mũ sir, ag tỹ tỹ ti mré mũ tĩ nỹtĩ jé, ti tỹ ag jẽgnẽ jé ke gé, “Topẽ vỹ tó jé,” he tóg. ¹⁵Ag mỹ tóg vễnh jykre nĩm

mũ, ag tỹ vãnh jagrê kórég pan jé. ¹⁶Ũ tỹ 12 (ke) ag hã vễ, ha mẽ: Simão, Jesus tỹ ti jyyj ù hã vỹ: Pedro, he mũ, ¹⁷Tiago ke gé, ti jãvy tỹ João mré, Zebedeu krê tag ag. Jesus tỹ ag jiji ù hã vỹ: Boanerges, he mũ, ãg vỹ ki ke hã vỹ: ta tỹ tỹrỹrỹ he ri ke ag, he mũ, ¹⁸André ke gé, Filipe ke gé, Bartolomeu ke gé, Mateus ke gé, Tomê ke gé, Tiago ke gé, Alfeu kósín tag ti, Tadeu ke gé, Simão ke gé, ag tỹ ù to: Zelote, he mũ tag ti, ¹⁹Judas Iscariotes ke gé, ù tỹ pã'i ag mỹ Jesus ven ke ti.

Topê vỹ to professor ag tỹ Jesus to vỹ kónãn

(Mt 12.22-32; Lc 11.14-23; 12.10)

²⁰Kỹ Jesus tóg ag mré ã jamã tá jun mũ. Kỹ vãnh kar tóg sir tá vãnh mãn mũ, kỹ tóg ag jẽn ke mũ ra vẽnhmỹ tĩ, Jesus mré mũ ag. ²¹Kỹ Jesus kanhkã fag vỹ ti vême mẽ kỹ ti kãgmĩnh kãmũ mũ. “Krĩ vẽnhmỹ nĩ ve ti nĩ,” he fag tóg, hã kỹ fag tóg ti kãgmĩ sór mũ. Hã ra tóg fag mré tĩ tũ nĩ.

²²Kỹ Topê vỹ to professor ag tóg tá junjun mũ gé. Jerusalém tá ag tóg kãmũ jęg, ti ve jé. Kỹ ag tóg ti to: “jagrê kórég ti hỹn nĩ,” he mũ. “Hã kỹ tóg vãnh jagrê kórég ag pã'i ãn jykre han mũ, vãnh jagrê kórég ag pan jé,” he ag tóg. “Belzebu jykre tỹ tóg ag pan mũ, Nén-Kórég jykre tỹ,” he ag tóg, Jesus to, Topê vỹ to professor ag.

²³Kỹ Jesus tóg ag jé prêr kỹ ag mỹ comparação han mũ, kỹ tóg: “Satanás vỹ vãnh jagrê kórég pan tũ nĩgtĩ mỹr,” he mũ, Jesus ti. ²⁴“Pã'i pir krêm ke ag tỹ jagnê kato tẽgtên kỹ ag tóg jagnê kãgtên kãn ke mũ,” he tóg. ²⁵“In pir kã ki ke ãn fag tỹ jagnê kato tẽ kỹ fag tóg jagnê kãgtên kãn ke mũ gé,” he tóg. ²⁶“Satanás krêm ke ag tỹ jagnê kato tẽ kỹ ag tóg jagnê tỹ tũ' henh ke mũ gé, kỹ tóg tũ' he mũ sir, Satanás ti,” he tóg. ²⁷“Ëg tỹ ù tỹ nén ù mãn sór kỹ, ti in tá, kỹ ãg tóg ti se vén tĩ, ke tũ nĩ (mũ) ra tóg ã tũ ki rĩr ke mũ, kỹ ãg tóg ti tũ mãn tỹ hẽ ri kenh ke tũ nĩgtĩ, ti tar nĩn kỹ. Ëg tỹ ti se kar kỹ ãg tóg ti tũ mäg mũ sir,” he tóg. “Ge ti nĩgtĩ, sỹ nén han mũ ti. Tar ti nĩ, Japo ti, hã ra sóg hur ti sé, hã kỹ sóg ti tũ ag kygvãg mũ sir, ag jagrê kórég pan sóg mũ sir,” he tóg, Jesus ti.

²⁸“Sỹ ke há vễ, hã kỹ sóg tó mũ,” he tóg. “Topê vỹ ãjag mỹ vãnh pãte fón kãn mũ, ãjag tỹ ti vỹ mranh kar ãn tỹ, ãjag tỹ ti kato vỹ kónãn mré hã,” he tóg. ²⁹“Jãvo ãjag tỹ Topê kuprĩg kato vỹ kónãn kỹ tóg ãjag mỹ vãnh pãte fón mãn ke tũ nĩ ha, Topê ti,” he tóg. “Ãjag tỹ Topê vỹ mranh ãn vỹ ãjag hã kã nĩ nĩ, kurã tũ ti nĩ,” he tóg, Jesus ti.

³⁰Ag mỹ tóg ke mũ, Jesus ti, ag tỹ ti to: “jagrê kórég ti hỹn nĩ,” hen kỹ.

Jesus mré ke pẽ fag

(Mt 12.46-50; Lc 8.19-21)

³¹Kỹ ti mỹnh fi tóg ti jãvy ag mré ti venh kãtĩ mũ. Re kã fi jẽ ag mré, kỹ ag tóg ù jẽnẽg mũ, ti jé prêr jé. ³²Jesus pẽnĩn vãnh e vỹ tóg nỹtĩ, nĩgnĩg kỹ, kỹ ag tóg: “ha mẽ, ã mỹnh fi vỹ re kã jẽ, ã jãvy ag mré,” he mũ. “Fag tỹ ã mré vêmén sór vễ. ã jé prêr fag tóg mũ,” he ag tóg ti mỹ.

³³Hã ra Jesus tóg: “inh mÿnh fi mÿ inh ve sór mÿ!, inh jãvy ag mré!” he mÿ. “Inh mÿnh fi vë vë, inh jãvy ag vë vë, hã ra ag tóg tÿ inh mré ke pë tÿ nÿtÿ,” he tóg. ³⁴Kÿ tóg ùn nÿgnÿg kÿ nÿtÿ ag ki êvãnh kÿ tóg: “inh mÿnh fi hã vë, inh jãvy ag hã vë gé,” he mÿ. ³⁵“Û tÿ Topë vÿ han mÿ ên ag vÿ tÿ inh jãvy nÿtÿ, inh ve fag ke gé, inh mÿnh ke gé,” he tóg ag mÿ, Jesus ti.

Nén fy to comparação

(Mt 13.1-9; Lc 8.4-8)

4 ¹Kejën Jesus tóg goj nig tÿ Galiléia fyr tá ag kanhrãh mãn mÿ. Hã ra vënh e vÿ ti pënÿn nÿtÿ, vënh e tävÿ, hã kÿ tóg canoa kãra rã mÿ, goj kãki, kÿ tóg canoa kãkã nÿ mÿ, hã ra ag kar vÿ tar tá vënh mãn kÿ nÿtÿ, nig fyr tá. ²Ag mÿ tóg vënh vÿ e tó mÿ, comparação han kÿ. ³Kÿ tóg kejën ag mÿ: “ha mÿ,” he mÿ. “Û tóg nén ù fy krigkrig tÿ mÿ,” he tóg. ⁴“Ti tÿ krigkrig kÿ ti fy ù tóg êmÿn kri kutë mÿ, êpÿy kri. Kÿ sÿsÿ tóg ti ko mÿ sir. ⁵Ti fy ù tóg pãró kri kutë mÿ, ga e tÿ ki, kÿ tóg kãnhmar mur mÿ vë, ga sÿ ên ki. ⁶Hã ra rã tóg ã tÿ êg nÿno kã sa kÿ (tóg) ti pÿn mÿ. Ti jãre han tÿ nÿn kÿ tóg tóg mÿ. ⁷Ti fy ù tóg sónh kãki kutë mÿ, kÿ sónh tóg ti mré mur mÿ, ti kri rÿm tóg mÿ sir kÿ tóg kanë han tÿ nÿ. ⁸Ti fy ù tóg ga há kri kutë mÿ kÿ tóg mur há han mÿ, mog há han tóg mÿ, kanë han tóg mÿ gé, ù tóg kanë tÿ 30 (ke) han, jo ù vÿ kanë tÿ 60 (ke) han, jo ù vÿ kanë tÿ 100 (ke) han. ⁹Û nÿgrëg nÿtÿ tÿ tÿ jëmë jé,” he tóg, Jesus ti.

Jesus tÿ nén fy to comparação kãmén

(Mt 13.10-23; Lc 8.9-15)

¹⁰Ûn e ên ag mÿn kar kÿ ti mré nÿtÿ ag tóg ti ki jëmënh kãmÿ mÿ, nén fy kãmén ti. Kÿ ag tóg ti mÿ: “ã tÿ êg mÿ ne tó nÿ?” he mÿ.

¹¹Kÿ tóg ag mÿ: “ãjag hã tóg Topë tÿ tÿ êg pa!i nÿ ki kanhró nÿtÿnh mÿ, jjo tó ja tÿ ên ki,” he mÿ. “Hã ra sóg ên ag mÿ comparação tävÿ han mÿ. ¹²Ag mÿ sóg tó há han ke tÿ nÿ, ón kÿ mÿg mÿ ag mÿ, kÿ ag tóg ãjag tÿ vëg mÿ ra ki kagtÿg nÿtÿ, ãjag tÿ mÿg mÿ ra ag tóg to jykrén tÿ nÿtÿ, kÿ ag tóg Topë ki ge tÿ nÿtÿ gé, kÿ Topë tóg ag mÿ vënh pãte fón ke tÿ nÿ gé,” he tóg, Jesus ti, ù ag to.

¹³Kÿ tóg ag mÿ: “ãjag tÿ to jykrén tÿ tóg tÿ!” he mÿ, “sÿ ãjag mÿ nén fy kãmén kÿ,” he tóg. “Kÿ ti mÿ ãjag tÿ ù to jykrén há nÿnh mÿ!, sÿ ãjag mÿ comparação ù han kÿ?” he tóg.

¹⁴Kÿ tóg jamã hár(a) ag mÿ kãmén mÿ. “Û tóg nén fy vãvãm tÿ, kÿ ti tÿ Topë vÿ tó vë, hã vÿ: vãvãm, he mÿ, nén fy ri ke vë,” he tóg. ¹⁵“Ti fy ù vÿ êmÿn kri kutë mÿ. Kÿ Topë vÿ mÿg mÿ ù ag vÿ êpÿy ri ke nÿtÿ,” he tóg. “Ag tÿ Topë vÿ mÿg mÿ ra tóg ag mÿ tÿ tÿ! he mÿ, Satanás ti, Topë vÿ tÿ. Vësÿmër tóg ag mÿ tÿ tÿ! he mÿ, ag mÿ Topë vÿ tó tÿ. Kÿ êmÿn ri ke vë sir. ¹⁶Hã ri ken hã vë gé, ti tÿ pãró kri vãvãm ên ti. Ag tÿ Topë vÿ mÿ kÿ ag tóg vësÿmër: hej, he mÿ sir. Ag mÿ tóg sér tÿ. ¹⁷Hã ra ag tóg nén kré jãre tÿ ri ke nÿtÿ, kÿ ag tóg mÿ sÿ han mÿ, Topë mré. Nén ù jagy kutë kÿ ag tóg sir Topë tovãnh mÿ vësÿmër, ù tÿ Topë tugrÿn ag kato tÿ kÿ. ¹⁸Ti tÿ sónh kãki vãm ên hã vë gé, hã vÿ tÿ Topë vÿ mÿg mÿ ag

nýtí gé. ¹⁹Hã ra ag tóg ãjag rãnhràj hã mĩ êkrég mũ, ón kÿ rico nĩ sór jé. Nén ù kar to ag én, hã kÿ Topê ví tóg ag mÿ katy' he mũ sir. Kÿ ag tóg kanê há han tũ nĩ. ²⁰Hã ra ti tÿ ga há kri vãvãm mũ ên vÿ tÿ Topê ví mæg mũ ag nýtí gé. Hej, he ag tóg mũ sir, kanê há han ag tóg mũ, ù tóg kanê tÿ 30 (ke) han mũ, ù tóg kanê tÿ 60 (ke) han mũ, ù tóg kanê tÿ 100 (ke) han mũ,” he tóg, Jesus ti, ag mÿ.

Jêngrê to comparaçãu

(Lc 8.16-18)

²¹Kÿ Jesus tóg ag mÿ: “êg pi(jé) néj gru ma kãmũ kÿ kêj krêm fêg tí', êg pi(jé) cama krêm fêg tí',” he mũ. “Ti fêg jafã kri êg tóg fêg tí. ²²Hã kÿ êg tÿ nén vég tũ ên vênh ven kãn ke vê, hã jé tóg ver péju kÿ nĩ. Êg tÿ nén ki kagtíg ên vênh ven kãn ke vê,” he tóg. ²³“Ûn nigrêg nýtí tÿ tÿ jêmê jé,” he tóg.

²⁴“Hã kÿ jêmê há han,” he tóg. “Ãjag mré ke ag jykre tugnÿm ãjag tóg tí, kÿ ãjag tóg ag mÿ ví tar han tí. Kÿ Topê vÿ ãjag mÿ ví tar han ke mũ gé, ãjag tÿ ãjag mré ke ag jykre ri ke nýtín kÿ. Hã ra tóg ãjag mÿ ví tar kãfór han ke mũ, ha vemní,” he tóg. ²⁵“Û tÿ nén ù to jykrén há han kÿ tóg ù to jykrén mãn', ù to jykrén mãn', he mũ sir. Û tÿ nén ù to jykrén há han tũ nĩn kÿ tóg ti mÿ tũ' he mũ sir, ti tÿ nén to jykrén sĩ han mũ ra,” he tóg, Jesus ti.

Nén kré to comparaçãu

²⁶Kÿ Jesus tóg ag mÿ: “Topê tÿ tÿ êg pâ'i nĩ vÿ ge nÿnh mũ, ha mê,” he mũ. “Û vÿ nén ù fy vãvãm tíg mũ, êpÿ ki,” he tóg. ²⁷“Û tÿ vãvãm mũ vÿ nũr mũ sir, kutyg kÿ, tÿ vaj kÿ tóg rĩr mãn mũ sir. Hã ra ti fy ên vÿ mur mũ, mog tóg mũ, jo ù tÿ vãvãm mũ tóg ki kagtíg nĩ. “Ti hê ri ken kÿ mur'?” he tóg. ²⁸Jãvo tóg vêsóg ki mog, kar tóg mó han, kÿ vãhã ti kanê vê sir, ti mó kãki. ²⁹Ti kanên kar kÿ tóg ag mÿ: “ha kre jafã va kãmũ jêg,” he mũ sir. Kÿ ti krenh ke kurã vê sir. Topê tÿ tÿ êg pâ'i nĩ ri ken hã vê,” he tóg, Jesus ti, ã kãtíg mãn ke tón kÿ.

Ka tÿ mostarda fy to comparaçãu

(Mt 13.31-32,35; Lc 13.18-19)

³⁰Kÿ Jesus tóg: “inh hÿn tóg tag tónh mũ ha, sÿ Topê tÿ tÿ êg pâ'i nĩ kãmén jé,” he mũ. ³¹“Ka tÿ mostarda fy ri ke ti nĩ, Topê tÿ tÿ êg pâ'i nĩ ti,” he tóg. “Ti krãn êg tóg tí, êg japÿ ki. Kãsir ti nĩ, ti fy ti. Û fy vÿ ti sĩ ri ke tũ nýtí. ³²Ti krãn kar kÿ tóg mog mũ, kÿ tóg êgóho kar kãfór nĩ. Pê mág ti nýtí, hã kÿ sêsĩ ag vÿ kãki krêg tí, ti fênja ki,” he tóg, Jesus ti.

³³Comparaçãu tÿ hên ri ke hÿn han tóg, ag mÿ Topê ví tón ki, ag tÿ to jykrén sór kÿ. ³⁴“Tag vÿ ge nÿnh mũ,” he hã han tóg ag mÿ, Jesus ti. Ag mÿ tóg jamã hár(a) nén ù tó tũ nĩ, ùn e ag mÿ. Hã ra tóg ã mré mũ tí ag mÿ kãmén há han mũ, ag pin kÿ.

Jesus t̃y kóho t̃y t̃u' he
(Mt 8.23-27; Lc 8.22-25)

³⁵Hã t̃y kuty tá tóg ag m̃y: “mũ ñy, goj nig kafã ù ra,” he mũ.

³⁶Hã k̃y ag tóg ṽenh e ãn ré k̃y mũ mũ sir, canoa kãmĩ, Jesus t̃y kãkã ñin k̃y. Hã ra ù ag tóg ti mré mũ mũ gé, canoa ù kãmĩ. ³⁷Hã ra kãka tar tãvĩ ṽy tóg vãhã krog he mũ, kóho ti. K̃y goj tóg canoa kãki krém krém ke mũ. Ti fãn sór tóg mũ sir. ³⁸Hã ra Jesus tóg ñur ñy, fakrinh k̃y, canoa nér tá. K̃y ag tóg ti r̃in k̃y ti m̃y: “Senhor,” he mũ. “Ëg m̃y ãg kãgter ha m̃e tóg t̃i. M̃y ã m̃y t̃y ñén ù t̃u?” he ag tóg ti m̃y.

³⁹K̃y tóg r̃ir mũ sir, k̃y tóg kóho m̃y ṽi tar han mũ, ti m̃y: “kr̃yg he ra,” hen k̃y. K̃y kóho tóg t̃u' he mũ, katy' he tóg mũ. ⁴⁰K̃y tóg ag m̃y: “ãjag t̃y ne jé kanê jur nê?” he mũ. “Ãjag m̃y inh ki rã há han t̃u?” he tóg ag m̃y. ⁴¹K̃y tóg ag m̃y e (p̃ê) tãvĩ t̃i sir. Jagnê m̃y ag tóg: “ti jykre tóg ãg m̃y e t̃i,” he mũ. “Kóho ṽy ti ṽi han, goj ti ke gé,” he ag tóg.

Jesus t̃y ṽenh jagrê kórég t̃y mil ag pan
(Mt 8.28-34; Lc 8.26-39)

5 ¹K̃y ag tóg goj nig kafã ù tá junjun mũ sir, Gerasa tá ke ag tá. ²Jesus t̃y canoa ki vag ke mũ ra ù tóg ti kato t̃e mũ. Jagrê kórég ti ñi. Ṽenh kej tá tóg kãkutê mũ. ³Tá tóg ãmã ñi, ṽenh kej tá. Ag t̃y ti s̃ég mũ ra tóg ṽenh m̃y ñi, ferro mré hã. ⁴Ti se t̃y h̃en ri ke han ja ag tóg ñigt̃i ṽe, ti ñigé, ti p̃en ke gé, ferro t̃y. Hã ra tóg ferro t̃y kam ke ja ñigt̃i, ã p̃en se ja ti mrynhmranh kãn ja tóg ñigt̃i. Ag t̃y ti kanhrãn ke mũ ra ag tóg ti t̃y h̃e ri ke ja t̃u ñigt̃i. ⁵Kuty ki kurã mré tóg pr̃er t̃igt̃i, ṽenh kej ki. Pãró ãn ki pó génh k̃y tóg ṽesãnh t̃igt̃i. ⁶Ti t̃y kuvar há tá Jesus ve k̃y tóg ti to ṽenhvãg t̃i mũ, k̃y tóg ti kr̃em gr̃inh ke mũ. ⁷Jamã hár(a) tóg pr̃er mũ, k̃y tóg: “!..ã is̃y h̃e ri kenh mũ, Jesus!..!” he mũ, “!..kynhm̃y Topê kósin!..!” he tóg. “!..Ã m̃y sóg to ṽinh mũ, ã t̃y inh vóg kónãn t̃u ñin jé, k̃y Topê ṽy inh ṽi m̃eg mo..!” he tóg. ⁸Hã ra Jesus tóg ti m̃y: “ti tovãnh ra, Nén-Kórég!,” he ja ñi.

⁹K̃y Jesus tóg ti m̃y: “ã jyjy h̃e ri ke t̃i,” he mũ. K̃y tóg: “Mil,” he mũ. “E tãvĩ ãg ñyt̃i,” he tóg. Nén-Kórég ti.

¹⁰K̃y tóg to ṽi', to ṽi', he mũ, Jesus t̃y ãmã ãn ki ti kut̃em t̃u ñi jé.

¹¹Hã ra ag m̃eg t̃y porco ag tóg j̃eg ñyt̃i, pãnónh ãn kri. ¹²K̃y Nén-Kórég ag tóg Jesus m̃y: “ag m̃eg to ãg j̃egnê, ãg t̃y ag kãki ge jé,” he mũ.

¹³K̃y tóg ag m̃y: “hej,” he mũ. K̃y Nén-Kórég ag tóg ãn ti tovãnh mũ sir, porco ag ki ge ag tóg mũ sir. K̃y ag tóg re mũ sir, porco ag. Rãn ki ag tóg re mũ, k̃y ag tóg ñygñyr kãn mũ sir, goj nig ki. Kãgter kãn ag tóg mũ. Porco t̃y mil régre ag ṽe, h̃yn.

¹⁴K̃y porco ki r̃ir t̃i ag tóg sir p̃eté mũ, cidade ra. Tá ag tóg kãmén kãn mũ, Nén-Kórég t̃y jagrê ja ãn ti. K̃y ag tóg Jesus to mũ kãn mũ sir, ñén ãn ve jé.

¹⁵Jesus tá ag tóg junjun mũ sir, k̃y ag tóg ùn jagrê kórég ja ãn ṽég mũ, kur tu

kỹ. Krí há' he tóg mũ, ù tỹ mil tỹ jagrê kórég ja ên ti. Kỹ ag fe tóg jũrũn ke mũ. ¹⁶Kỹ ù tỹ vég mũ ag tóg kāmén mũ sir ag mỹ Ûn jagrê kórég ja ti, porco ag. ¹⁷Hã kỹ ag tóg Jesus mỹ to vĩ mũ, ti tỹ tá kutê jé, ag rã hã nĩ tú nĩ jé.

¹⁸Ti tỹ canoa kãki rã kỹ ùn jagrê kórég ja tóg: “nhỹ ã mré tĩg mũ,” he mũ, Jesus mỹ. ¹⁹Hã ra tóg ti mỹ nenh. “Ha tĩg, ã ãn ra, ã tỹ ã mré ke ag mré nĩ jé,” he tóg ti mỹ. “Ag mỹ kāmén nĩ, êg jóg mág tỹ ã tỹ há' he mũ ti, ti tỹ ã jagãgtãn mũ ti,” he tóg ti mỹ. ²⁰Kỹ tóg tĩ mũ. Êmã tỹ 10 (ke) ki ga tá tóg kāmén mũ, Jesus tỹ ã tỹ há' he ti. Kỹ tóg ag kar mỹ e tĩ.

Jairo tỹ Jesus mỹ ã kósin fi to vĩ
(Mt 9.18-19; Lc 8.40-42)

²¹Kỹ Jesus tóg kafã ra tĩg mãn mũ, canoa kãmĩ. Kỹ vênh e tóg ti jo vênh mãn mũ. Hã ra tóg goj nig fyr tá jê nĩ. ²²Kỹ ù tóg kãtĩ mũ, ti jiji hã vỹ: Jairo, he mũ. Judeu ag vênh kanhrãn jafã to tóg tỹ pã'i nĩ. Ti tỹ Jesus ve kỹ tóg ti krêm mũg ke mũ. ²³Ti mỹ tóg: “inh kósin sĩ fi vỹ tũg sór mũ,” he mũ. “Kunĩg, ã tỹ ã nĩgê tỹ fi mẽ jé, fi tỹ há' he jé, fi kren jé,” he tóg. ²⁴Kỹ tóg ti mré tĩ mũ. Hã ra ùn e ag tóg ti nón mũ kỹ ti kutãn mũ.

Ûn tỹtã kaga fi
(Mt 9.20-22; Lc 8.43-48)

²⁵Jo ùn tỹtã ù fi tóg tá nĩgtĩ. Kyvênh krỹg tũ han kỹ fi tóg nĩ, prỹg tỹ 12 (ke) ki. ²⁶Médico ag tỹ fi vēsỹrénh mág han, to fi tóg ã tỹ nén vãm kãn, hã ra fi tóg há' he tũ nĩ, ke han han fi tóg. ²⁷Hã ra fi tóg Jesus kãme mẽ ja nĩgtĩ, kỹ fi tóg vênh e kãmĩ tĩg kỹ ti nón ti kur mẽg mũ sir. ²⁸“Sỹ hẽn ri ke mũn ti kur mẽ kỹ inh hỹn han mũ,” he fi tóg.

²⁹Fi tỹ ti kur mẽ kỹ fi kyvênh tóg gym ke mũ sir vãhã, kỹ fi tóg ki kanhró nĩ, fi kaga tỹ há' he ên ki. ³⁰Hã ra Jesus tóg ã fe tỹ ki kanhró nĩ, ã jykre kutê ên ki. Kỹ tóg vênh e kãki vĩrĩn ke mũ sir. “Û nỹ inh kur mẽ?” he tóg.

³¹Kỹ ti mré mũ tĩ ag tóg ti mỹ: “vênh kar tỹ ã kutãn vê,” he mũ. “Jo ã tóg: ù nỹ inh kur mẽ? he mũ,” he ag tóg ti mỹ. ³²Kỹ tóg tãmĩ êvãnh mũ, ù tỹ ã mẽg mũ fi ve jé. ³³Hã ra ùn tỹtã fi tóg ki kanhró nĩ, fi han mũn ki. Kỹ fi tóg kamẽg kỹ, jũrũn ke kỹ mũg ke mũ, ti krêm. Kỹ fi tóg ti mỹ kãmén kãn mũ sir.

³⁴Hã ra tóg fi mỹ: “inh kósin,” he mũ. “Ã tỹ inh ki rã kỹ ã tóg há' hé,” he tóg. “Ha tĩg, jatun mỹ, ã han vê ha,” he tóg, fi mỹ.

Jairo kósin fi rĩr mãn
(Mt 9.23-26; Lc 8.49-56)

³⁵Ti tỹ ver fi mré vēmén jê ra ù ag tóg tá junjun mũ, pã'i tỹ Jairo ên ãn tá. “Ã kósin fi vỹ hur ter,” he ag tóg. “Tũg ja fi tóg nĩ ha,” he ag tóg. “Hã kỹ ti mỹ: kunĩg, he mãn tũg nĩ, ti kutãn mãn tũg nĩ,” he ag tóg, Jairon mỹ.

³⁶Hã ra Jesus tóg mēg mũ, k̄y tóg: “kamēg tūg nĩ, inh vĩ hã kri nĩmnĩ,” he mũ, pã'i ên m̄y. ³⁷K̄y tóg ùn e ag t̄y ti ìn ra mũ kamēg. “Pedro v̄y t̄ig mũ inh mré, Tiago ke gé,” he tóg, “Tiago jãvy t̄y João ke gé,” he tóg.

³⁸Ag t̄y Jairo ìn tá junjun mũ ra Jesus tóg vènh e vég mũ sir, kygf̄y mũ fag, vēs̄yrénh jagy han mũ fag. ³⁹K̄y tóg kã rã k̄y fag m̄y: “ãjag t̄y ne jé kygf̄y nē, ãjag t̄y ne jé vēs̄yrénh nē?” he mũ. “Ter tũ fi nĩ, nũr fi n̄y nĩ,” he tóg.

⁴⁰Hã ra fag tóg ti nyg mũ. Hã ra tóg fag pan mũ sir, k̄y tóg fi panh mré, fi m̄ynh fi mré fi venh tĩ mũ, ti mré kãmũ mũ ag mré. ⁴¹Fi nĩgē kãgmĩ k̄y tóg fi m̄y: “talitá cumi,” he mũ. Ēg vĩ ki ke vē, hã v̄y: nĩ ra, j̄y, he mũ.

⁴²K̄y vãhã gĩr fi tóg nĩ mũ sir, kãnē tĩ fi nĩ sir. Kri pr̄yg t̄y 12 (ke) fi nĩ. K̄y tóg ag m̄y e tãvĩ tĩ. ⁴³Hã ra tóg ag m̄y vĩ tar han, ag t̄y ù m̄y tó tūg jé. “Ha fi m̄y v̄jēn ven,” he tóg. Hã ra tóg fi ter k̄y n̄y ra fi rĩn mãn.

Jesus jamã tá ke ag t̄y ti to é he

(Mt 13.53-58; Lc 4.16-30)

6 ¹K̄y Jesus tóg tá kãkutē k̄y ã jamã tá jun mũ sir. Ti mré mũ tĩ ag tóg ti mré mũ mũ gé. ²Vènhkãn ke kurã ki tóg ag vènh kanhrãn jafã ki ag kanhrãn mũ. Ag t̄y ti vĩ mē k̄y tóg ag m̄y e tĩ. “Hē tán h̄yn ki kanhrãn, vènh jykre tag ti ki? Û n̄y h̄yn ti kanhrãn?” he ag tóg, ti jamã tá ke ag. “Ēg t̄y nēn han vãn h̄yn han tóg t̄igtĩ,” he ag tóg. ³“Ìn han tĩ ên vē m̄yr,” he ag tóg. “Maria fi kósin vē m̄yr, Tiago kãke, José, Judas, Simão kãke, k̄y ti ve fag v̄y ěg mré n̄ytĩ gé m̄yr. Ti t̄y ne jé t̄y ěg kãfór nĩ sór nē?” he ag tóg. K̄y tóg ag m̄y t̄y ù n̄y.

⁴K̄y Jesus tóg ag m̄y: “ēmã ù tá ke ag tóg Topē vĩ tó tĩ to é he tũ n̄igtĩ m̄yr,” he mũ. “Ti jamã tá ke ag tóg ti to é he tĩ jãvo, ti mré ke ag, ti kãhkã ag,” he tóg. ⁵K̄y Jesus tóg tá nēn ù han tũ nĩ sir. Ûn kaga pipir ag hã t̄y há! he tóg, ã nĩgē t̄y ag mē k̄y. ⁶Ag t̄y ti ki ge tũ tóg ti m̄y e tĩ, ti jamãn ki. K̄y tóg ěmã kãsir mĩ t̄ig k̄y ag kanhrãn tĩ nĩ sir.

Jesus t̄y ù t̄y 12 (ke) ag jēgnē

(Mt 10.5-15; Lc 9.1-6)

⁷K̄y Jesus tóg ù t̄y 12 (ke) ag jé pr̄er mũ. K̄y tóg ag mũn mũ, ùn régre t̄in!, ùn régre t̄in! he tóg. Ag m̄y tóg vènh jykre nĩm mũ, ag t̄y vènh jagrē kórég pan mũ jé. ⁸K̄y tóg ag m̄y: “ãjag mũn k̄y pão ma mũ tūg nĩ,” he mũ, “bolsa ke gé, jãnkamy ke gé,” he tóg. ⁹“Vátó hã va mũmnĩ, kãtò ti, pē né ke gé, pēn to ró ti,” he tóg. ¹⁰K̄y tóg ag m̄y: “ãjag t̄y ěmã ù tá jun k̄y, ãjag t̄y ìn ra rã mũ hã ki nũgnũr hemnĩ,” he mũ, “hã ki ãjag t̄y kurã ki panh ke mũ ên tá kr̄ygr̄y nĩ,” he tóg. ¹¹“Ēmã ù tá ke ag tóg kejēn ãjag m̄y: kãgemnĩ, henh ke tũ nĩ, ag t̄y ãjag vĩ mē jãvãnh n̄yt̄in k̄y. K̄y ãjag pēn hã kykũnh nĩ, ãjag t̄y tá pa k̄y,” he tóg, “ag t̄y ve k̄y to ki kanhró n̄ytĩ jé, Topē t̄y ag m̄y: vól, he ti,” he tóg ag m̄y. “Ha mē, ki hã sóg tó mũ. Kurã t̄y ěgno ki, is̄y vènh kar jykre tugn̄ym ke kurã ên ki ag tóg jagãgtar n̄yt̄inh mũ, ag t̄y ãjag vĩ jēmē jãvãnh n̄yt̄in k̄y,” he tóg, Jesus ti.

¹²Kỹ ag tóg mũ mũ sir, ù tỹ 12 (ke) ag. “Ăjag jykre tovãnh nĩ,” he ag tóg mũ, vãnh kar mỹ. ¹³Vãnh jagrê kórég pan ag tóg mũ, ha mẽ. Ûn kagyga ag to tĩn ag tóg mũ, azeite tỹ, kỹ ag tóg tỹ há! he kãn mũ sir.

João Batista ter
(Mt 14.1-12; Lc 9.7-9)

¹⁴Kỹ pã'i mág tỹ rei tóg Jesus kãme mễg mũ sir. Vãnh kar vỹ ti kãmén tĩ, hã kỹ tóg mễg mũ. Pã'i mág tỹ rei ên jijin hã vỹ: Herodes, he mũ. Kỹ tóg: “João hỹn (tóg),” he mũ, “ù tỹ ag kygpég tĩ ên ti,” he tóg. “Ă ter jan tán hỹn vỹn ké,” he tóg. “Hã kỹ tóg êg tỹ nén han vãnh kar ên hyn han tĩ,” he tóg, Jesus to, Herodes ti.

¹⁵Hã ra ù tóg Jesus to: “Elias vễ,” he mũ. Kỹ ù tóg: “Topê vĩ tó tĩ vễ, vãsỹ Topê vĩ tó tĩ ag ri ke vễ,” he mũ gé.

¹⁶Hã ra Herodes tóg ti kãme mẽ kỹ: “João hỹn ă ter ja tá vỹn ké, sỹ ùn krĩ kym ja ên ti,” he mũ.

¹⁷Herodes vỹ João se ja nĩ, vễse jafã kãki tóg ti fón ja nĩ, Herodias fi tugrĩn. Tỹ fi Filipe prũ fi nĩ, ti jãvy, hã ra tóg fi tỹ prũg mũ, Herodes ti.

¹⁸Kỹ João tóg Herodes mỹ: “ă hã ne tóg ă mré ke prũ fi tỹ prũg mũ!” he ja nĩ. “Fi ki ă tóg Topê vĩ mranh mũ,” he ja tóg nĩ, João ti, Herodes mỹ. ¹⁹Tag to Herodias fi tóg ti to kórég nĩ, ti tén ke to fi tóg jykren nĩgtĩ, hã ra fi tóg ti tỹ hẽ ri ke tũ nĩ, ²⁰Herodes tỹ ti kamễg kỹ. João vỹ tóg tỹ ùn jykre kuryj nĩ. Topê jykre hã han tóg tĩ. Hã kỹ Herodes tóg ti jy nĩgãn tĩ, ti tỹ ti jykre há ki kanhró nĩn kỹ. João vỹ tóg ti mỹ vẽnhmỹ tĩ, ge ra tóg ti mỹ mẽ há tĩ, Herodes mỹ.

²¹Kejẽn tóg fi mỹ ti tén ke ki króm ke mũ. Herodes tóg ă mur ja kurã ên ki festa mág han mũ, tenente ag mỹ, soldado ag pã'i ag mỹ ke gé, ùn rico ag mỹ ke gé, Galiléia tá ke ag mỹ.

²²Kỹ Herodias fi kósin fi tóg ag jo vãnh gringrén mũ, hã ra tóg ag mỹ sĩ tãvĩ tĩ, Herodes mỹ, ti mré nỹtĩ ag mỹ ke gé, ti mré jêg mũ ag mỹ. Kỹ tóg fi mỹ: “ă tỹ nén to vĩ mũ tỹ sóg ă mỹ nĩm mũ,” he mũ. ²³Fi mỹ tóg: “sỹ ke há vễ,” he mũ. “Ă tỹ nén to vĩ mũ kar nĩm jé sóg ke mũ, isỹ nén kar kuju mré hã,” he tóg, tátãg fi mỹ.

²⁴Hã ra fi tóg ă mỹnh fi to tĩ mũ sir. “Inh hỹn ne to vĩnh mũ?” he fi tóg mũ, ă mỹnh fi mỹ. Kỹ fi tóg: “João krĩ to vĩmĩnĩ,” he mũ, “ù tỹ ag kygpég tĩ ên krĩ to,” he fi tóg, ă kósin fi mỹ, Herodias fi.

²⁵Kỹ fi tóg vễsỹmér pã'i mág ên to vẽnhvãg tĩ mũ. “Inh mỹ ùri João Batista krĩ nĩm, pẽnky kãkã,” he fi tóg mũ.

²⁶Kỹ Herodes tóg fe kaj mág han mũ sir. Hã ra tóg fi mỹ: “sỹ ke há vễ,” he ja nĩ, hã kỹ tóg fi mỹ han sór mũ, ti mré nỹtĩ ag tỹ mẽ kãn ja nĩn kỹ. ²⁷Hã kỹ tóg polícia ù jẽnêg mũ, ti tỹ ti krĩ ma kãtĩg jé. Kỹ tóg ti krĩ kym mũ sir, vễse ja kãtã. ²⁸Kỹ tóg ti krĩ ma kãtĩ mũ sir, pẽnky kãkã nĩm kỹ. Kỹ tóg fi mỹ nĩm mũ, tátãg fi mỹ. Kỹ fi tóg ă mỹnh fi mỹ ma kãtĩ mũ, Herodias fi mỹ.

²⁹Kỹ João mré mũ tĩ ag tóg ti venh mũ mũ, ti ter mẽ kỹ. Kỹ ag tóg ti há va mũ mũ, vãnh kej ra. Tá ag tóg ti pēju mũ sir.

Jesus tȳ ũ tȳ 5 mil (ke) ag jĕn
(Mt 14.13-21; Lc 9.10-17; Jo 6.1-14)

³⁰Kejĕn Jesus tȳ ũn vin mŭ ag tóg Jesus to vŷnvŷn ke mŭ, ti mŷ kāmĕn jé, ag tȳ vĕnh kar mŷ nĕn tó ja ĕn ti, ag tȳ nĕn ũ han mŭ kar ĕn ke gé. ³¹Kŷ tóg ag mŷ: “mŭ nŷ, ĕg pir mŷ ĕmā tŭg ja ra mŭ jé, ĕg vĕnhkán sĭ han jé,” he mŭ. Kāmŭ ag tóg nŷ nĭ, e ag tóg tĭ ha, kŷ tóg ag jĕn ke mŭ ra vĕnhmŷ tĭ sir. ³²Kŷ ag tóg canoa kāmĭ mŭ mŭ sir, ĕmā tŭg ja ra, ājag pir mŷ.

³³Hā ra ũn e ag tóg ag mŭ ve kŷ ag ki kanhrān mŭ, kŷ ag tóg ājag pĕn kā ag jy pétĕ mŭ, ĕmā kar tá kāmŭ kŷ. Ag jo ag tóg tá junjun mŭ sir, vĕnh e ĕn ti. ³⁴Jesus tȳ tá jun kŷ tóg sir ũn e ag vĕg mŭ, kŷ ag tóg ti mŷ jagtar nŷtĭ. Ti mŷ ag tóg tȳ ĕg mĕg tȳ mé, ĕg mĕg tȳ carneiro ri ke nŷtĭ. Ũ tȳ ĕg mĕg ki rĭr tŭ nĭn kŷ tóg jagāgtar nŷtĭgtĭ, ĕg mĕg ti. Tag ri ke ag nŷtĭ, ũn e ĕn ag, Jesus mŷ, ag tȳ Topĕ vĭ ki kagtĭg nŷtĭn kŷ.

³⁵Hā ra tóg rākĕ nŷ sir, kŷ ti mrĕ mŭ tĭ ag tóg ti mŷ: “ki ti ĕmā tŭ nĭ, rākĕ ti nŷ ha,” he mŭ. ³⁶“Ā tȳ ag mŭn kŷ tóg há tĭ vĕ. Kŷ ag tóg ĕmā kar mĭ mŭnh mŭ, vĕjĕn jāvānh jé,” he ag tóg ti mŷ. ³⁷Hā ra tóg ag mŷ: “ha inhā ag jĕn ge,” he mŭ. Hā ra ag tóg: “kŷ ĕg mŷ jānkamy tȳ hĕn ri ke tȳ pāo kajām mŭ?” he mŭ, “ĕg tȳ ag jĕn jé?” he ag tóg ti mŷ.

³⁸Kŷ tóg ag mŷ: “pāo tȳ hĕ ri ke nŷ ki nŷtĭ?” he mŭ. “Ha venh mŭ jĕg,” he tóg. Ag tȳ ve kŷ ag tóg: “ũ tȳ 5 (ke) vĕ,” he mŭ, “pirā régre ke gé,” he ag tóg.

³⁹Kŷ tóg ag mŷ: “nĭgnĭ ra, re gŷnh tánh kri, mrugmru kri,” he mŭ, “vĕnhmān kŷ,” he tóg, vĕnh kar ĕn mŷ. ⁴⁰Kŷ ag tóg vĕnhmān kŷ nĭ', vĕnhmān kŷ nĭ' he mŭ, ũ vŷ tóg 100 (ke) nĭ' he mŭ, jo ũ tóg 50 (ke) nĭ' he mŭ, ag vĕnhmān ũ. ⁴¹Kŷ tóg pāo tȳ 5 (ke) génh kŷ, pirā régre génh kŷ kanhkā ki ĕvānh mŭ, kŷ tóg Topĕ mrĕ vĭ mŭ sir, kŷ tóg pāo kĕnh mŭ sir, ā mrĕ mŭ tĭ ag mŷ tóg vin mŭ, ag tȳ ũn e ĕn mŷ vĕnh kápāpām jé. Pirā régre tȳ tóg vĕnh kápópām mŭ gé sir. ⁴²Kŷ vĕnh kar vŷ ko kán kŷ funfór mŭ sir. ⁴³Kĕj tȳ 12 (ke) fān ag tóg mŭ sir, pāo ke tȳ, pirā ke tȳ. ⁴⁴Pāo ĕn ko mŭ ag tóg tȳ 5 mil (ke) nŷtĭ, ũn tŷtá fag tó tŭ.

Jesus tȳ goj kri tĭg
(Mt 14.22-33; Jo 6.15-21)

⁴⁵Kŷ Jesus tóg vĕsŷmĕr ā mrĕ mŭ tĭ ag mŷ tó mŭ, ag tȳ canoa kāmĭ mŭ jé, ag tȳ ti jo kafā ũ ra mŭ jé, ĕmā tȳ Betsaida ra. “Isŷ ũn e tag ag mŷ: ha mŭjĕg, hĕnh ke vĕ ver,” he tóg ag mŷ. ⁴⁶Kŷ tóg ag mŷ: “ha mŭjĕg,” he mŭ sir. Ag mŭn kar tóg pānónh to tāpŷy mŭ, Topĕ mrĕ vĭ jé. ⁴⁷Kuty ĕn kŷ canoa tóg ver tĭ nĭ, goj kāmĭ. Jo Jesus tóg tar tá jĕ nĭ ver, ā pir mŷ. ⁴⁸Hā ra ag tóg canoa vóg kŷ ronron mŭ sir, mŭ kónān ag tóg mŭ sir, kākā tȳ ag kato tĕn kŷ. Hā ra tóg ag ronron vĕg mŭ sir, Jesus ti. Kŷ tóg kurā ke ra ag to kātĭ mŭ, goj kri tĭg kŷ, ā pĕn kā mŷr. Hā ra tóg ag tá jun mŭ sir, kŷ tóg ag pātĕn sór nĭ ve nĭ. ⁴⁹Ag tȳ goj kri ti tĭg ve kŷ ag tóg: “vĕnh kuprĭg vĕ,” he mŭ. Kŷ ag tóg vĕkrĕnrĕr mŭ,

⁵⁰ag tỹ jũrũn ken kỹ, ag kar tỹ ti ve kỹ. Hã ra tóg vêsĩmér ag mré vĩ mũ, kỹ tóg ag mỹ: “kamêg tũg nĩ,” he mũ. “Inh hã vê, jũrũn ke tũg nĩ,” he tóg.

⁵¹Kỹ tóg canoa kãki rã mũ sir ag mré, Jesus ti. Kỹ kãka tóg tũ' he mũ sir. Kỹ tóg ag mỹ e (pê) tâvi tĩ. ⁵²Hã kỹ tóg ag tỹ to jykrén tũ tĩ. Ver ag tóg krĩ tũ nỹtĩ, hã kỹ ag tóg Jesus jykre ki kagtĩg nỹtĩ ver, ti tỹ pão pir tỹ ãn e jên ja ra.

Jesus tỹ Genesaré mĩ tĩg

(Mt 14.34-36)

⁵³Ag tỹ canoa kãmĩ pa kỹ ag tóg ga tỹ Genesaré tá junjun ja nĩ. Kỹ ag tóg canoa nỹgnỹn mũ sir. ⁵⁴Ag tỹ canoa kãmĩ pa kar kỹ tá ke ag tóg vêsĩmér ti ki kanhrãn mũ, Jesus ki. ⁵⁵Kỹ ag tóg ãn kar mĩ petê mũ sir, kỹ ag tóg ãn kagyga ag gé kãmũ mũ ti to. Kur kã ag tóg ag gé kãmũ mũ. Ti jêg jan ra ag tóg ti nón mũ mũ, ag tỹ ti jêg ja mẽ kỹ. ⁵⁶Ti tỹ êmã ù tá jun kỹ ag tóg vênh kaga gé kãmũ tĩ, kỹ ag tóg ãn prur ki ag vin tĩ, êmã kãsir ki, êmã mág ki ke gé, vãnh kãmĩ ke gé. “Mỹ ã mỹ há, êg tỹ hên ri ke mũn ã kur mráj mẽ jé?” he ag tóg ti mỹ. Kỹ ag tóg há' há' he kãn mũ sir, ag tỹ ti kur mên kỹ.

Ti si ag jykre ti

(Mt 15.1-9)

7 ¹Kejên Fariseu ag tóg Jesus to vênhmãn mũ, Topê vĩ to professor ag mré. Jerusalém tá ag kãmũ ja nĩ. ²Hã ra ag tóg Jesus mré mũ tĩ ù ag jên vég mũ. Nĩgpég tũ ja ag tóg nĩ, hã kỹ tóg Fariseu ag mỹ jêggryg tĩ. ³Fariseu ag tóg nĩgpe kar kỹ tỹ jêg tĩ, Israel kar ag ke gé, ag tỹ ti si ag jykre han kỹ. ⁴Ag tỹ negocio tá kãmũ kỹ ag tóg veso tỹ kó he tĩ, goj tỹ, veso tỹ kó he kar hã ag tóg ko tĩ. Vênh jykre si tỹ hên ri ke hyn han ag tóg tĩ, caneca kupég tĩ, kukrũ kupég tĩ, lata kupég tĩ ke gé. ⁵Kỹ Fariseu ag tóg Jesus mỹ ke mũ, Topê vĩ to professor ag mré hã. “Á mré mũ tĩ ag tỹ hê ri ke jé ti si ag jykre han tũ nĩ nê?” he ag tóg mũ. “Ag tỹ ne jé ãjag nĩgé jêggry ra jên nê?” he ag tóg mũ.

⁶Hã ra tóg ag mỹ: “Isaías vỹ ãjag to vĩ ja nĩ, vãsỹ,” he mũ, “kỹ tóg rán kỹ nĩ,” he tóg. “Ti vĩn hã vê, ha mẽ: povo tag vỹ ãjag nũnê hã tỹ inh mỹ vĩ há han tĩ, hã ra ag jykre pí(jé) tỹ inh jykre nỹ! ⁷Fagrĩnh mỹ ag tóg iso grĩnh ke tĩ, hã ra ag tóg êprã ke ag jykre to: Topê tỹ tón hã vê, he tĩ, he ja tóg nĩgtĩ, Isaías ti,” he tóg, Jesus ti. “Hã kỹ tóg ãjag to ki hã tó ja nĩ, ãjag jykre régre nỹtĩn kỹ,” he tóg, Jesus ti. ⁸“Topê vĩ tovãnh ãjag tóg mũ,” he tóg. “Hã ra ãjag tóg êprã ke jykre han tĩ,” he tóg, Jesus ti.

⁹Kỹ tóg ag mỹ: “ãjag hã ne tóg Topê vĩ mranh tĩ,” he mũ, “ãjag tỹ ãjag jykre si hã han jé,” he tóg. “Hã ra tóg ãjag mỹ há nỹ, ãjag jykre si ên tĩ,” he tóg, ag mỹ. ¹⁰“Moisés tỹ ãjag mỹ Topê vĩ tó kỹ tóg ãjag mỹ: “ã mỹnh fi mré ã panh kamêg nĩ, fag jagãgtãn nĩ,” he ja nĩgtĩ. “Û tỹ ã han mũ fag mỹ vĩ kónãn mũ ên tén jé ã tóg ke mũ,” he ja tóg nĩgtĩ, Moisés ti,” he tóg, Jesus ti. ¹¹⁻¹²“Moisés jãvo ãjag jykre vỹ ge nĩ, ha mẽ. Û tóg kejên ã han mũ fag jagãgtãn sór tũ nĩ. Kỹ tóg fag mỹ ón kỹ: “Topê tũ vê,” he tĩ, ti tỹ fag mỹ nĩm jafã ên to. Kỹ tóg fag ki

rĩr ke tũ nĩ, kũ tóg fag to é he mũ sir. Ājag jykre kórég hã vĕ,” he tóg, Jesus ti. ¹³Kũ Jesus tóg ag mĩ: “Topĕ vĩ mranh ājag tóg tĩ, ti jĕgja kã ājag tóg ĕprã ke ag jykre hã ki króm sór tĩ. Ge tỹ hĕn ri ke han ājag tóg tĩ,” he tóg ag mĩ, Jesus ti.

Nén tỹ ĕg kavĕnh mũ

(Mt 15.10-20)

¹⁴Kũ tóg vĕnh kar jé prĕr mǎn kũ ag mĩ: “inh vĩ jĕmĕ ra,” he mũ, “ājag kar tỹ ki kanhrǎn jé,” he tóg. ¹⁵“Vĕjĕn pi(jĕ) ĕg kavĕnh tĩ,” he tóg, “ĕg tỹn ko kũ,” he tóg. “Nén tỹ ĕg ki kãpa vỹ ĕg kavĕnh tĩ, ĕg tỹ nén ũ vĕnhmỹ han ĕn vỹ ĕg kavĕnh tĩ,” he tóg. ¹⁶“Ū nĩgrĕg nỹtĩ tỹ tỹ jĕmĕ jé,” he tóg, Jesus ti.

¹⁷Ti tỹ ã pir mĩ ĩn kãra rã kũ ti mrĕ mũ tĩ ag tóg ti ki jĕmĕg mũ. “Ĕg mĩ kãmĕn há han nĩ, ã vĩ tag,” he ag tóg ti mĩ.

¹⁸Kũ tóg ag mĩ: “kũ ājag mĩ ki kanhró tũ nỹtĩ ver?” he mũ. “Ĕg jĕn tỹ ĕg jĕnky kãra rã kũ tóg ĕg kavĕnh tũ nĩgtĩ mỹr,” he tóg. ¹⁹“Ĕg nug kãra tóg rã mũ, kar ĕg fón mũ. Ĕg krĩ kãra tóg rã tũ nĩgtĩ,” he tóg. Hã kũ Jesus tóg vĕjĕn kar to: “há ti nĩ,” he mũ.

²⁰Kũ tóg: “nén tỹ ĕg ki kãpa vỹ ĕg kavĕnh tĩ,” he mũ. ²¹“Nén tỹ ĕg ki kãpan hã vĕ, hã vỹ: jykřĕn kónǎn, he mũ, ũn mĕn tũ fag to ĕn, he mũ, nén ũ pĕju, he mũ, ũ tĕn, he mũ, ã prũ tũ fi mrĕ nỹ, he mũ, ã mĕn tũ mrĕ nỹ, he mũ. ²²nén kar to ĕn, he mũ, vĕnh jykřĕ pãno han, he mũ, ã tỹ nén ũ nenh (ka)mĕ, he mũ, ũ kato vĩ kónǎn, he mũ, vĕnhmỹ inh ag kãfór kar nĩ, he tĩ, he mũ, krĩ tũ, he mũ. ²³Nén kar kórég ĕn tóg ĕg ki kãpa tĩ, hã kũ tóg ĕg kavĕnh tĩ,” he tóg, Jesus ti.

Jesus tỹ tátǎg sĩ fi jagřĕ kórég kutĕm

(Mt 15.21-28)

²⁴Kũ Jesus tóg tá kãkutĕ mũ sir, ga ũ ra tĩg jé, cidade tỹ Tiro ra, cidade tỹ Sidom ra ke gé. Tá tóg ĩn ũ krĕm nĩ mũ, hã ra tóg: “ker ũ inh nĩgja ki kanhrǎn hĕ!,” he mũ. Ge ra ag tóg ki kanhrǎn mũ. ²⁵Kũ vĕsỹmĕr ũn tỹtá ũ fi tóg kãtĩ mũ. Fi kósĭn fi vỹ jagřĕ kórég nĩ. Fi tỹ ti kãme mĕ kũ fi tóg kãtĩ mũ. Kũ fi tóg ti krĕm mũg ke mũ sir, ũn tỹtá fi. ²⁶Hã ra fi vĩ vỹ tỹ Grego nĩ, ũ tỹ Siro-Fenício krĕ vỹ tỹ fi nĩ. Kũ fi tóg to vĩ mǎn!, to vĩ mǎn!, he mũ, ti tỹ fi kósĭn fi jagřĕ kórég ĕn kutĕm jé.

²⁷Kũ Jesus tóg fi mĩ: “ĕg jĕn vỹ tỹ ĕg krĕ tỹ ko jafã nĩ,” he mũ. “Vĕnhmỹ ti nĩ, ĕg tỹ ĕg krĕ pão tỹ cachorro mĩ fón kũ,” he tóg, fi mĩ.

²⁸Hã ra fi tóg Jesus ti mĩ: “hỹ,” he mũ. “Hã ra cachorro sĩ ag tóg ĕg krĕ pão vár ĕn ko tĩ, mesa krĕm,” he fi tóg ti mĩ. ²⁹Kũ Jesus tóg fi mĩ: “tó há han ã tóg,” he mũ. “Ha tĩg, fi jagřĕ kórég tóg hur kutĕ, ã kósĭn fi ki,” he tóg mũ.

³⁰Kũ fi tóg ã ĩn ra tĩ mũ sir. Fi tỹ tá jun kũ fi kósĭn fi tóg nỹ mũ, cama kri, hã ra fi jagřĕ kórég ĕn vỹ kutĕ ja nĩ.

Jesus tỹ ùn vĩ vãnh vĩn

³¹Kỹ Jesus tóg cidade tỹ Tiro ki ga ki kutẽ mũ, kỹ tóg cidade tỹ Sidom fĩn rãm mũ gé sir, kỹ tóg ga tỹ Galiléia ki goj nig ra tĩ mũ sir, cidade tỹ 10 (ke) fĩn rãm kỹ. ³²Kỹ ag tóg ù pére kãmũ mũ, ti to, ùn kutu, ùn vĩ kar vãnh. Kỹ ag tóg ti mỹ ti tó mũ, ti tỹ ã nĩgẽ tỹ ti mẽ jé. ³³Hã ra Jesus tóg ti pére tĩ mũ, ti pin kỹ, kỹ tóg ã nĩgẽ juféj tỹ ti nĩgrẽg nor nĩgfénh mũ, kỹ tóg ti nũnẽ to sug mũ sir. ³⁴Kỹ tóg kanhkã ki êvãnh kỹ ỹnh' ỹnh' he mũ sir, kỹ tóg ti mỹ: “efatá,” he mũ. Êg vĩ ki ke hã vỹ: “ti nĩgrẽg jé nor hé,” he mũ. ³⁵Kỹ ti nĩgrẽg tóg nor' he mũ sir, ti nũnẽ tóg kavara mũ sir. Vĩ tóg mũ sir, há' he tóg mũ sir. ³⁶Kỹ Jesus tóg ag tỹ tó kamẽg, hã ra ag tóg tugtó kãn mũ, ti tỹ: “ker tó hẽl, ker tó hẽl,” he mũ ra. ³⁷Kỹ ag fe tóg hẽn ri ke mũ. “Ti tỹ nén kar há vỹ tóg há tãvĩ nỹtĩ,” he ag tóg, Jesus to. “Ùn kutu ag êmẽ hyn han tóg, ùn vĩ vãnh ag vĩ hyn han tóg ke gé,” he ag tóg, Jesus to.

Jesus tỹ ù tỹ 4 mil (ke) ag jẽn

(Mt 15.32-39)

8 ¹Kejẽn ùn e ag tóg vẽnhmãnãmãn mũ, hã ra ag tỹ nén ù konh ke tóg tũ tĩ. Kỹ Jesus tóg ã mré mũ tĩ ag jé prẽr mũ sir, kỹ tóg ag mỹ: ²“inh mỹ ag tóg jagtar nỹtĩ, ùn e tag ag,” he mũ. “Kurã tãgtũ han ag tóg huri, êg mré, hã ra ag tóg vẽnẽn ve ja tũ nĩgtĩ,” he tóg. ³“Sỹ ag kókĩr ra ag mỹ: ha mũjẽg, hen kỹ inh mỹ ù ag kãgter ha mẽ tóg tĩ, êmĩn kri, êpny kri, ag tỹ ajag jamã ra vỹnvỹn ke jé,” he tóg. “Kuvar gy tóg nĩ, ù ag jamã ti,” he tóg, Jesus ti.

⁴Kỹ ti mré mũ tĩ ag tóg ti mỹ: “êg hẽ ri ken kỹ pão venh mũ, êmã tug ja tag ti ki, êg tỹ ag jẽn jé?” he mũ.

⁵Hã ra tóg ag mỹ: “pão tỹ hẽ ri ke nỹ ki nỹtĩ ge?” he mũ. Kỹ ag tóg ti mỹ: “ũ tỹ 7 (ke) vỹ nĩ,” he mũ.

⁶Kỹ tóg vẽn kar mỹ: “nĩgnĩ ra, ga kri,” he mũ. Kỹ tóg pão tỹ 7 (ke) ên mãn kỹ (tóg) Topẽ mré vĩ mũ. “Inh mỹ tóg há tĩ,” he tóg. Kỹ tóg kupãg' he mũ sir, pão ti, ã mré mũ tĩ ag mỹ tóg vin mũ sir, ag tỹ vẽn kar ken jé. Kỹ ag tóg vẽn kar ken mũ sir. ⁷Kãkufãr pipir vỹ ki nỹtĩ gé. Kỹ tóg to Topẽ mré vĩ mũ gé, kỹ tóg ag mỹ: “ha vẽn ken,” he mũ gé, ã mré mũ tĩ ag mỹ. ⁸Kỹ ag tóg ko kãn mũ sir, funfór ag tóg mũ, hã ra tóg kẽn mũ sir. Kre tỹ 7 (ke) ên fãn tóg mũ, ti kẽn ti, Jesus mré mũ tĩ ag tỹ génh kỹ. ⁹Ù tỹ 4 (ke) ag vẽn, hẽn ri ke mũn, pão ko mũ ag.

¹⁰Kar kỹ Jesus tóg ag mỹ: “ha mũjẽg,” he mũ. Kỹ tóg vẽnỹmẽr canoa kãki rã mũ, ti mré mũ tĩ ag mré, kỹ ag tóg Dalmanuta tá ga ra mũ mũ.

Fariseu ag tỹ milagre ve sór

(Mt 16.1-4)

¹¹Kỹ Fariseu ag tóg ti tá junjun mũ. Ag tỹ ón kỹ ti ki jẽnẽ sór vẽn, ag tỹ kar ti kato vĩ jé. Kỹ ag tóg ti mỹ to vĩ mũ, ti tỹ ag mỹ kanhkã tá vẽn

jykre ven jé, ti tỹ ag mỹ ěg tỹ nén han vãnh han jé. Ag tỹ ti jykre to: “Topẽ jykre mỹ vỹ?” he sór vē.

¹²Kỹ Jesus tóg jĕnger jagy han, ā fe tỹ, kỹ tóg ag mỹ: “ājag ne tóg ěg tỹ nén han vãnh hā ve sór mũ,” he mũ. “Sỹ ke há vē, hā kỹ sóg ke mũ: venh ke tũ ājag nĩ. Ūri ke ag vỹ ěg tỹ nén han vãnh venh ke tũ pẽ nĩ,” he tóg, ag mỹ, Jesus ti.

¹³Kỹ tóg ag ré kỹ tĩ mũ sir, canoa kākĩ tóg rā mǎn mũ, kỹ tóg kafā ũ ra tĩ mũ sir.

Fermento to comparaçāo

(Mt 16.5-12)

¹⁴Hā ra ti mré mũ tĩ ag tóg pāo mĩ ěkrén ja tũ nĩ. Pāo pir hā vỹ kǎ nĩ nĩ, canoa kākā.

¹⁵Hā ra Jesus tóg ag kanhrǎn kỹ ag mỹ: “ha mē,” he mũ. “Fariseu tỹ fermento há(r) kamĕg nĩ,” he tóg, “Herodes tỹ fermento há(r) kamĕg nĩ gé,” he tóg. ¹⁶Kỹ ag tóg jagnĕ mỹ: “pāo kǎ ěg jatun,” he mũ, “hā kỹ tóg tag tó mũ,” he ag tóg mũ.

¹⁷Hā ra Jesus tóg ki kanhró nĩ, kỹ tóg ag mỹ: “pāo tũ ti tĩ, he tũg nĩ,” he mũ. “Inh vĩ ki kagtĩg nỹtĩ ve ājag tóg nỹtĩ, sỹ nén han mũ to jykrén tũ nỹtĩ ve ājag tóg nỹtĩ,” he tóg. “Křĩ tũ nỹtĩ ve ājag tóg nỹtĩ,” he tóg. ¹⁸“Ājag kanĕ ra ājag kyvó nỹtĩ ve nỹtĩ,” he tóg. “Ājag nigrĕg ra ājag tóg kutu nỹtĩ ve nỹtĩ,” he tóg. “Mĩ ěkrén nĩ, ¹⁹sỹ pāo tỹ 5 (ke) tỹ ũn e jĕn ja ěn mĩ. Ū tỹ 5 mil (ke) ag vỹ kó, mỹr, hā ra tóg kén,” he tóg. “Ājag kĕj tỹ hĕn ri ke fǎn ti, pāo ke ti?” he tóg ag mỹ. Kỹ ag tóg: “kĕj tỹ 12 (ke),” he mũ.

²⁰Kỹ tóg: “kỹ pāo tỹ 7 (ke) to jykrén nĩ gé,” he mũ. “Ū tỹ 4 mil (ke) ag vỹ kó,” he tóg, “hā ra kre tỹ hĕ ri ke nỹ fór, ti ke tỹ?” he tóg. Kỹ ag tóg: “kre tỹ 7 (ke),” he mũ.

²¹Kỹ tóg ag mỹ: “ge ra ājag tóg ki kagtĩg nỹtĩ,” he mũ. Ti tỹ ag mỹ Fariseu ag jykre tó jan hā vē, Herodes jykre ti. Ag jykre hā to tóg: ag tỹ fermento há(r), he ja nĩ.

Jesus tỹ ũn kyvó tỹ há' he

²²Kỹ tóg kafā ũ tá jun mũ sir, ěmā tỹ Betsaida tá, ti mré mũ tĩ ag mré. Kỹ tá ke ag tóg ũn kyvó pére kāmũ mũ. Jesus mỹ ag tóg to vĩ mũ, ti tỹ ti mē jé, ā nĩgé tỹ. ²³Kỹ tóg ũn kyvó nĩgé kǎgmĩ kỹ ti pére kuté mũ, ěmā ki. Kỹ tóg ti mỹ: “ā mỹ nén ũ vég mũ?” he mũ.

²⁴Kỹ tóg ěvǎnh kỹ ti mỹ: “ag ve inh,” he mũ, “hā ra ag tóg inh mỹ tỹ ka mũ ěn ve nỹtĩ,” he tóg.

²⁵Kỹ tóg ā nĩgé tỹ ti kanĕ mē mǎn mũ, kỹ tóg ěvǎnh há han mũ sir. Há' he tóg mũ. Tǎmĩ tóg ve há han kǎn mũ, ũn kyvó ja ti. ²⁶Kỹ Jesus tóg ti mỹ: “ha vēsỹmĕr ā jamā ra tĩg,” he mũ. “Ěmā tag ki rā tũg nĩ,” he tóg ti mỹ, Jesus ti. Kỹ tóg tĩ mũ sir.

Pedro tỹ Jesus tó

(Mt 16.13-20; Lc 9.18-21)

²⁷Kỹ Jesus tóg ã mré mũ tĩ ag mré tĩg mǎn mũ gé sir, ěmǎ tỹ Cesaréia Filipe tá ga ra. Ěmĩn jagma tĩg kỹ, ěpry jagma tĩg kỹ tóg ã mré mũ tĩ ag ki jēmēg mũ, Jesus ti. “Ag iso hē ri ke tĩ?” he tóg.

²⁸Kỹ ag tóg ti mỹ ke mũ. “João Batista vĕ, he ag tóg tĩ ã to,” he ag tóg mũ sir. “Jǎvo ũ ag tóg: Elias vĕ, he tĩ. Jǎvo ũ ag tóg: Topĕ vĩ tó tĩ ũ vĕ, he tĩ, ã to,” he ag tóg ti mỹ.

²⁹Kỹ tóg ag mỹ: “ag jǎvo ājag iso hē ri ke tĩ?” he mũ. Kỹ Pedro tóg ti mỹ: “tỹ ã Cristo nĩ,” he mũ. ³⁰Kỹ tóg ag jyvĕn mũ, ag tỹ ũ mỹ kāmén tũ nĩ jĕ.

Jesus tỹ ã jagtar ke tó

(Mt 16.21-28; Lc 9.22-27)

³¹Kỹ tóg ag kanhrǎn mũ sir. “Tỹ sóg ěprǎ ke fi kósin nĩ,” he tóg. “Ijagtar jagy han ke vĕ,” he tóg. “Kófa ag tỹ iso: kórég ti nĩ, henh ke vĕ, Topĕ tũ ki rĩr tĩ ag ke gé, Topĕ vĩ to professor ag ke gé,” he tóg. “Ag tỹ isén ke vĕ, kurǎ tǎgtũ tũg mũ ra sóg rĩr mǎn mũ hǎ ra,” he tóg mũ, ã mré mũ tĩ ag mỹ. ³²Kỹ ag tóg ki kanhrǎn kǎn mũ, ti tỹ ag mỹ nĕn tó mũn ki.

Hǎ ra Pedro tóg ti pin kỹ ti mré vĩ mũ, kỹ tóg: “vĩ tỹ ge han tũg nĩ,” he mũ. ³³Hǎ ra Jesus tóg vĕsỹjǎm ěvǎnh kỹ ti mré mũ tĩ ag ki ěvǎnh mũ. Kỹ tóg Pedro to jũ mũ. “Kutĩg, Satanás!,” he tóg. “Ā pi(jé) Topĕ jykre tó mũ!,” he tóg. “Ěprǎ ke jykre vĕ, ã tỹ inh mỹ nĕn tó mũ tag ti,” he tóg, Pedro mỹ.

³⁴Kỹ Jesus tóg ã mré mũ tĩ ag mré vĕnh kar jĕ prĕr mũ, kỹ tóg ag mỹ kāmén mũ. “Ājag tỹ inh mré kāmũ kỹ tóg há tĩnh mũ,” he tóg. “Kỹ ājag jykre tovǎnh nĩ, ājag tỹ isũ tǎvĩ han jĕ. Ha vé, ag tỹ inh cruz tỹ inh kri fi kỹ sóg tĩg ke mũ, ag tỹ to isa kỹ isén jĕ, ha vemnĩ. Vĕnh nenh ke tũ sóg nĩ. Isỹ tag han ri ke han nĩ, kurǎ kar ki, ājag tỹ inh mré mũ sór nỹtĩn kỹ,” he tóg. ³⁵“Ājag tỹ ājag jykre hǎ han sór kỹ ājag tỹ nũgme ki vǎr ke vĕ,” he tóg. “Jǎvo ājag tỹ isugrĩn ājag jykre toyǎnh kỹ ājag krenkren ke vĕ,” he tóg, “ājag tỹ vĕnh vĩ sér tugrĩn kǎgter ke mũ (hǎ) ra,” he tóg. ³⁶“Hĕn ri ke mũn ājag hỹn mundo ki nĕn ũ kar ganhar henh ke mũ, hǎ ra ājag kuprĩg tóg vǎfor ke mũ. Kỹ tóg kórég nỹ. ³⁷Ěg tỹ ne tỹ ěg kuprĩg kajǎm ke tóg tũ tĩ, ěg tỹ ti ve mǎn jĕ,” he tóg, Jesus ti. ³⁸“Ūri ke ag tóg vyr mỹ Topĕ ũ hyn han tĩ, kỹ ag tóg Topĕ vĩ mranh tĩ gé,” he tóg. “Ag kāmĩ iso mỹ'ǎg tũg nĩ, inh vĩ to. Ājag tỹ ũri iso mỹ'ǎg kỹ sóg ājag to mỹ'ǎg ke mũ gé, inh kǎtĩg mǎn kỹ,” he tóg. “Ājag to sóg mỹ'ǎg ke mũ, sỹ Topĕ tỹ jĕnĕ mág ag mré kǎtĩg ken kỹ. Ijóg vỹ tóg isỹ ũn mág han ke mũ, inh kǎtĩg mǎn ti kỹ,” he tóg. “Tỹ sóg ěprǎ ke fi kósin nĩ,” he tóg, Jesus ti.

9 ¹Kỹ tóg ag mỹ: “ha vé, ki hǎ sóg tó mũ,” he mũ. “Ājag kāmĩ ũ ag vỹ Topĕ tỹ tỹ ěg pǎ'i nĩ venh ke mũ, ājag ter ke to hǎ, tag ki ěg mré nỹtĩ ũ ag. Topĕ vỹ tar nĩ. Tĩ tar nĩ ve jĕ ag tóg ke mũ, ājag ter ke to hǎ,” he tóg, Jesus ti.

Jesus tỹ vĕnh ve ũ han
(Mt 17.1-13; Lc 9.28-36)

²Kar kurā tỹ 6 (ke) tũg kỹ Jesus tóg ag mỹ: “mũ nỹ, vyr mỹ,” he mũ. Pedro mỹ tóg ke mũ, Tiago mỹ ke gé, João mỹ ke gé. Ag hã mré tóg pãnónh ra tí mũ. Kỹ tóg ag jo vĕnh ve ũ han mũ.

³Ti kur vỹ tóg kókov tãvĩ nĩ sir, kópréj tãvĩ, fag tỹ kur kupri fãg mũ ěn kupri kãfór tóg nĩ, ga kar mĩ hã.

⁴Kỹ Elias tóg sir vĕnh ven mũ, Moisés ke gé. Jesus mré ag tóg vĕmén mũ.

⁵Kỹ Pedro tóg Jesus mỹ: “Senhor,” he mũ. “Tag ki tóg ha nĩ,” he tóg. “Ěg tỹ tag ki pãjó tãgtũ han kỹn hỹn ha nĩnh mũ, ã mỹ, Moisés mỹ, Elias mỹ ke gé,” he tóg. Pedro ti.

⁶Hã ra ag fe tỹ jũrũn ke kỹ tóg ti tỹ nĕn tónh ke ki kagtĩg nĩ, Pedro ti.

⁷Kỹ kanhkã góg vỹ sir ag kri rũm ke mũ, kỹ, vĕnh vĩ tóg mĕ há! he mũ, kanhkã góg kãtã, kỹ tóg: “inh kósin hã vĕ,” he mũ. “Inh fe pĕ vĕ,” he tóg. “Ti vĩ jĕmĕ ra,” he tóg, vĕnh vĩ ti, Topĕ ti.

⁸Kỹ vãhã ti mré mũ tí ag tóg ki ěvãnh mãn mũ sir, kỹ ag tóg Jesus hã vég mũ sir, ti mrĕ nỹtĩ ag ve mãn tũ ag tóg nĩ.

⁹Kỹ ag tóg pãnónh tá kãre mũ sir. Kỹ Jesus tóg: “ker ũ mỹ ãjag tỹ ũri nĕn vég mũ tó hĕi,” he mũ. “Ěprã ke fi kósin tỹ ã ter ja tâ vỹn ke kar hã inh kãmĕn nĩ,” he tóg, Jesus ti.

¹⁰Hã kỹ ag tóg ti vĩ han mũ sir. “Ne nĕ hỹn, ti tỹ: iser ja tá vỹn ke, he mũ tag ti?” he ag tóg mũ, jagnĕ mỹ.

¹¹Kỹ ag tóg Jesus mỹ: “hã ra Topĕ vĩ to professor ag tóg Elias kãtĩg mãn ke tó tí. “Kãtĩg jé tóg ke mũ, Cristo kãtĩg ke to hã,” he ag tóg tí, Elias to. Hã mỹ!” he ag tóg mũ, Jesus mỹ.

¹²Kỹ tóg ag mỹ: “hỹ,” he mũ, “kãtĩg jé tóg ke mũ, Elias ti, nĕn kar han mãn jé,” he tóg. “Hã ra sóg rán kỹ nĩ gé. Tỹ sóg ěprã ke fi kósin nĩ mỹr,” he tóg. “Jagtar jagy mĕ jé sóg ke mũ. Ag tỹ iso é henh ke,” he tóg.

¹³“Kỹ Elias vỹ hur kãtĩg gé, kỹ ag tóg ti tỹ han, ag tỹ nĕn han sór mũ ěn ti,” he tóg. “Hã kỹ tóg rán kỹ nĩ,” he tóg, Jesus ti.

Jesus tỹ kyrũ jagrĕ kórég kutĕm
(Mt 17.14-21; Lc 9.37-43a)

¹⁴Kỹ ag tóg mũ mũ sir. Kỹ ag tóg vãhã Jesus mré mũ tí ũ ag tá junjun mũ sir. Kỹ ag tóg vĕnh e vég mũ, ag pĕnĩn, kỹ Topĕ vĩ to professor ag tóg ag vĩ kato vĩ ũ han mũ, Jesus mré mũ tí ag mỹ.

¹⁵Kỹ tóg vãhã vĕnh e ěn ag mỹ e tí, ag tỹ ti ven kỹ. Kỹ ag tóg ti to pétĕ kãmũ mũ sir, ti mỹ: “ã mỹ há?” he jĕ.

¹⁶Kỹ Jesus tóg ag mỹ: “ãjag tỹ ne tỹ vĕmén nĕ?” he mũ.

¹⁷Kỹ ag kã ũ tóg ti mỹ: “Senhor,” he mũ. “Inh kósin pére sóg kãtĩ, ã to,” he tóg. “Jagrĕ kórég ti nĩ, hã kỹ tóg vĩ vãnh (pĕ) nĩ,” he tóg.

18“Ti jagrē kórég t̃y ti kã vyryn ke k̃y tóg kutē t̃i, k̃y tóg jārãn t̃i, ã jã t̃y tóg gyngyn ke t̃i, tar' he tóg,” he tóg. “Ã mré m̃u t̃i ag m̃y sóg to ṽi ṽe, ag t̃y ti jagrē kórég kutēm jé, hã ra ag tóg t̃y hē ri ke tũ ñi,” he tóg, Jesus m̃y.

19K̃y Jesus tóg ag m̃y: “ãjag ne tóg inh ki rã há han tũ ñigt̃i,” he m̃u. “Jykre pãno ãjag ñyt̃i,” he tóg. “Kysã t̃y hēn ri ke ki inh h̃yn ãjag mré t̃i ñi? Kysã t̃y hēn ri ke ki inh h̃yn ãjag to fe t̃ig ñi?” he tóg. “Inh m̃y ti pére kãmũjég,” he tóg.

20K̃y ag tóg ti m̃y ti pére kãmũ m̃u sir. Jesus t̃y ti jagrē kórég vég m̃u ra tóg kyrũ kã vyryn ke mãn m̃u gé, k̃y tóg kutē mãn m̃u gé sir, ṽir̃in', ṽir̃in' ke tóg m̃u gé sir, jārãn tóg m̃u gé sir.

21K̃y Jesus tóg ti panh ti m̃y: “m̃y si há t̃i ha?” he m̃u. K̃y tóg: “ã s̃i kã tóg ge ñi,” he m̃u, ti panh ti.

22“Kejēn ti jagrē kórég tóg p̃i ki ti fón m̃u, goj ki ke gé, ti t̃y ti tén jé,” he tóg. “Ã t̃y hē ri ken há ñin k̃y ěg jagãgtãn ñi, ti t̃y há' hemñi,” he tóg.

23K̃y Jesus tóg ti m̃y: “ã t̃y hē ri ken há ñin k̃y, he tũg ñi, inh m̃y,” he m̃u. “Û t̃y Topē ki rã m̃u ěn t̃y hē ri ken há han m̃u, nén kar t̃y,” he tóg, Jesus ti.

24K̃y ṽes̃ymér kyrũ panh tóg: “ti ki sóg rãnh m̃u,” he m̃u, jamã hár(a). “Is̃y ti ki rã tũ ěn ti t̃y inh ki t̃y tũ' hemñi,” he tóg.

25Hã ra Jesus tóg ù t̃y hēn ri ke ṽenhmãn vég m̃u, k̃y tóg ti jagrē kórég to jũ m̃u. “Ṽenh jagrē ṽi vãnh!,” he tóg, “ṽenh jagrē kutu!,” he tóg, “ha kãkutē, ti ki rã mãn tũg,” he tóg, Jesus ti.

26K̃y tóg pr̃er m̃u sir, ti t̃y jũrũn ke han tóg m̃u sir. K̃y tóg kyrũ ki kãkutē m̃u sir. K̃y kyrũ tóg ter ve ñi, k̃y ag tóg ti to: “tũg ja ti ñi,” he m̃u.

27Hã ra Jesus tóg ti ñigé kãgm̃i k̃y ti ñim m̃u sir, k̃y tóg j̃egñe m̃u sir.

28K̃y Jesus tóg t̃i m̃u. Ti t̃y ãn kãra rã k̃y ti mré m̃u t̃i ag tóg ti pin k̃y ti m̃y ṽi m̃u. “Ěg ne tóg ti t̃y há' he ja tũ ñi! Hē ri ken k̃y, h̃yn?” he ag tóg, Jesus m̃y.

29K̃y tóg ag m̃y: “ṽenh jagrē kórég t̃y ge kutēm tóg jagy ñy ěg m̃y,” he m̃u. “Topē mré ěg ṽi t̃i, k̃y ěg tóg mr̃e vãkrég t̃i gé sir. K̃y tóg vãhã kãkutē t̃i,” he tóg, Jesus ti.

Jesus t̃y ã ter ke tó mãn
(Mt 17.22-23; Lc 9.43b-45)

30K̃y ag tóg tá kãpa k̃y Galiléia m̃i m̃u m̃u. Hã ra tóg: “ker ù ěg t̃y m̃i m̃u ki kanhrãn hē!,” he m̃u.

31Ti t̃y ti mré m̃u t̃i ag kanhrãn sór ṽe, hã k̃y tóg ke m̃u. K̃y tóg ag m̃y: “ěprã ke fi kósin ěn ṽy jagtar ñinh m̃u,” he m̃u. “Inh hã ṽe. Ěprã ke ag ṽy ag t̃y is̃y nén han sór m̃u ěn han ke m̃u,” he tóg. “Ag t̃y is̃én ke ṽe. Ag t̃y is̃én kar k̃y sóg hã ra r̃ir mãn m̃u, kurã tãgtũ tũg k̃y,” he tóg, Jesus ti.

32K̃y tóg ag t̃y ti t̃y nén tó m̃u tag to jykrén tũ t̃i, hã ra tóg ag t̃y ti ki j̃em̃eg tũ ñyt̃i, ag t̃y ti kam̃eg k̃y.

Ū tỹ tỹ ũn mág nĩ
(Mt 18.1-5; Lc 9.46-48)

33Kỹ ag tóg mũ mǎn kỹ cidade tỹ Cafarnaum tá junjun mũ sir. Tá ag tóg ĩn ũ krēm nỹtĩ. ĩn ěn tá junjun kỹ Jesus tóg ag mỹ: “ājag tỹ ne tó mũ nē, ěpry jagma?” he mũ.

34Hã ra ag tóg ti mỹ tó tũ nĩ. Ěmĩn jagma mũ kỹ ag tóg jagnē mỹ: “ũ nỹ hỹn ěg kǎfór kar jē?” he ja nỹtĩ.

35Kỹ Jesus tóg nĩ mũ, kỹ tóg ũ tỹ 12 (ke) ag jé prēr mũ sir, kỹ tóg ag mỹ: “ājag mỹ tỹ ũn mág nỹtĩ sór mũ!” he mũ. “Kỹ vēsỹ ũn sĩ ri ke nỹtĩmnĩ,” he tóg.

36Kỹ tóg gĩr sĩ mỹ: “kunĩg,” he mũ. Ag kuju kǎ tóg ti fĕg mũ, kỹ tóg ti jagma ǎ pĕ fón mũ sir, kỹ tóg ũ tỹ 12 (ke) ag mỹ: “ājag hã vỹ tỹ inh mré ke nỹtĩ,” he mũ.

37“Ājag tỹ tỹ inh mré ke nỹtĩ kỹ gĩr tỹ ge jĕ'ly'n nĩ, ti to há nỹtĩmnĩ, isugrĩn. Ājag tỹ isugrĩn ti to há nỹtĩn kỹ ājag tóg iso há nỹtĩ gé,” he tóg. “Ājag tỹ iso há nỹtĩ kỹ ājag tóg ũ tỹ ijĕnĕg mũ ěn to há nỹtĩ gé sir,” he tóg, Jesus ti.

Ū tỹ Jesus kato tĕ tũ nĩ kỹ ti mré ke
(Lc 9.49-50)

38Kỹ João tóg Jesus mỹ: “Senhor,” he mũ. “Ū ve ěg tóg, kỹ ěn tóg ǎ jyjy tó kỹ vĕnh jagrĕ kórĕg pan tĩ, ěg tỹ ũn vég mũ ěn ti,” he tóg mũ, Jesus mỹ. “Hã ra tóg ěg mré tĩ tũ nĩgtĩ, kỹ ěg tóg ti mỹ: “vĕnh jagrĕ kórĕg pan sór tũg nĩ,” hé,” he tóg, João ti, Jesus mỹ.

39Hã ra Jesus tóg ti mỹ: “ti tỹ vĕnh jagrĕ kórĕg pan kamĕg tũg nĩ,” he mũ. “Ū tỹ inh jiji tó kỹ nĕn han vĕnh han kỹ tóg kar kỹ iso vĩ kónĕn ke tũ nĩ,” he tóg.

40“Ū tỹ ěg kato tĕ nĩ tũ nĩn kỹ ěg mré ke vĕ sir,” he tóg.

41“Sỹ ke há vĕ, hã kỹ sóg tó mũ: kejĕn ũ tóg ājag mỹ goj fĕg mũ, isugrĩn, ājag tỹ tỹ inh mré ke nỹtĩ tugrĩn. Ěn tóg vĕnh kato nĕn ũ há vĕnh ke mũ ge,” he tóg, Jesus ti.

Ěg tỹ Topĕ vĩ mranh
(Mt 18.6-9; Lc 17.1-2)

42Kỹ tóg ag mỹ ke mǎn mũ. “Ūn sĩ tag vỹ inh ki rǎ kỹ jĕ. Kejĕn ũ tóg ti tỹ inh vĩ mranh han sór mũ. Ěn jykre vỹ kórĕg tǎvĩ nỹ,” he tóg. “Ěn hã mỹ tóg há nỹnh mũ vĕ, ũ tỹ pó mág tỹ ti nunh to sa kỹ goj nig ki ti fón jé, ti tỹ goj ki ter jé. Jagy tǎvĩ tóg tĩ, ũ tỹ gĩr tỹ isovĕnh han kỹ,” he tóg.

43“Ā tỹ nĕn ũ vóg kỹ Topĕ vĩ mranh kỹ ǎ nĩgnó kym nĩ, ǎ tỹ ke mǎn tũ nĩ jé. Jagy tóg nỹ, ǎ nĩgnó pir ti. Jǎvo tóg há nĩ, ǎ tỹ rĩr krỹg ja tũ vĕnh ke mũ ti. Ā tỹ ǎ nĩgnó régre ra nũgme ki kutĕn kỹ tóg jagy kǎfór tĩnh mũ, inferno ki kutĕn kỹ, pĩ nhyr vĕnh ki kutĕn kỹ.

44Tá ga ga tóg ǎ konh mũ gé, hã ra tóg tỹ tũ' hĕnh ke tũ nĩ. Tá pĩ ěn nhyr ke tũ nĩ gé.

45 Ǻ tỹ hē kātá tĩg kỹ Topē vĩ mranh kỹ Ǻ pēn kym nĩ, Ǻ tỹ ke mǎn tũ nĩ jé. Jagy ti nỹ, Ǻ tĩg vǎnh ti. Hǎ ra tóg há nĩ, Ǻ tỹ rĩr krỹg ja tũ venh ke mũ ti. Ǻ tỹ Ǻ pēn régre ra nũgme ki kutēn kỹ tóg jagy kǎfór tĩnh mũ, inferno ki kutēn kỹ.

46 Tá ga (ga) tóg Ǻ konh mũ gé, hǎ ra tóg tỹ tũ' henh ke tũ nĩ. Tá pĩ ěn nhyr ke tũ nĩ gé.

47 Ǻ tỹ nén ũ ki vē'i kỹ Topē vĩ mranh kỹ Ǻ kanē tỹ nám kemnĩ, Ǻ tỹ ke mǎn tũ nĩ jé. Jagy ti nĩ, Ǻ kyvó ti. Jǎvo tóg há nĩ, Ǻ tỹ Topē tỹ tỹ ěg pǎ'i nĩ ven kỹ. Ǻ tỹ Ǻ kanē régre ra nũgme ki kutēn kỹ tóg jagy kǎfór tĩnh mũ, inferno ki kutēn.

48 Tá ga (ga) tóg Ǻ konh mũ, hǎ ra tóg tỹ tũ' henh ke tũ nĩ. Tá pĩ ěn nhyr ke tũ nĩ gé," he tóg, Jesus ti.

Sa to comparaçāo

(Mt 5.13-16; Lc 14.34-35)

49 "Pĩ tỹ ěg pũn ri ke ti nĩ, ěg jagǎgtar ti. Kỹ ǎjag jagǎgtar nỹtĩn kỹ isugrĩn, kỹ ǎjag jagǎgtar ěn ki ǎjag jykre tóg kuryj nỹ sir. Kỹ tóg sa ri ke nĩ," he tóg.

50 "Sa vỹ há nĩ. Hǎ ra sa kǎhór nĩn kỹ tóg hǎ ra kórég nĩ, kỹ ěg tỹ ne tỹ ti tỹ kajǎ' henh ke tóg tũ tĩ, tỹ sa' he mǎn ke tóg tũ tĩ," he tóg. "Kỹ sa há ri ke nỹtĩmnĩ. Jagnē to krĩ kusa nỹtĩmnĩ," he tóg, Jesus ti.

Ěg tỹ ěg prũ fi fón ke tũ

(Mt 19.1-12; Lc 16.18)

10 ¹Kỹ Jesus tóg tá kutē mũ, kỹ tóg ga tỹ Judéia ra tĩ mũ sir, goj tỹ Jordǎo mǎra. Kỹ vēnh e ag tóg ti to vēnhmǎnmǎn mũ sir, kỹ tóg ag kanhrǎn mǎn mũ gé. Ti tỹ nén han tĩ ěn han mǎn tóg mũ. ²Kỹ Fariseu ag tóg ti tá junjun mũ gé sir. Ag tỹ ón kỹ ti ki jēmē sór vē, vēnh prũ fón ke to. Kỹ ag tóg ti mỹ: "ěg tỹ ěg prũ fi mỹ: ha tĩg, he tag mỹ kuryj nỹ'?" he mũ. Ag tỹ ón kỹ ti vĩ mē sór vē hǎ ra.

³Kỹ tóg ag mỹ: "Moisés ǎjag mỹ hē ri ké?" he mũ.

⁴Kỹ ag tóg ti mỹ: "Moisés hǎ tóg ěg mỹ: Ǻ tỹ Ǻ prũ fi fón sór kỹ fi mỹ vēnh rán kỹ nĩm, fi tỹ kar kỹ tĩg jé, he ja nĩ, Moisés ti," he ag tóg.

⁵Hǎ ra Jesus tóg ag mỹ: "ǎjag fe kórég nỹtĩn kỹ, hǎ kỹ tóg ǎjag mỹ tag tó ja nĩ, vēnh rán ki, Moisés ti," he mũ. ⁶"Topē tỹ nén kar han ve ki tóg ti mré fi han," he tóg. ⁷"Hǎ kỹ ũn gré tóg Ǻ prũ fi to Ǻ panh re kỹ tĩnh mũ, Ǻ mỹnh fi ré kỹ ke gé. Ǻ prũ fi mré tóg tĩnh mũ. ⁸Fi mré tóg tỹ ũn pir nĩ sir, Ǻ prũ fi mré, he tóg. Topē ti. Hǎ kỹ fag tóg tỹ ũn pir nỹtĩ. Fag pi(jé) tỹ ũn régre nỹtĩ'. ⁹Hǎ kỹ fag tỹ vēnh kǎpǎm tũg nĩ. Topē tỹ fag tỹ ũn pir há(r) vē mỹr," he tóg, Jesus ti.

¹⁰Ag tỹ ĩn kātá nỹtĩn kỹ ti mré mũ tĩ ag tóg ti ki jēmē mǎn mũ, vēnh prũ fón to. ¹¹Kỹ Jesus tóg ag mỹ: "ǎjag tỹ ǎjag prũ fi fón kar kỹ ũ fi tỹ prũg mǎn kỹ ǎjag prũ tũ fi vē, ha mē," he mũ. ¹²"Kỹ fi tỹ Ǻ mén fón kar ũ tỹ mén mǎn kỹ fi mén tũ vē gé," he tóg, Jesus ti.

Jesus t̄y ḡir m̄y v̄i há han
(Mt 19.13-15; Lc 18.15-17)

¹³Jo fag tóg ḡir tat̄i kāmū m̄, Jesus t̄y ā n̄igé t̄y ag mē jé. Hā ra ti mré m̄ t̄i ag tóg fag to jū m̄, ũ t̄y ag tat̄i kāmū m̄ fag to.

¹⁴Hā ra Jesus tóg vég m̄, k̄y tóg ā mré m̄ t̄i ag to jū m̄. K̄y tóg ag m̄y: “v̄i t̄ug n̄i, ḡir ag m̄y,” he m̄, “ḡir ag t̄y iso kāmū kamēg t̄ug n̄i,” he tóg. “Ū t̄y ge hā v̄y ěg Senhor t̄y Topē krēm n̄y t̄i n̄i,” he tóg. ¹⁵“S̄y ke há vē, hā k̄y sóg tó m̄: ḡir ag v̄y iso há pē n̄y t̄i. Ūn kāsir tag ag ri ke n̄y t̄imn̄i, ke t̄u n̄i (m̄) ra ājag tóg venh ke t̄u (pē) n̄i, Topē t̄y t̄y ěg pā'i n̄i ti,” he tóg.

¹⁶K̄y tóg ḡir jagma ā pē fón m̄ sir, ā n̄igé t̄y tóg ag mē k̄an m̄ sir, ag to tóg Topē mré v̄i m̄ sir.

Ūn rico kāme
(Mt 19.16-30; Lc 18.18-30)

¹⁷K̄y Jesus tóg t̄ig m̄an m̄ gé sir. Ti t̄y t̄ig ke jē ra ũ tóg ti to vēnhv̄ag k̄at̄i m̄, k̄y tóg ā jakr̄i t̄y jē m̄, k̄y tóg ti m̄y: “Senhor,” he m̄. “Há pē ā tóg n̄i,” he tóg. “S̄y inh r̄ir kr̄yḡ ja t̄u venh há tóg t̄i. S̄y ti ve jé inh h̄yn vēnh jykre há t̄y hē ri ke han m̄?” he tóg.

¹⁸K̄y Jesus tóg ti m̄y: “ā t̄y ne jé iso: há ā n̄i, he nē?” he m̄. “Ěg pi(jé) há n̄y t̄i!” he tóg. “Topē hā ne ā pir m̄y há n̄i,” he tóg. ¹⁹“Topē t̄y nén to ěg jyv̄en ki kanhró ā tóg n̄i, hā v̄y: ũ tén t̄ug n̄i, he m̄, ā pr̄u t̄u fi mré n̄y t̄ug n̄i, he m̄, nén ũ péju(g) t̄ug n̄i, he m̄, ũ to ón t̄ug n̄i, he m̄, vēnh m̄y mē n̄i t̄ug n̄i, he m̄, ā n̄y mré ā jóg kamēg n̄i, he m̄,” he tóg ti m̄y, Jesus ti.

²⁰Hā ra tóg Jesus ti m̄y: “tag kar ki sóg króm k̄an, is̄in k̄a,” he m̄, kyr̄u ti.

²¹K̄y Jesus tóg ti ki ěvānh m̄, k̄y tóg t̄y ti fe jē. K̄y tóg ti m̄y: “nén ũ pir v̄y t̄u n̄i ver,” he m̄. “Ā t̄u kar vām t̄ig, ā t̄y ũn jagāgtar ag m̄y vin jé, jānkamy ti. K̄y ā tóg kanhkā tá t̄u mág n̄i sir. Kar k̄at̄ig n̄i, ā t̄y inh mré t̄ig jé,” he tóg, Jesus ti. ²²K̄y tóg ti m̄y vēnhm̄y t̄i, Jesus v̄i ti. K̄y tóg fe kaj t̄i m̄ sir, ti t̄u e nin k̄y.

²³K̄y Jesus tóg vēnh pén̄in ěvānh k̄y ā mré m̄ t̄i ag m̄y ke m̄ sir. “Jagy ti n̄y, ũn rico t̄y Topē t̄y t̄y ěg pā'i n̄i venh ke ti,” he tóg. ²⁴K̄y ti v̄i tóg ti mré m̄ t̄i ag m̄y e t̄i. Hā ra Jesus tóg ag m̄y ke m̄an m̄. “Inh krē!,” he tóg. “Jagy tāv̄i ti n̄y m̄y, Topē t̄y t̄y ěg pā'i n̄i venh ke ti,” he tóg. ²⁵“Cavalo pān̄i sór v̄y pr̄éj nor f̄in kutē t̄u n̄i,” he tóg. “Ti t̄y f̄in kutē há n̄in ra tóg ver jagy t̄i vē, ũn rico t̄y Topē t̄y t̄y ěg pā'i n̄i venh ke ti,” he tóg.

²⁶K̄y tóg ag m̄y e (pē) tāv̄i t̄i. “K̄y ũ h̄yn kren ke t̄u pē n̄i,” he ag tóg, jagnē m̄y.

²⁷K̄y Jesus tóg ag ki ěvānh k̄y ag m̄y: “ěprā ke ag v̄y vēnh krenkren han ki kagt̄ig n̄y t̄i,” he m̄. “Ag jāvo Topē tóg ěg krenkren han ki kanhró n̄i,” he tóg. “Topē hā tóg nén kar han ke ki kanhró n̄i inhhā,” he tóg, Jesus ti.

²⁸K̄y Pedro tóg ti m̄y: “ha vé,” he m̄. “Ěg t̄y nén ũ kar ré k̄y ěg tóg ā mré m̄ m̄,” he tóg ti m̄y.

²⁹Kỹ Jesus tóg ag mỹ ke mǎn mũ. “Sỹ ke há vễ, hã kỹ sóg tó mũ,” he tóg mũ. “Ũ tóg kejẽn isugrĩn ã jamã ré kỹ tĩ mũ, ã jãvy ré kỹ tĩ mũ, ti kãke, ti ve, ti mỹnh, ti panh, ti krẽ, ti japỹ ré kỹ tĩ mũ gé, isugrĩn, vễnh vĩ sér tugrĩn,” he tóg. ³⁰“Ēn vỹ tóg sir vễnh kato ù tỹ 100 (ke) venh ke mũ, ùri hã ra, hã vỹ: ěmã kar, he mũ, jãvy kar, kãke kar, ve kar, mỹnh kar, ěpỹ kar ve jé tóg ke mũ. Hã ra ag tóg ti vóg kónãn ke mũ gé. Kar kỹ tóg vãhã sir rĩr krỹg ja tũ venh ke mũ gé,” he tóg. ³¹“Jãvo tag ki ùn mág ù tỹ tá tỹ ùn kãsir nỹtĩnh ke vễ, tere kỹ, kỹ tag ki ùn kãsir ù tỹ tá tỹ ùn mág nỹtĩnh ke vễ,” he tóg, Jesus ti.

Jesus tỹ ã jagtar ke tó mǎn

(Mt 20.17-19; Lc 18.31-34)

³²Kar kỹ ag tóg mũ nĩ sir, Jerusalém ra, Jesus mré mũ tĩ ag, kỹ Jesus tóg ag jãmĩ tĩ nĩ. Hã ra tóg ag mỹ e tĩ, ti nón mũ ag tóg mũmẽg mũ sir, ag tỹ Jerusalém ra mũn kỹ. Kỹ Jesus tóg ù tỹ 12 (ke) ag mỹ vễnh kãmén mǎn mũ, vyr mỹ. Ti tỹ ag mỹ ã tỹ nén venh ke ěn tó mǎn sór vễ. ³³Kỹ tóg ag mỹ: “ha vé, Jerusalém ra ěg tóg mũ mũ,” he mũ. “Ēprã ke fi kósĩn ěn vỹ jagtar ke mũ. Inh hã vễ. Ón kỹ Topẽ tũ ki rĩr tĩ to pã'i ag tóg ag tỹ isỹ nén han sór mũ ěn han ke mũ, Topẽ vĩ to professor ag ke gé,” he tóg. “Ag tỹ iso: ter jé tóg ke mũ, henh ke vễ,” he tóg. “Kar kỹ ag tóg fóg ag mỹ inh fẽg ke mũ,” he tóg. ³⁴“Kỹ ěn ag tỹ iso é henh ke vễ, iso sug ke vễ, inh mrãnmrãn ke vễ gé, isén ke vễ gé. Kar kurã tãgtũ ki sóg hã ra rĩr mǎn mũ sir,” he tóg, Jesus ti.

Tiago mré João tỹ tỹ pã'i jẽ sór

(Mt 20.20-28)

³⁵Kỹ Tiago mré João ag tóg ti kukãm mũ mũ, Zebedeu krẽ ag. “Senhor,” he ag tóg ti mỹ. “Ēg mỹ ěg tỹ nén to vĩ tag ti han,” he ag tóg, Jesus mỹ.

³⁶Kỹ tóg ag mỹ: “ne nẽ, sỹ ãjag mỹ han ke ti?” he mũ.

³⁷Kỹ ag tóg ti mỹ: “kejẽn ã tóg tỹ pã'i nĩnh mũ,” he mũ. “Kỹ sỹ ã pẽgja tá nĩnh há tóg tĩ vễ,” he tóg, jo ù tóg: “sỹ ã jakãnh tá nĩnh há tóg tĩ vễ,” he mũ gé. “Ēg tỹ ã rã hã nỹtĩnh há tóg tĩ vễ, ã tỹ tỹ pã'i nĩn kỹ,” he ag tóg ti mỹ.

³⁸Hã ra Jesus tóg ag mỹ: “ãjag tỹ nén to vĩ mũ ki kagtĩg ãjag tóg nỹtĩ,” he mũ. “Ájag mỹ inh ri kén jagtar sór mũ?” he tóg. “Ájag mỹ ãjag jagtar jagy tag to krónh kenh ke tũ nĩ vỹ?” he tóg.

³⁹Kỹ ag tóg ti mỹ: “hỹ, ke jé ěg tóg ke mũ,” he mũ. Hã ra Jesus tóg ag mỹ: “hỹ, jagtar jé ãjag tóg ke mũ, inh ri kén,” he mũ. “Vẽsỹrẻnh jé ãjag tóg ke mũ, inh ri kén,” he tóg. ⁴⁰“Hã ra isũ tũ vễ, sỹ ãjag mỹ: hej, he ti,” he tóg. “Ha inh pẽgja tá nĩ, henh ke tũ sóg nĩ,” he tóg. “Ha inh jakãnh tá nĩ, henh ke tũ sóg nĩ gé,” he tóg. “Isũ tũ vễ. Ũ tỹ inh rã nỹtĩnh ke ěn ag tỹ inh rã nỹtĩnh ke vễ,” he tóg.

⁴¹Hã ra ù tỹ 10 (ke) ag tóg mẽg mũ, kỹ ag tóg ag to jũ mũ, João mré Tiago to.

⁴²Kỹ Jesus tóg ag jé prẻr kãn mũ, kỹ tóg ag mỹ kãmén mũ. “Fóg ag pã'i ag jykre ki kanhró ãjag tóg nỹtĩ,” he tóg. “Vễnh kar jẻgnẻg ag tóg tĩ, kỹ ag mág ag tóg vễnh kar mỹ: kemnĩ, ke tũg nĩ, he tĩ, vĩ tar han kỹ,” he tóg. ⁴³“Ag ri

ke han tũg nĩ. Ājag m̃y t̃y ũn mág ñyĩ sór m̃ũ? K̃y t̃y jagně camarada ri ke ñyĩmnĩ, jagně tũ ki r̃ir k̃y. ⁴⁴Ājag m̃y t̃y p̃ã'i ñyĩ sór m̃ũ? K̃y jagně krēm ke ñyĩmnĩ, t̃y ũn k̃asir ñyĩmnĩ. ⁴⁵Hã k̃y sóg camarada tũ nĩ gé,” he tóg. “S̃y t̃y camarada nĩ jé sóg k̃ãtig, s̃y Ājag ki r̃ir jé. T̃y sóg ěprã ke fi kósin nĩ. Hã k̃y sóg vĕnh kar jagfy ter ke m̃ũ, s̃y ag krenkren han jé,” he tóg, Jesus ti.

Ūn kyvó t̃y há' he

(Mt 20.29-34; Lc 18.35-43)

⁴⁶Kejĕn ag tóg ěmã t̃y Jericó tá junjun m̃ũ. Ag t̃y Jerusalém ra m̃ũ vĕ. Kar k̃y tóg Jericó ki kutĕ m̃ũ gé, Jesus ti. Ti mré m̃ũ t̃i ag tóg ti mré m̃ũ m̃ũ, vĕnh e kar ag ke gé. Hã ra Bartimeu tóg ěp̃ry kri nĩ nĩ. Kyvó ti nĩ, hã k̃y tóg ěm̃in fyr kri nĩ k̃y: “inh m̃y nĕn ũ ñim,” he ñigt̃i, Timeu kósin tag ti. ⁴⁷Ēn tóg Jesus t̃y ěp̃ry jagma t̃ig mĕg m̃ũ sir, Nazaré tá Jesus ti. K̃y tóg prĕr m̃ũ sir. “!...Jesus'..!” he tóg. “!..Davi kósin'..! !..Ijagãgtãn ra..!” he tóg.

⁴⁸Hã ra ag tóg ti to jũgju m̃ũ. “Mĕ kã nĩ nĩ,” he ag tóg ti m̃y. Hã ra tóg prĕr m̃ãn', prĕr m̃ãn', he m̃ũ. “!..Davi kósin'..!” he tóg. “!..Ijagãgtãn ra..!” he tóg.

⁴⁹K̃y Jesus tóg ti to kr̃yg he m̃ũ. K̃y tóg ti jé prĕr' he m̃ũ sir. K̃y ag tóg ũn kyvó ěn jé prĕr m̃ũ sir. “Ā fe t̃y há' hé, jĕg ra, Ā jé prĕr tóg m̃ũ,” he ag tóg ti m̃y. ⁵⁰K̃y tóg Ā palitó fón k̃y jĕgnĕ m̃ũ sir, Jesus to tóg t̃i m̃ũ sir.

⁵¹K̃y Jesus tóg ti m̃y: “inh Ā t̃y hĕ ri kenh ke?” he m̃ũ. K̃y ũn kyvó tóg: “Senhor,” he m̃ũ. “S̃y vĕnh há tóg t̃i,” he tóg. ⁵²K̃y Jesus tóg ti m̃y: “hej,” he m̃ũ. “Ā t̃y há' hĕnh ke nĕ ha,” he tóg. “Ā t̃y inh ki rã k̃y Ā há' hĕnh ke m̃ũ,” he tóg. K̃y tóg vĕs̃ymĕr ěvãnh há' he m̃ũ sir, k̃y tóg ti nón t̃i m̃ũ sir, ěp̃ry jagma.

Jesus t̃y Jerusalém tá jun

(Mt 21.1-11; Lc 19.28-40; Jo 12.12-19)

11 ¹Vãhã ag tóg cidade t̃y Jerusalém kakó tá ñyĩ. K̃y ag tóg ěmã t̃y Betânia tá junjun vĕn m̃ũ, ěmã t̃y Betfagé tá, kr̃i t̃y Oliveiras tá ke gé. K̃y Jesus tóg Ā mré m̃ũ t̃i régre ag jĕgnĕg m̃ũ, ag t̃y ěmã ěn ra m̃ũ jé. ²“Hã ěmã ěn ra m̃ũjĕg,” he tóg, “ĕg jo ěmã nĩ ěn ra. Ājag t̃y tá jun k̃y Ājag tóg burrica fi krĕ vĕnh ke m̃ũ. Se k̃y tóg jĕ,” he tóg. “Ū ṽy ver ti kri nĩ ja tũ nĩ,” he tóg. “Ti kavãn k̃y ti pére kãmũmnĩ,” he tóg. ³“Hĕn ri ke m̃un ag tóg Ājag m̃y: Ājag t̃y ne jé ti kyvãn nĕ? hĕnh m̃ũ. K̃y ag m̃y: ĕg Senhor tóg ti ve s̃i han sór m̃ũ, hĕmnĩ. Kãnhmar tóg ti jĕnĕ m̃ãn m̃ũ, hĕmnĩ,” he tóg ag m̃y, Jesus ti.

⁴K̃y ag tóg m̃ũ m̃ũ sir. Burrica krĕ vĕg ag tóg m̃ũ, jãnkã rã tóg se k̃y jĕ, ěm̃in kri. K̃y ag tóg ti kavãg m̃ũ sir.

⁵K̃y ag tóg ag m̃y ke m̃ũ. “Ājag t̃y ne jé burrica s̃i kyvãn nĕ?” he ag tóg ag m̃y.

⁶K̃y ag tóg Jesus t̃y Ājag m̃y nĕn tó ja ěn ti tó m̃ũ, k̃y ag tóg: “ha ma m̃ũjĕg ge,” he m̃ũ. ⁷K̃y ag tóg burrica krĕ ma m̃ũ m̃ũ sir, Jesus to. Ājag kur t̃y ag tóg ti kri kugjĕn m̃ũ sir, jumento s̃i ěn kri, k̃y tóg kri nĩ m̃ũ sir, Jesus ti. ⁸K̃y vĕnh kar tóg Ājag kur kugjĕn m̃ũ sir, ěp̃ry kri, jo ũ ag tóg ka féj krĕg m̃ũ gé, ěp̃y tá, ti jo vãvãm jé. ⁹K̃y ũ ag tóg ti jãmĩ m̃ũ m̃ũ, jo ũ ag tóg ti nón m̃ũ m̃ũ. Ēn ag tóg

prēnprēr mū sir. “!..Viva..!” he ag tóg, “!..pā'i vỹ ěg tá jun, ěg Senhor mág tỹ ti jēnēn kỹ..! ¹⁰!..Sēr tāvĩ tóg tĩ..! !..Ěg pā'i vē mỹr, ěg jóg'jóg tỹ Davi ri kén..! !..Topē tá tóg kātig, ũ tỹ kynhmỹ nĩ ěn tá, viva..!” he ag tóg mū, prēnprēr kỹ.

¹¹Kỹ tóg Jerusalém ra rã mū sir, Jesus ti. Topē jo ĩn ra tóg rã mū sir. Nén kar ki ěvānh kar tóg Betânia ra tĩg mǎn mū, ũ tỹ 12 (ke) ag mré, ráké ra.

Ka tỹ figueira

(Mt 21.18-19)

¹²Tỹ vaj kỹ, ag tỹ Betânia tá kāmū kỹ tóg kókĩr mū, Jesus ti. ¹³Hã ra tóg ka tỹ figueira féj vég mū sir, tátá. Kỹ tóg to tĩ mū sir, ti kanē ko jé. Tá jun kỹ tóg vég mū, hã ra tóg féj tāvĩ jé. Ti kanēn ke pētēm tũ tóg nĩ ver. ¹⁴Kỹ tóg ka tỹ figueira mỹ: “ũ tóg ā kanē ko mǎn ke tũ nĩ ha,” he mū. Hã ra ti mré mū tĩ ag tóg ti vỹ mēg mū.

Jesus tỹ Topē jo ĩn krēm ag pan

(Mt 21.12-17; Lc 19.45-48; Jo 2.13-22)

¹⁵Kỹ ag tóg mū mǎn kỹ Jerusalém tá junjun mū sir. Topē jo ĩn ra tóg rã mū sir, Jesus ti, kỹ tóg tá ag pan kǎn mū sir, nén ũ vender he tĩ ag, nén ũ comprar he tĩ ag ke gé. Topē jo ĩn krēm ag tóg negociar he tĩ, jǎnkamy trocar he tĩ ag ke gé. Ag mesa tỹ tóg vyryn ke mū, Jesus ti. Sórǎg vender he tĩ ag nĩgnĩ jafā tỹ tóg vyryn ke mū gé sir. ¹⁶Kỹ tóg ag tỹ Topē jo ĩn fĩn nén gé mū kamēg mū gé sir. ¹⁷Kỹ tóg ag kanhrǎn kỹ ag mỹ: “Topē vĩ rá to jykrén nĩ,” he mū. “Inh ĩn jiji vỹ: nação kar mỹ Topē mré vĩ jafā, he mū, he tóg, Topē vĩ rá ki,” he tóg, Jesus ti. “Hã ra ājag tóg Topē mré vĩ jafā tag krēm nén kar pigju(g) mũgtĩ, kỹ tóg bandido ag jamá ri ke nĩ,” he tóg. Ag pan kỹ tóg ke mū, Jesus ti.

¹⁸Hã ra Topē tũ ki rĩr tĩ to pā'i ag vỹ Jesus vỹ mēg mū, Topē vĩ to professor ag ke gé. Kỹ ag tóg: “ěg hỹn ti tỹ hēn ri kenh ke mū?” he mū, “ěg tỹ ti tỹ tũ' he jé?” he ag tóg mū. Hã ra ag tóg ti kamēg mū. Vēnh kar mỹ tóg há tĩ, ti tỹ ag kanhrǎn kỹ. Hã kỹ ag tóg ti vóg tũ nĩ.

¹⁹Kutyg kỹ ag tóg cidade mág ki pa mǎn mū sir, Jesus ti, ti mré mū tĩ ag ke gé.

Ka tỹ figueira tóg

(Mt 21.20-22)

²⁰Tỹ vaj kỹ ag tóg cidade ra mū mǎn mū sir. Mū kỹ ag tóg sir ka tỹ figueira ěn vég mū, hã ra tóg tóg ja nĩ, ti jǎre mré hã.

²¹Kỹ Pedro tóg Jesus vĩ ki jykrén kỹ ti mỹ: “ha vé, Senhor,” he mū. “Ā vĩ ja ěn hã vē,” he tóg. “Ā tỹ ka to vĩ kónān ěn vỹ tóg ja nĩ, ka tỹ figueira ěn ti,” he tóg.

²²Kỹ Jesus tóg ag mỹ: “Topē ki ge pē han nĩ,” he mū. ²³“Sỹ ke há vē, hã kỹ sóg tó mū: kejēn ājag tóg krĩ tag ti mỹ: ha goj nig ki kutē, henh ke mū. Kỹ tóg ki kutēnh mū, pǎnónh ti, ājag tỹ ājag fe tỹ: ti mỹ ki kutēnh mū vỹ? he tũ nĩn kỹ,” he tóg. “Inh vĩ han jé tóg ke mū, pǎnónh ti, hemnĩ, kỹ tóg

kutēnh ke mū, ha vemnī,” he tóg, Jesus ti. ²⁴“Hã kÿ sóg ājag mÿ ke mū,” he tóg. “Ājag tÿ Topē mÿ nén ũ to vī kÿ to: han jé tóg ke mū, Topē ti, hemnī, kÿ ājag tóg venh ke mū sir, ājag tÿ ti mÿ nén ũ to vī mū ti,” he tóg. ²⁵“Ājag tÿ kejēn Topē mré vī jē ra ũ tÿ ājag to jū mū ēn tÿ ti mÿ vēnh pāte fón nī,” he tóg. “Ājag tÿ gen kÿ tóg ājag mÿ vēnh pāte fón ke mū gé, ěg jóg mág ti,” he tóg. “Ājag tÿ ti vī mranh mū ra tóg vēnh kato ājag mÿ vēnh pāte fón ke mū, ũ tÿ kanhkā tá nī ti, ājag tÿ ājag mré ke ag mÿ vēnh pāte fón kÿ,” he tóg. ²⁶“Ājag tÿ hã ra ag mÿ vēnh pāte fón tū nin kÿ ěg jóg mág vÿ vēnh kato ājag mÿ vēnh pāte fón ke tū nī gé, ũ tÿ kanhkā tá nī ti,” he tóg, Jesus ti.

Jesus tÿ ũ tÿ ā jēnēg mū tó tūg

(Mt 21.23-27; Lc 20.1-8)

²⁷Kÿ ag tóg mū mǎn kÿ Jerusalém tá junjun mǎn mū sir. Topē jo ĩn tá tóg ěvǎnh tí mū, Jesus ti. Kÿ Topē tū ki rĭr tí to pǎi ag tóg ti venh kāmū mū, Topē vī to professor ag ke gé, kófa ag ke gé. ²⁸“Ū nÿ ā mÿ: tag han nī, hé?” he ag tóg, ti mÿ. “Ū nÿ ā jēnē?” he ag tóg.

²⁹Kÿ Jesus tóg ag mÿ: “ājag ki sóg jēmēnh ke mū gé, vēnh kato,” he mū. “Ājag tÿ inh mÿ tó há han kÿ sóg ājag mÿ ũ tÿ inh jēnēg mū tónh ke mū gé,” he tóg. ³⁰“João vÿ ag kygpég tí ja nĭgtĭ. Ti mÿ kanhkā tá vēnh jykre han, ājag mÿ, ěprā ke jykre vó? Ū nÿ ti jēnē?” he tóg ag mÿ, Jesus ti. “Inh mÿ tó,” he tóg.

³¹Kÿ ag tóg jagnē mré to jykrén mū. “Ěg tÿ ti mÿ: Topē tÿ ti jēnē ja vē, hen kÿ tóg ěg mÿ: ājag tÿ ne jé ti vī kri fig tū ja nī nē? hēnh ke mū,” he ag tóg jagnē mÿ. ³²“Ěg tÿ hã ra ti mÿ: ěprā ke jykre ja vē, hen kÿ tóg vēnhmÿ nÿ gé,” he ag tóg, ag tÿ vēnh kar kamēg kÿ. Vēnh kar tóg João to: “Topē tó tí pē vē,” he tí. ³³Hã kÿ ag tóg Jesus mÿ: “ěg pi(jé) ki kanhró nÿtĭ!” he mū. Ōn kÿ ag tóg ke mū. Kÿ Jesus tóg ag mÿ: “kÿ sóg ājag mÿ tónh ke tū nī gé, ũ tÿ inh jēnēg mū ti,” he mū. Ā kato tē mū ag mÿ tóg ke mū.

Ūn camarada kórég ag to comparação

(Mt 21.33-46; Lc 20.9-19)

12 ¹Kÿ Jesus tóg ag kanhrǎn kÿ (tóg) ag mÿ comparação ũ han mū sir, kÿ tóg: “kejēn ũ tóg nĭgtĭ,” he mū. “Nén kanē tÿ uva krǎn ja tóg nĭgtĭ,” he tóg. “Pénĭn tóg rón ja nī, kǎki tóg kūm ja nĭgtĭ, uva jēgmĭ jafā han jé. Ki tóg pǎjó han ja nī gé, kÿ tóg ũ tÿ ki rĭr tí ag mÿ ré kÿ tĭg ja nī, ga ũ ra. Ag mré tóg jykrén ja nī, ag tÿ ti mré ěkré ēn kanē vēnh kǎpām jé,” he tóg, Jesus ti. ²“Ti tÿ kejēn kanēn kÿ tóg ag mÿ ā camarada ũ jēnēg mū, ti tū ki rĭr tí ag mÿ, ag tÿ ti mÿ vēnh kǎpām jé, uva ti.

³Hã ra ag tóg ti kǎgmĭg mū sir, ti mrǎnmrǎn ag tóg mū sir, kÿ ag tóg ti mÿ: “ha tĭg,” he mū sir, ti mÿ nén ũ nĭm mē kǎ. ⁴Kÿ tóg ag mÿ ā camarada ũ jēnē mǎn mū gé sir, kÿ ag tóg ti krĭ ki tǎnh mū sir, ti to é he ag tóg mū sir. ⁵Kÿ tóg ag mÿ ũ jēnē mǎn mū gé sir, hã ra ag tóg ti tén mū gé sir. Ti camarada kar to ag tóg jū mū, ũ mrǎnmrǎn ag tóg, ũ tén ag tóg.

⁶Kỹ hã ra ù tóg kén mũ, hã ra ti kósín vễ, ti fe pễ vễ hã ra. Kỹ tóg vãhã ag mỷ ti jẽnễg mũ sir. “Hẽn ri ke mũn ag inh kósín kamễg mũ,” he tóg, hã kỹ tóg ti jẽnễg mũ.

⁷Ti tỹ tá jun kỹ ag tóg ti to jykrén mũ, jagnễ mré. “Kejẽn êkré kar vỹ tỹ ti tũ nĩnh mũ, ha vemnĩ,” he ag tóg ti to. “Mũ nỹ, ti tén jé, ti tũ tag tỹ tỹ ẽg tũ nỹnh jé,” he ag tóg, jagnễ mỷ. ⁸Kỹ ag tóg ti kãgmĩ kỹ ti tén mũ sir, ró mãtá ag tóg ti fón mũ sir,” he tóg, Jesus ti.

⁹“Kỹ êkré tỹ tũn mũ ẽn hẽ ri kenh ke mũ?” he tóg. “Jun jé tóg ke mũ, ã camarada ag kãgtén jé. Kỹ tóg êkré ki rĩr tí ù ag mỷ finh ke mũ, ti tũ ti,” he tóg. Jesus ti, ag mỷ comparação han kỹ.

¹⁰Kỹ tóg ag mỷ: “Topễ vĩ rá tag to jykrén nĩ, ha mẽ,” he mũ. “Pó tỹ ìn han jafã fón ag tóg, pó tỹ ìn han tĩ ag. Ag mỷ tóg kórég ja nĩ, pó ẽn ti. Hã ra Topễ tóg po ẽn hã tỹ ìn nũna han mũ. ¹¹Êg Senhor mág tỹ há vễ, hã kỹ tóg ẽg mỷ e tí, ẽg tỹ ven kỹ, he tóg, Topễ vĩ tỹ rán kỹ nĩ ki,” he tóg ag mỷ, Jesus ti. Ti tỹ ã kato vãsãnsãn mũ ag mỷ vễnh kãmén hã vễ.

¹²Kỹ ag tóg ki kanhró nỹtĩ, ti tỹ ag kato vĩ mũ ti. Hã kỹ ag tóg ti se sór mũ, hã ra ag tóg vễnh e ẽn kamễg mũ, kỹ ag tóg ti ség tũ nĩ ha. Kỹ ag tóg sir mũ mũ, ti ré kỹ.

Êg tỹ imposto kajãm ke (Mt 22.15-22; Lc 20.20-26)

¹³Hã ra ag tóg ti to ù ag jẻgnễg mũ sir, Fariseu ù ag, Herodes mré ke ù ag ke gé, ag tỹ ti vĩ to ti se jé, Jesus ti. ¹⁴Ag tỹ ti tá junjun kỹ ag tóg ti mỷ: “Senhor,” he mũ. “Á jykre kuryj nĩn ki kanhró ẽg tóg nỹtĩ,” he ag tóg, ón kỹ. “Vễnh jykre pir hã han ã tóg tí, vễnh kar mỷ. Kỹ ag ve tóg ã mỷ tỹ nén ù tũ nĩ. Hã kỹ ã tóg Topễ jamĩn to, Topễ japry to ã tóg ẽg kanhrãn há han tí,” he ag tóg, ón kỹ, Jesus mỷ. “Mỷ há nỹ!, ẽg tỹ governo mỷ jãnkamy nĩm ke tí!, imposto kajãm ke tí? ¹⁵Êg mỷ hỹn nĩm mũ!, vó mỷ vó?” he ag tóg.

Hã ra Jesus tóg ki kanhró nĩ, ag jykre rẻgre nỹtĩn ki. Kỹ tóg ag mỷ: “ãjag ne tóg ón kỹ inh ki jẻmễ sór mũ!” he mũ. “Inh mỷ jãnkamy jun, sỹ ve jé,” he tóg. ¹⁶Kỹ ag tóg ti mỷ ù jun mũ sir. Kỹ tóg: “ũ jiji nỹ kã nĩ?” he mũ. “Ủ kãggrá nỹ kã nĩ?” he tóg. Kỹ ag tóg ti mỷ: “pãli mág tỹ imperador kãggrá vễ,” he mũ.

¹⁷Kỹ Jesus tóg ag mỷ: “kỹ pãli mág mỷ ti tũ nĩmnĩ, hã ra Topễ mỷ ti tũ nĩmnĩ gẻ,” he mũ. Kỹ ti vĩ tóg ag mỷ e tí. Ag tỹ nén ù to ti se sór mũ vẻg tũ ag tóg nĩ.

Êg tỹ ẽg ter ja tá vỹn kenh ke (Mt 22.23-33; Lc 20.27-40)

¹⁸Kỹ Saduceu ag tóg ti tá junjun mũ gé, ti ki jẻmễ jé. Hã ra Saduceu ag tóg: ẽg ter ja tá ẽg vỹn kenh ke tũ nĩ,” he tí. Kỹ ag tóg Jesus tá jun kỹ ti mỷ: ¹⁹“Senhor,” he mũ gé. “Moisės tóg ẽg mỷ tag tó ja nĩ, ẽg tỹ tỹ jykre nỹtĩ jé,” he ag tóg. “Êg mỷ tóg: ã rẻgre tỹ ã krẻ tũ ra ter kỹ, ã tỹ ti prũ fi tỹ prũg ke vễ, he mũ. Á tỹ ã rẻgre mỷ ã krẻ han ke vễ, fi ki, he ja tóg nĩ, Moisės tí,” he ag

tóg, Jesus mÿ, Saduceu ag. ²⁰“Kÿ ù tÿ jagně mré pafa ja tÿ 7 (ke) ag vÿ nÿtĭ ja nĭgtĭ,” he ag tóg. “Ag kâke tóg prüg mü, hã ra tóg ã kósin tũ ra ter mü sir,” he ag tóg. ²¹“Kÿ ti jävÿ tóg fi tÿ prüg mü, hã ra tóg ã kósin tũ ra ter mü gé sir. Kÿ ti jävÿ ù vÿ fi tÿ prüg mü gé,” he ag tóg. ²²“Hã ra ag kar tóg fi kósin tũ ra kâgter kân mü sir, ag kâke ti nón, ù tÿ 7 (ke) ên ag. Kejĕn fi tóg vâhã ter mü gé sir,” he ag tóg. ²³“Kÿ fag kâgter ja tá vÿnvÿn ke kÿ fi hÿn mén tÿ 7 (ke) nĭnh mü vĕ. Ag kar vÿ fi tÿ prüg ja nÿtĭgtĭ. Hã kÿ tóg vĕnhmÿ nÿ, ag tÿ: rĭr mân jé ěg tóg ke mü, hen kÿ,” he ag tóg, Jesus ti mÿ, Saduceu ag.

²⁴Hã ra Jesus tóg ag mÿ: “ãjag pi(jé) Topĕ vĭ tÿ rán kÿ nĭ ki kanhró nÿtĭ!,” he mü, “Topĕ jykre ki kagtĭg ãjag nÿtĭ,” he tóg. “Hã kÿ ãjag tóg kygnĕ ja nĭ,” he tóg ag mÿ. ²⁵“Ěg tÿ ěg ter ja tá vÿn ke kÿ ěg prüg ke tũ nĭ, kÿ ěg mén ke tũ nĭ gé,” he tóg. “Topĕ tÿ jĕgnĕ jafã ri ke ěg nÿtĭ, kanhkã tá,” he tóg. ²⁶“Topĕ vĭ ù to jykren nĭ, ti tÿ ěg tÿ ěg ter ja tá vÿn ke kãmén kÿ. Moisés tÿ rán ki tag tóg rán kÿ nĭ, Topĕ tÿ Moisés mÿ nĕn tó ja tag ti, vânh pÿr kãmén jan ki,” he tóg. “Topĕ tóg ti mÿ: Abraão vÿ iso: Topĕ, he tĭ, he ja nĭ, Isaque ke gé, Jacó ke gé, he ja tóg nĭ, Topĕ ti. Kâgter ag huri, Abraão, Isaque, Jacó. Hã ra Topĕ tóg: tÿ inh ag Topĕ nĭ, he ja nĭ, ag ter kar kÿ. ²⁷Hã kÿ ag tóg rĭnrĭr nÿtĭ mÿr, Topĕ tÿ ùn rĭnrĭr nÿtĭ ag hã kri ke nĭn kÿ,” he tóg, Jesus ti. “Hã kÿ ãjag tóg kygnĕ tãvĭn mü,” he tóg, Jesus ti, Saduceu ag mÿ.

Topĕ tÿ ěg jyvĕn kãfór
(Mt 22.34-40; Lc 10.25-28)

²⁸Hã ra Topĕ vĭ to professor ù tóg tá jun mü gé sir. Kÿ tóg ag tÿ jagnĕ mré vĭ mĕg mü, Jesus tÿ Saduceu ag mÿ tó há han ja ên ti. Hã kÿ tóg: “Topĕ tÿ ěg jyvĕn tÿ hĕ nÿ hÿn ti tÿ ěg jyvĕn kar kãfór nÿnh mü?” he mü, Jesus mÿ.

²⁹Kÿ Jesus tóg ti mÿ: “ù tÿ kãfór nÿn hã vĕ, hã mĕ,” he mü. “Ha mĕ, povo tÿ Israel,” he tóg mü. “Ěg pã'i vÿ tÿ Topĕ nĭ, ěg pã'i vÿ tÿ ùn pir nĭ,” he tóg. ³⁰“Topĕ to, ěg jóg mág to há tãvĭ nÿtĭmnĭ,” he tóg, “ti ki ge há han nĭ, ti to jykre pir nÿtĭmnĭ, krĭ pir, ti to tar nÿtĭmnĭ,” he tóg. ³¹“Kÿ ti tÿ ěg jyvĕn ù tóg hã ri ke nĭ gé, hã vÿ: ãjag régre ki rĭr nÿtĭmnĭ, ãjag tÿ vĕnh ki rĭr há han ri ke, he mü,” he tóg. “Ti tÿ ěg jyvĕn ù pi(jé) tag kãfór nĭ,” he tóg, Jesus ti, Topĕ vĭ to professor ên mÿ.

³²Kÿ Topĕ vĭ to professor ên tóg ti mÿ: “ke tóg tĭ,” he mü. “Ã tÿ ke há vĕ. Pir ti nĭ, Topĕ ti, ù pi(jé) ti ri ke nĭ!,” he tóg. ³³“Ěg jé ti to fe há nÿtĭgtĭ, ěg jé ti to krĭ há nÿtĭgtĭ gé, jykre pir ke gé. Ěg jé ti to tar nÿtĭ gé. Ěg jé ěg régre ki rĭr nÿtĭ gé, ěg tÿ vĕnh ki rĭr há han ri ke. Hã vÿ tóg nĕn kar kãfór nĭ,” he tóg. “Ěg tÿ Topĕ mÿ nĕn ù pÿn kãfór tóg nĭ, ěg tÿ ti to há nÿtĭ ên ti, ěg tÿ ti mÿ nĕn ù tãnh kãfór tóg nĭ gé,” he tóg, Topĕ vĭ to professor ên ti.

³⁴Kÿ Jesus tóg ti tÿ tó há nĭ ve kÿ (tóg) ti mÿ: “nĕn ù sĭ tóg tũ nĭ ver,” he mü, “ã tÿ Topĕ tÿ tÿ ěg pã'i nĭ venh ke jé,” he tóg. Kar kÿ ù tóg Jesus ki jĕmĕ mân tũ nĭ sir. Ti kamĕg ag tóg mü sir, hã kÿ ag tóg ti ki jĕmĕ mân tũ nĭ sir.

Cristo t̄y t̄y Davi kósin nĩ
(Mt 22.41-46; Lc 20.41-44)

³⁵K̄y Jesus tóg Topē jo ĩn krēm ag kanhrān jé ag ki jēmēg mū. “Topē vĩ to professor ag t̄y ne jé: Cristo v̄y t̄y Davi kósin nĩ, he nē?” he tóg ag m̄y. ³⁶“Davi v̄y Cristo tó ja nĩ, Topē kuprīg t̄y ti krín k̄y, k̄y tóg: ěg jóg mág t̄y Topē v̄y inh Senhor m̄y tag tó ja nĩ, hã k̄y tóg: “nĩ ra ver, inh p̄gja tá,” he ja nĩ. “S̄y ā kato vāsānsān mū ag t̄y ā krēm vin ke vē, k̄y ag sigse vē sir. Tag jāvānh nĩ ver,” he ja ti nĩ, Topē ti, inh Senhor m̄y, he ja tóg nĩ, Davi ti,” he tóg ag m̄y, Jesus ti. ³⁷“Hã k̄y Davi tóg Cristo to: inh Senhor vē, he tĩ. Ti t̄y t̄y ti kósin nĩ ra ti kósin m̄y t̄y ti kri ke nĩnh mū vē?” he tóg, Jesus ti. Hã ra ag tóg ti m̄y tó t̄y. Ag t̄y ne tónh ke tóg t̄y t̄y, ti kato vāsānsān mū ag m̄y. Hã ra vēnh kar m̄y ti vĩ tag tóg há n̄y.

Ōn k̄y Topē vĩ to professor ag t̄y jagtar ke
(Mt 23.1-36; Lc 20.45-47)

³⁸K̄y Jesus tóg ag kanhrān k̄y: “ón k̄y Topē vĩ to professor ag kamēg nĩ,” he mū. “Kur téj rĩnh ka(mē) ag n̄ytĩ,” he tóg. “K̄y vēnh kar t̄y ag m̄y: ā m̄y há? he k̄y tóg ag m̄y sér tĩ, ag t̄y cidade k̄y k̄mĩ m̄n k̄y,” he tóg. ³⁹“Ěg t̄y vēnh kanhrān jafā krēm ag tóg vēnh k̄pām k̄y n̄ytĩgtĩ, festa ki ag tóg j̄en vén tĩ, ag t̄y t̄y p̄a’i n̄ytĩn k̄y,” he tóg. ⁴⁰“Hã ra ag tóg ūn mén ter ja fag t̄y m̄n k̄n tĩ. Fag t̄y m̄n k̄n k̄y ag tóg ón k̄y Topē mré vĩ mág han m̄gtĩ, ěg t̄y ag to: ūn há v̄y t̄y ag n̄ytĩ, he jé,” he tóg. “Hã to ag vēs̄yrēnh mág t̄avĩ han ke mū,” he tóg, Jesus ti.

Ūn jagtar fi t̄y ā t̄y vin k̄n
(Lc 21.1-4)

⁴¹K̄y Jesus tóg kejēn Topē m̄y j̄ankamy vin jafā kato nĩ mū. K̄y tóg ag t̄y k̄aki n̄en vin mū v̄eg mū sir. Ūn rico ag tóg j̄ankamy mág t̄y k̄aki vin mū. ⁴²K̄y ūn jagtar fi tá jun mū gé, ūn mén ter ja fi. Hã ra fi tóg j̄ankamy k̄asir r̄egre hã vin mū sir, hã v̄y: 1 centavo, he mū.

⁴³K̄y Jesus tóg ā mré mū tĩ ag jé pr̄er mū sir, k̄y tóg ag m̄y: “ve ra ha,” he mū. “Ūn rico t̄y vin k̄afór han fi tóg, fi t̄y s̄i (hã) ra. T̄y n̄en ū t̄y fi tóg nĩ, fi mén v̄y hur ter. ⁴⁴K̄y fi tóg ā t̄y vin k̄n ja nĩ, fi j̄en mré hã. J̄avo ūn rico ag v̄y ājag t̄y ke hã t̄y Topē m̄y vin mág tĩ. Hã ki fi tóg ag t̄y n̄im k̄afór han, fi t̄y n̄im s̄i p̄e han mū ra. Ki hã sóg tó mū m̄y,” he tóg, Jesus ti.

Ag t̄y Topē jo ĩn kókén ke
(Mt 24.1-2; Lc 21.5-6)

13 ¹K̄y Jesus tóg Topē jo ĩn tá k̄akutē mū sir. Re tá ti mré t̄y ū tóg ti m̄y: “ve ra ha, Senhor,” he mū. “Pó s̄invĩ t̄y tóg há n̄ytĩ, k̄y tóg s̄i(nvĩ) t̄avĩ n̄ytĩ, ĩn ti,” he tóg, Topē jo ĩn to.

²Hã ra Jesus tóg ti mÿ: “ã mÿ ãn mág tag ti vigvég mÿ?” he mÿ. “Kejën ù pó tÿ jagnë kafãn mãn ke tũ nÿ,” he tóg. “Ag ránhráj kãn ke vë,” he tóg Jesus ti.

Vënh jagãgtar to rä
(Mt 24.3-14; Lc 21.7-19)

³Kar kÿ Jesus tóg krÿ tÿ Oliveiras ra tÿg kÿ tá nÿ nÿ sir, Topë jo ãn kakãm. Kÿ ag tóg ag pin kÿ ti mÿ ke mÿ, Pedro, Tiago, João, André ke gé. ⁴“Ëg mÿ ti kurã ti tó,” he ag tóg ti mÿ. “Ëg ne ve kÿ ti kurã ki kanhró nÿtÿnh mÿ? Kurã tÿ hë ki ëg hÿn nén kar tag venh ke mÿ?” he ag tóg ti mÿ.

⁵Kÿ Jesus tóg ag mÿ kãmén mÿ sir. “Ker ù äjag lograr hé hë!,” he tóg. ⁶“Cristo vÿ tÿ ãnh nÿ,” he jé ag tóg ke mÿ, ijiji tó kÿ. Û tÿ hën ri ke ag tóg tag tónh mÿ, kÿ ù tÿ hën ri ke ag tóg ag vÿ kri nÿm ke mÿ,” he tóg. ⁷“Vënh génh to vëme më jé äjag tóg ke mÿ, tag ki vënh génh ke to, kuvar há tá vënh génh to ke gé. To jÿrÿn ke tÿg nÿ há ra. Vënh génh enh ke vë. Hã ra kurã tÿ ëgno to há ke vë ver,” he tóg. ⁸“Nação ag tÿ jagnë kato tÿgtÿnh ke vë. Pã'i krëm ke ag tÿ pã'i ù krëm ke ag to jÿnh ke vë gé. Kÿ ga tÿ ragrag ke tÿ hën ri ke han ke vë gé, ëmã tÿ hën ri ke ki. Vëjën tÿ tũ' henh ke vë gé. Hã ra äjag jagãgtar ke vënh ven vén vë ver,” he tóg, Jesus ti.

⁹“Äjag kanë nÿm nÿ,” he tóg. “Äjag jyvën tar han jé ag tóg ke mÿ, pã'i ag, vënh kanhrãn jafã krëm. Äjag mrãnmrãn jé ag tóg ke mÿ. Äjag jé prër jé ag tóg ke mÿ, pã'i mág tÿ äjag ve jé, pã'i mág kar ti, isugrÿn, äjag tÿ pã'i ag mÿ ãnh vÿ tugtó jé,” he tóg. ¹⁰“Kÿ ãnh kãtÿg ke to há povo kar vÿ ãnh vÿ sér mënh ke mÿ,” he tóg. ¹¹“Ag tÿ vãhã sir äjag sigse kÿ, äjag gé kãmÿ jé, kÿ äjag tÿ nén tónh ke mÿ to jykrén tÿg nÿ, kã jatũ' hemnÿ. Ag tÿ äjag ki jëmën kÿ äjag tóg tónh ke mÿ, Topë kuprÿg tÿ äjag nÿgrëg ki vÿ mÿ ën ti,” he tóg. “Äjag tÿ tó tũ vë sir, ti tÿ tó vë sir,” he tóg. ¹²“Û vÿ tóg ã régre senh ke mÿ, ti ter jé, ën kã,” he tóg. “Kÿ ù panh tóg ã kósin senh ke mÿ gé, ti ter jé,” he tóg. “Kÿ ù krë ën tóg ã han mÿ fag sigsenh ke mÿ gé, fag kãgtén jé,” he tóg. ¹³“Vënh kar vÿ tóg äjag to vÿ kónãn ke mÿ gé, ãnh jiji tugrÿn,” he tóg. “Hã ra ù tÿ isovãnh ke tũ (pë) ën kren ke vë,” he tóg.

Vësÿrénh mág ke
(Mt 24.15-28; Lc 21.20-24)

¹⁴Kÿ Jesus tóg ag mÿ: “kejën äjag tóg vãhã äjag tÿ nén ù kamëg tÿ ën venh ke mÿ,” he mÿ, “ëg kavënh mÿ ën ti,” he tóg. “Topë vÿ tó tÿ tÿ Daniel vÿ ti tó ja nÿgtÿ. Ti jënh ke tũ tá tóg jënh mÿ,” he tóg. Û tÿ to ke mÿ ën jé ki kanhró nÿ. “Kÿ Judéia ki ke kar ag jé vënh pigjunh mÿjëg, pãnónh ra, fag mré hã,” he tóg. ¹⁵“Û tÿ re tá nÿ ën jé kãra rã tÿg nÿ, ti ãn ki, ti tũ mãn jé. ¹⁶Kÿ ù tÿ ã japÿ tá jë ën jé vÿn ke tÿg nÿ gé, ti kur mãn jé,” he tóg. ¹⁷“Ûn kufy fag tÿ vësÿrénh ke vë, kurã ën kã, ù tÿ gÿr pygfãm mÿ fag ke gé,” he tóg. ¹⁸“Topë mré vÿmñÿ, ti tÿ kusa kã vënh ven tũ nÿ jé. ¹⁹Vësÿrénh tÿ ge ve ja tũ ëg nÿtÿ, Topë tÿ ëg mundo han jan ki. Kÿ ëg ge venh ke tũ nÿ gé,

kar kÿ,” he tóg. ²⁰“Ēg tÿ kurā ki vēsÿrēnh ke mū ēn vÿ e nÿtīnh mū vē, hā ra tóg térem kÿ nÿtī nī, Topē tÿ ūn kuprēg ja ēn ag tugrīn. Ti tÿ térem tū nī (mū) ra ū vÿ kren ke tū nī vē, ag vēsÿrēnh ēn to,” he tóg.

²¹“Kÿ ū tÿ ājag mÿ: ha vé, Cristo vÿ tag kā jē nī, he mū ra kri fig tūg nī, ti tÿ: tāta ti jē nī, he mū ra,” he tóg. ²²“Ón kÿ Cristo vÿ vēnh venven ke mū, ón kÿ Topē vī tó tí ag ke gé. Ón kÿ milagre hyn han jé ag tóg ke mū, milagre tÿ hēn ri ke ti, ón kÿ Cristo ēn ag. Ag tÿ vēnh kar krīn kónān sór vē, ag tÿ kygnē jé, Topē tÿ ūn kuprēg ja ēn ag mré hā, hēn ri ke mūn. ²³Ha vé, sÿ ājag mÿ tó kån vē, ti kutēnh ke to hā,” he tóg, Jesus ti.

Topē kósin kätig mǎn ke
(Mt 24.29-31; Lc 21.25-28)

²⁴“Hā ra kurā ēn kā, vēsÿrēnh ēn kar kÿ rā vÿ nhyr ke mū, kÿ kysā vÿ jēngre! he mǎn ke tū nī gé. ²⁵Kÿ krīg vÿ vār ke mū gé, kanhkā krēm. Ēg tÿ kanhkā tá nén vég tū kar ēn vÿ ragrag ke kån mū gé. ²⁶Kÿ vāhā vēnh kar vÿ inh kätēre venh ke mū sir, kanhkā góg jagma, inh jykre tar (pē) nīn kÿ,” he tóg. “Tÿ sóg ēprā ke fi kósin nī mÿr,” he tóg. “Inh ve vÿ kókov (pē) kätī mū,” he tóg. ²⁷“Kÿ sóg sÿ jēgnē jafā ag mÿ: ha mÿjēg, hēnh ke mū, ag tÿ sÿ ūn kuprēg ja ag vēnhmǎn jé, ga kar tá, kanhkā fyr mī hā,” he tóg, Jesus ti.

Ka tÿ figueira to comparação
(Mt 24.32-35; Lc 21.29-33)

²⁸“Ka tÿ figueira to ki kanhrān nī, to comparação han kÿ,” he tóg. “Ti pē tánh kÿ, ti féj tǎg han kÿ tóg kakó tí sir, ēkré tygtánh kurā ti. ²⁹Ri ke ti nī, ājag tÿ inh kätig mǎn ke kurā ki kanhró nÿtīnh ke mū ti. Ājag tÿ sÿ ājag mÿ nén tó mū tag ve kÿ tóg kakó tāvī tí ha, inh kätig mǎn ke ti,” he tóg. ³⁰“Sÿ ke há vē, hā kÿ sóg tag tó mū, ha mē. Ūri ūn rīnrīr mū ag tÿ nén kar ēn venh ke vē, ag kǎgter ke to hā,” he tóg. ³¹“Kanhkā vÿ tū! hēnh ke mū, ga ti ke gé. Jāvo inh vī vÿ tū! hēnh ke tū nī,” he tóg, Jesus ti.

Jesus kätig mǎn ke kurā
(Mt 24.36-44)

³²“Hā ra ū pi(jé) isÿ kurā ki kätig mǎn ke ki kanhró nī, hora ēn ki ke gé,” he tóg. “Topē tÿ jēgnē jafā ag pi(jé) ki kanhró nÿtī! Inh pi(jé) ki kanhró nī gé, isÿ tÿ Topē kósin ra,” he tóg. “Ēg jóg mág hā vÿ ā pin kÿ ki kanhró nī, kurā kā nén kutēnh ke mū ēn ki,” he tóg. ³³“Ājag kanē vin han nī, vēnh rinfig nī,” he tóg. “Topē mré vī, ājag tÿ ti kurā ki kagtig nÿtīn kÿ,” he tóg. ³⁴“Ū pasa ri ke vē,” he tóg. “Ā tÿ ā ĩn ki kutē kÿ tóg ā camarada ag mÿ: ‘ijo ki rīr,’ he mū, ‘inh rānhraj ki,’ he tóg. Kÿ tóg ū tÿ jānkā ki rīr tī ēn mÿ: ‘ā kanē nīm han nī,’ he mū gé. ³⁵Hā kÿ sóg ājag mÿ: ‘ājag kanē nīm han nī,’ he mū gé,” he tóg. “Ājag pi(jé) ti jun ke ki kanhró nÿtī! ĩn tǎn ti!” he tóg. “Hēn ri ke mūn tóg kutyg ke ra jun mū, hēn ri ke mūn tóg kuty kuju ki jun mū, hēn ri ke mūn tóg galo kyr mū ra jun

mũ, hēn ri ke mūn tóg kusā ki jun mũ,” he tóg. ³⁶“Vēnh ki ěmēmñĩ, nūr tũg nĩ. Ājag tỹ ijāvānh tũ ra sóg jun mũ, vēsýmér,” he tóg, Jesus ti. ³⁷“Vēnh kar mỹ sóg tó mũ, sỹ ājag mỹ tó mũ tag, hā vỹ: vēnh ki ěmēmñĩ, he mũ,” he tóg, Jesus ti.

Ag tỹ Jesus tén sór

(Mt 26.1-5; Lc 22.1-2; Jo 11.45-53)

14 ¹Hā ra festa tỹ Páscoa kurā kátá kurā tāgtũ vē sir, pāo jēgja tũ konh ke kátá. Kỹ Topē tũ ki rĩr tĩ ag tóg Jesus vatánh tá ti se sór mũ, vēnh kar tỹ ti se vég tũ nĩ jé. Topē vĩ to professor mré ag tóg ti se sór mũ gé, ti tén jé. ²Hā ra ag tóg: “festa tag to mẽ jé ěg tóg ke mũ ver,” he mũ. “Ěg tỹ festa ká ti se kỹ vēnh gēnh mág hỹn tóg kutēnh mũ, ha vemñĩ,” he ag tóg.

Maria fi tỹ Jesus gānh tąg

(Mt 26.6-13; Jo 12.1-8)

³Ěn ká Jesus tóg kejēn ěmā tỹ Betânia tá nĩ nĩ, Simão ĩn krēm, vēnh kaga tỹ lepra han ja ěn ĩn krēm. Ti jēg nĩ ra ũ fi tóg tá jun mũ, garrafa vyn kỹ. Pó tỹ alabastro tỹ tóg há(r) nĩ, garrafa ti. Ti ki jē vỹ tóg tỹ nén kar tąg nĩ, hā vỹ: nardo, he mũ. Nardo pē vē, kaja e pē ti nĩ, ger há ěn ti. Garrafa ěn mranh fi tóg mũ, kỹ fi tóg ti ki jē ěn tỹ Jesus gānh kri kugjēg mũ sir.

⁴Hā ra ũ tỹ tá nỹtĩ ag ká ũ ag tóg jagnē mỹ: “fi tỹ ne jé nén kaja e tag kókén nē?” he mũ. ⁵“Ěg tỹ nén ger há tag fón ke vē vē, kaja há to, jānkamy tỹ hēn ri ke to,” he ag tóg. “Ěg tỹ ũn jagāgtar ag mỹ vin ke vē vē,” he ag tóg. Kỹ ag tóg fi mỹ vĩ tar han mũ sir.

⁶Hā ra Jesus tóg ag mỹ: “fi mỹ vĩ tũg,” he mũ. “Ājag tỹ ne jé fi fe kaj han nē?” he tóg. “Inh ki fi krov nĩ, inh jykre ki,” he tóg. ⁷“Ājag mré sóg nĩg sĩ han mũ, jāvo ũn jagāgtar mũ ag vỹ ājag mré nỹtig mág han tĩ,” he tóg. “Isĩg kar kỹ ag mỹ nĩmñĩ, ājag tỹ ag mỹ nén nĩm ke ti,” he tóg. ⁸“Ā tỹ nén han ke mūn han fi tóg huri,” he tóg. “Inh kán fi tóg huri, vēnh kej tá inh fón ke to,” he tóg. ⁹“Ag tỹ vēnh vĩ sér tugtó kỹ ag tóg fi tỹ nén han mũ tag ti tónh ke mũ gé, kỹ vēnh kar vỹ fi tỹ nén han mũ tag mẽgmēnh mũ sir, ha vemñĩ. Ki hā sóg tó mũ,” he tóg, Jesus ti.

Ag tỹ Jesus vatánh tá ti kāgmĩnh ke to jykrén

(Mt 26.14-16; Lc 22.3-6)

¹⁰Kar kỹ Judas Iscariotes tóg tĩ mũ, Topē tũ ki rĩr tĩ ag ra, ag mré Jesus jēnjēn ke to jykrén jé. Hā ra ũ tỹ 12 (ke) ag ká ũ vē, Judas ti. ¹¹Ag tỹ ti vĩ mẽ kỹ tóg ag mỹ sér tĩ sir. “Ā mỹ ěg to jānkamy vin mũ,” he ag tóg ti mỹ. Hā kỹ tóg: “inh hỹn hē ri kenh mũ, ag tỹ ti kāgmĩ jé?” he mũ, Judas ti.

Ag tỹ Páscoa ko mũ

(Mt 26.17-25; Lc 22.7-14; 21-23; Jo 13.21-30)

12Pão jęgja tũ konh ke kurā ve vę sir, cordeiro tãnh ke kurā vę sir, Páscoa kã. Kỹ ti mré mũ tĩ ag tóg Jesus mỹ: “ęg hỹn hę tá ã mỹ carneiro sĩ tãnh mũ, ęg tỹ kon jé?” he mũ. 13Kỹ tóg ùn régre ag jęgnęg mũ, ti mré mũ tĩ ag. Kỹ tóg ag mỹ: “ha ęmã mág ra mũjęg,” he mũ. “Tã ájag tóg ù venh ke mũ, goj vyn kỹ ję ù. Ến nón mũmnĩ,” he tóg. 14“Ti tỹ ãn kãra rã kỹ ãn tãn ęn mré vĩmnĩ,” he tóg. “Ti mỹ tag tómnĩ,” he tóg. “Ếg Senhor vỹ ã mỹ vęnh vĩ jęnęg mũ, hemnĩ. Ti tỹ ã ãn krēm Páscoa konh há tóg tĩ, ti mré mũ tĩ ag mré, hemnĩ ti mỹ,” he tóg, Jesus ti. 15“Kỹ tóg ájag mỹ ven ke mũ, kroggrog tỹ kynhmỹ nỹ ęn ti,” he tóg. “Ếhé ti nĩ. Tá nén kar vỹ kynkar kỹ nỹtĩ. Ếg nĩgja vỹ tá nỹtĩ gé. Tá ęg mỹ han nĩ,” he tóg, ti mré mũ tĩ régre ag mỹ.

16Kỹ ag tóg mũ mũ sir, ęmã mág ra, kỹ ag tóg sir vęg mũ, Jesus tỹ ag mỹ nén tó ja ti. Kỹ ag tóg vęjën kãn mũ sir, ag tỹ cordeiro ęn ko jé.

17Rã pur kar kỹ Jesus tóg ù tỹ 12 (ke) ag mré tá jun mũ sir. 18Ag jęg mũ jãvo Jesus tóg ag mỹ: “ájag kãki ù tóg inh vatánh tá inh kato vãsãnsãn mũ ag mỹ inh ven ke mũ,” he mũ. “Inh mré jęg mũ ù vę, ki hã sóg tó mũ,” he tóg. 19Kỹ ag tóg fe kaj' he mũ sir. Ti mỹ ag tóg: “inh mỹ vó'? Inh mỹ vó'?” he kãn mũ sir. 20Hã ra tóg ag mỹ: “ájag kã ù vę,” he mũ. “Inh mré pão tỹ kã punpun mũ vę, pénky kãki,” he tóg. “Ến vę mỹt,” he tóg. 21“Ter jé sóg ke mũ, isỹ tỹ ęprã ke fi kósin nĩn kỹ. Hã kỹ iser ke vỹ rán kỹ nĩ,” he tóg. “Vãsỹ sóg to rán kỹ nĩ,” he tóg. “Hã ra ù tỹ pã'i ag mỹ inh ven ke ęn mỹ tóg vĩ kónãn tãvĩ han ke mũ. Ti mur tũ nĩn ran há tĩ vę,” he tóg, Jesus ti.

Santa Ceia

(Mt 26.26-30; Lc 22.15-20; 1Co 11.23-25)

22Ag jęg nỹtĩ ra Jesus tóg ęmĩ mǎg mũ sir, kỹ tóg Topę mré vĩ mũ sir, ęmĩ to. Kỹ tóg vęnh kã kugpãn kỹ ag mỹ vęnh kãpãm mũ sir, ti mré mũ tĩ ag mỹ. “Inh hã vę,” he tóg, ęmĩ to.

23Kar kỹ tóg copo vǎg mũ gé sir, vinho tỹ ki jën kỹ. To tóg Topę mré vĩ mũ gé sir, kỹ tóg ùn pir mỹ ven!, ven!, he mũ sir. Kỹ ag tóg kãmę kãn mũ sir. 24Kỹ tóg ag mỹ: “inh kyvęnh hã vę,” he mũ. “Vęnh kar jagfy tóg inh ki kãkutęnh ke mũ, inh kyvęnh ti,” he tóg. “Topę vỹ vęnh kar to há nĩ sór mũ, inh kyvęnh tugrĩn,” he tóg. 25“Ha mę,” he tóg. “Inh pi(jé) vinho kron mãn ha!. Kejën sóg kron mãn ke mũ, Topę tỹ tỹ ęg pã'i nĩ ęn kã sóg kron mãn mũ,” he tóg.

26Ag jën kar kỹ ag tóg Topę mỹ jãn mũ sir. Jãn kar kỹ ag tóg sir krĩ tỹ Oliveiras ra mũ mũ.

Jesus t̄y Pedro m̄y tó

(Mt 26.31-35; Lc 22.31-34; Jo 13.36-38)

²⁷K̄y Jesus tóg ag m̄y: “ājag kar v̄y inh ré k̄y m̄u k̄n ke m̄u,” he m̄u. “Hā k̄y tóg rán k̄y n̄i, hā mē. “Ū t̄y carneiro ki r̄ir t̄i ěn t̄anh jé sóg ke m̄u, k̄y ti mēg v̄y krig ke k̄n ke m̄u,” he tóg, iso, Topē ti, ti v̄i rá ki,” he tóg, Jesus ti. “Hā ve jé ājag tóg ke m̄u. ²⁸Hā ra sóg iser kar k̄y r̄ir m̄n ke m̄u. ěn k̄a sóg ājag jo t̄inh ke m̄u, ga t̄y Galiléia ra,” he tóg, Jesus ti.

²⁹K̄y Pedro tóg ti m̄y: “ag kar t̄y ā ré k̄y m̄u m̄u ra isóg ā ré k̄y t̄ig ke t̄u n̄i,” he m̄u, Pedro ti. ³⁰Hā ra Jesus tóg ti m̄y: “ha vé,” he m̄u. “Ūri, kuty tag k̄a ā tóg iso: ti ki kagt̄ig sóg n̄i, he t̄agt̄u han ke m̄u, galo kyr régre han ke to hā. Ki hā sóg tó m̄u,” he tóg.

³¹Hā ra Pedro tóg v̄i tar han. “S̄y ā mré ter ke m̄u ra sóg ā to: ti ki kagt̄ig sóg n̄i, henh ke t̄u pē n̄i,” he tóg, Pedro ti. K̄y ti mré m̄u t̄i ag tóg hā tó k̄n m̄u gé sir.

Getsēmani tá

(Mt 26.36-46; Lc 22.39-46)

³²K̄y ag tóg ka kré ra m̄u m̄u sir. Ka kré ěn j̄ijin hā v̄y: Getsēmani, he m̄u. K̄y tóg ā mré m̄u t̄i ag m̄y: “n̄ign̄i ra ver, tag ki,” he m̄u. “S̄y ver Topē mré vēmén ke vē,” he tóg, Jesus ti. ³³K̄y tóg Pedro, Tiago, João ag m̄y: “inh mré k̄am̄u jēg,” he m̄u. K̄y tóg ti m̄y e t̄i sir, j̄ür̄un ke tóg m̄u sir, Jesus ti. ³⁴K̄y tóg ag m̄y: “inh fe kaj mág tóg t̄i,” he m̄u, “k̄y inh fe kaj tóg inh m̄y t̄y iser ri ke n̄i,” he tóg. “Tag ki n̄yt̄im̄n̄i, n̄ugn̄ür t̄üg n̄i,” he tóg. ³⁵K̄y tóg t̄ig s̄i han m̄n k̄y m̄üg ke m̄u, ga kri n̄y tóg m̄u sir. Ā jóg mré tóg v̄i m̄u sir, “is̄y hēn ri ke m̄un nén venh ke m̄u ěn vég t̄u n̄i jé, hora ěn ki,” he tóg. ³⁶K̄y tóg: “Aba!, panh!,” he m̄u. “Nén kar han ki kanhró ā tóg n̄i,” he tóg. “Inh jagtar ke tag t̄y t̄üg! hem̄n̄i,” he tóg. “Hā ra is̄y ā m̄y nén to v̄i m̄u tag han t̄üg n̄i, ā t̄y nén han ke m̄u ěn hā han n̄i,” he tóg. ³⁷K̄y tóg ā mré m̄u t̄i ag venh t̄i m̄u, hā ra ag tóg n̄ugn̄ür ja n̄i, k̄y tóg Pedro m̄y: “Simão, ā m̄y n̄ür!?” he m̄u, “ā m̄y hora pir hā ki n̄ür t̄u kórég?” he tóg ti m̄y. ³⁸“N̄ür t̄üg n̄i,” he tóg. “Topē mré v̄im̄n̄i, ājag t̄y ti v̄i mranh t̄u n̄i jé, ũ t̄y ājag kut̄an m̄u ra. Ājag t̄y mranh sór t̄u vē vē, hā ra ājag tóg krój n̄yt̄i, hā k̄y ājag tóg mranh ke m̄u,” he tóg.

³⁹K̄y tóg t̄ig m̄n m̄u sir, Topē m̄y tó m̄n jé. Ti v̄i ěn hā tó m̄n tóg m̄u. ⁴⁰K̄y tóg ag tá jun m̄n m̄u gé sir, hā ra ag tóg n̄ugn̄ür m̄n n̄yt̄i, ag kanē krój n̄yt̄in k̄y. Hā k̄y ag t̄y ti m̄y v̄inh ke ěn tóg t̄u t̄i. ⁴¹K̄y tóg tá jun t̄agt̄u han m̄n m̄u. K̄y tóg ag m̄y: “ājag ne tóg n̄ugn̄ür ja n̄i, v̄enhkán ja ājag tóg n̄i,” he m̄u. “Gen k̄y,” he tóg. “Pētēm ti huri, hora ti,” he tóg. “Ū t̄y Topē v̄i mranh t̄i ag t̄y isenh ke nē ha,” he tóg. “T̄y sóg ěpr̄ā ke fi kósin n̄i m̄y,” he tóg. ⁴²“N̄ign̄i ra, m̄u jé ha. Ū t̄y ag m̄y inh ven m̄u tóg jun ke k̄at̄ig ha,” he tóg.

Ag tỹ Jesus se

(Mt 26.47-56; Lc 22.47-53; Jo 18.3-12)

⁴³Jesus tỹ ver tỹ vēmén jē ra Judas tóg vēsýmér jun mũ sir. Û tỹ 12 (ke) ag kā ù vē, Judas ti. Ti mré polícia ag tóg kāmũ mũ gé. Rógro génh kỹ ag kāmũ mũ, ka kykyv génh kỹ ke gé. Topē tũ ki rĩr tĩ ag pã'i ag vỹ ag jēgnē, Topē vĩ to professor ag ke gé, kófa ag ke gé. ⁴⁴Judas ên, ù tỹ ag mỹ Jesus ven mũ ên vỹ ag mỹ vēnh jykre nĩm ja nĩ. “Sỹ ùn ki nhun ke mũ ên hã semnĩ. Ên hã pére mũmni,” he ja tóg nĩ, Judas ti. ⁴⁵Ã tỹ tá jun kỹ tóg vēsýmér Jesus to grēn ke kỹ ti mỹ: “Senhor,” he mũ. Kỹ tóg ti ki nhun ke mũ sir, Judas ti, ón kỹ.

⁴⁶Kỹ ag tóg ti kãgmĩ kỹ ti ség mũ sir. ⁴⁷Jesus mré tĩ tĩ ù tóg rógro kunũnh kỹ polícia ù nĩgrēg kym mũ sir. Topē tũ ki rĩr tĩ to pã'i mág camarada vē, ti tỹ ùn nĩgrēg kym mũ ên ti.

⁴⁸Kỹ Jesus tóg ag mỹ: “ãjag ne tóg rógro génh kāmũ mũ!” he mũ, “ka kykyv génh kỹ ke gé!” he tóg. “Inh pi(jé) tỹ bandido nĩ,” he tóg. ⁴⁹“Kurã kar ki sóg ãjag mré jē ja nĩgtĩ, mỹr, Topē jo ãn krēm,” he tóg. “Vēnh kanhrãn kỹ isóg tá nĩ ja nĩgtĩ, hã ra ãjag tóg tá iség tũ nĩ vē mỹr,” he tóg. “Hã ra vãsỹ iso nén rán kỹ nĩ ên ki kenh ke hỹn,” he tóg.

⁵⁰Kỹ ti mré mũ tĩ ag tóg ti ré kỹ pétē kãn mũ, vēnh pigju jé, mỹr, ha mẽ.

⁵¹Hã ra kyrũ ù tóg ti nón tĩ mũ. Vēnh kãtor tãvĩ ti nĩ. Ti kãgmĩg ag tóg mũ gé. ⁵²Hã ra tóg kamēg kỹ ã kur ré kỹ vēnhvãg mũ, ti kator ra.

Pã'i tỹ Jesus mré vĩ

(Mt 26.57-68; Lc 22.54-55; 63-71; Jo 18.13-14; 19-24)

⁵³Kỹ ag tóg Jesus pére mũ mũ, Topē tũ ki rĩr tĩ to pã'i mỹ. Ti ãn tá ag tóg vēnhmãn kãn kỹ nỹtĩ, Topē tũ ki rĩr tĩ to pã'i ag, kófa ag mré hã, Topē vĩ to professor ag mré hã.

⁵⁴Hã ra Pedro tóg Jesus nón kãtĩ mũ, kuvar há tá. Kỹ tóg Topē tũ ki rĩr tĩ to pã'i ãn vãso ra rã mũ gé. Kỹ tóg polícia ag mré pĩ to tón nĩ nĩ, Pedro ti.

⁵⁵Kỹ Topē tũ ki rĩr tĩ to pã'i ag tóg ù jãvãnhvãnh mũ, ù tỹ ón kỹ Jesus jykre kórég tó mũ ên. Ti vĩ tugrĩn ag tóg Jesus ti tén sór mũ. Hã ra tóg ag mỹ ki krov tũ nĩ. Vēnh jyvēn tĩ kar ag tóg ù jãvãnhvãnh mũ, hã ra tóg ag mỹ ki krov tũ nĩ gé. ⁵⁶Û tỹ hēn ri ke ag tóg ón kỹ Jesus jykre kórég tó mũ, hã ra tóg ag mỹ ki krov tũ pē nĩ sir, ag tỹ vēnh jykre ù tó', vēnh jykre ù tó' he mũ ra.

⁵⁷Kỹ ù ag tóg vãhã jēgjēg kỹ nỹtĩn kỹ (ag tóg) ón kỹ ti jykre kórég ù kãmén mũ sir. ⁵⁸“Tĩ tỹ tó mẽ ěg,” he ag tóg. “Topē jo ãn tag kókén jé sóg ke mũ, he ja tóg nĩ, vēnh nĩgé tỹ há tag ti, he ja tóg nĩ, hã ra sóg kurã tãgtũ ki ù han mãn ke mũ, ěg tỹ ěg nĩgé tỹ han vãnh ên han jé sóg ke mũ, he ja tóg nĩ,” he ag tóg, Jesus to. ⁵⁹Ge ra tóg ag mỹ ki krov tũ nĩ, ti jykre kórég ên vég tũ ag tóg nĩ.

⁶⁰Kỹ Topē tũ ki rĩr tĩ to pã'i mág tóg jēgnē kỹ (tóg) ag kuju kã jē mũ sir. “Ã tỹ nén ù tónh ke mũ mỹ ã mỹ tũ?” he tóg mũ. “Ag hã ne tóg ã vĩ kónãn

tag tó ja nĩ gé!” he tóg, Jesus mĩ. ⁶¹Hã ra tóg hun ke mũ, nén ũ tó tũ tóg nĩ. Kĩ pã'i mág ěn tóg ti mĩ ke mǎn mũ. “Ă mĩ tĩ Cristo nĩ?” he tóg, “ĕg tĩ ũ to: há ti nĩ, he mũ ěn kósin mĩ tĩ ģ nĩ? Ă mĩ tĩ Topĕ kósin nĩ?” he tóg.

⁶²Kĩ Jesus tóg ti mĩ: “hĩ, inh hã vĕ,” he mũ. “Ĕprã ke fi kósin ěn vĩ tĩ inh nĩ. Inh ve jé ģjag tóg ke mũ ha. Ũ tĩ nén kar han mũ ěn pĕgja tá sóg nĩnh ke mũ. Kanhkã góg kãmĩ sóg kátĕrenh ke mũ gé,” he tóg.

⁶³Kĩ pã'i mág ěn tóg ģ kur tĩ jaran' ke mũ sir, jũ kĩ. Kĩ tóg: “ũ tĩ ti jykre kórĕg tónh ke ũ jãvãnh mǎn ke tũ ĕg nĩ ha,” he mũ. ⁶⁴“Tĩ tĩ Topĕ kato vĩ kónãn ja ěn mĕ ĕg huri,” he tóg. “Ĕg hĩn ti tĩ hĕ ri kenh mũ ha?” he tóg.

“Ter jé tóg ke mũ, ti vĩ tag tugrĩn,” he ag tóg, ag kar ěn.

⁶⁵Kĩ ũ ag tóg ti to sugrug mũ sir. Ti kanĕ pãg ag tóg mũ gé sir, kĩ ag tóg ti tãnh kĩ ti mĩ: “ũ nĩ ģ tãnh?” he mũ. Kar kĩ polĩcia ag tóg ti tãnh mũ gé sir, ti kakã ki.

Pedro tĩ Jesus to ón

(Mt 26.69-75; Lc 22.56-62; Jo 18.15-18; 25-27)

⁶⁶Hã ra Pedro tóg ĩn vãso kã nĩ nĩ, Topĕ tũ ki rĩr tĩ to pã'i ěn ĩn tá. Hã ra pã'i ěn camarada fag vĩ tá nĩtĩ gé, kĩ fag kã ũn pir fi tóg Pedro to kãtĩ mũ.

⁶⁷Kĩ fi tóg ti vég mũ sir, ti tĩ pĩ to tón nĩ ra. Kĩ fi tóg ti tugnĩm kĩ ti mĩ: “Jesus mré ģ tóg tĩg mũ gé,” he mũ, “Nazaré tá ke ěn mré,” he fi tóg ti mĩ.

⁶⁸Hã ra Pedro tóg: “vó,” he mũ. “Inh pi(jé) ti ki kanhró nĩ,” he tóg. “Ă tĩ ne tó nĕ?” he tóg. Kĩ tóg ĩn jãnkã ra tĩ mũ sir, ĩn kãra rã jé. Hã ra galo tóg kyr mũ.

⁶⁹Hã ra fi tóg tá ti vég mũ gé. Kĩ fi tóg tá nĩtĩ ag mĩ ke mǎn mũ sir. “Tá jĕ ěn tóg tĩ ag kã ũ jĕ gé,” he fi tóg, Pedro to.

⁷⁰Hã ra tóg: “vó!” he mǎn mũ. Kar kĩ tá nĩtĩ ag tóg Pedro mĩ ke mǎn mũ. “Ă hĩn tĩ ag kã ũ nĩ,” he ag tóg ti mĩ. “Tĩ ģ Galilĕia tá ke nĩ mĩr,” he ag tóg. “Ă vĩ vĩ tá ke ag vĩ ri ke nĩ,” he ag tóg.

⁷¹Hã ra Pedro tóg ag mĩ: “ģjag tĩ nén tó mũ ěn ki kagtĩg sóg nĩ mĩr,” he mũ. “Inh ón mũ ra Topĕ tóg inh vóg kónãn ke mũ vĕ, hã kĩ sóg ón ke tũ pé nĩ,” he tóg.

⁷²Hã ra vĕsĩmĕr galo tóg kyr mǎn mũ. Kĩ Pedro tóg Jesus vĩ to jykrén mũ sir, Jesus tĩ ti mĩ nén tó ja ěn to, hã vĩ: “iso ģ tóg: ti ki kagtĩg sóg nĩ, he tãgtũ han ke mũ, galo kyr régre han to hã,” he mũ. Tag mĩ ĕkrén kĩ tóg vĕnh péju kĩ nĩ kĩ fĩ nĩ nĩ sir, Pedro ti. Vãhã tóg ti mĩ e tĩ.

Pilatos tĩ Jesus mré vĩ

(Mt 27.1-2; 11-14; Lc 23.1-5; Jo 18.28-38)

15 ¹Tĩ vaj kĩ ag tóg kusã ki Jesus ti jykrén mũ jagnĕ mré, Topĕ tũ ki rĩr tĩ to pã'i ag, kófa ag mré hã, Topĕ vĩ to professor ag mré hã ke gé, vĕnh jyvĕn tĩ kar ěn ag. Kĩ ag tóg Jesus mrĩnh kĩ ti pére mũ mũ, Pilatos mĩ ti fĕg jé. ²Kĩ Pilatos tóg ti mĩ: “ģ mĩ tĩ Judeu ag pã'i nĩ?” he mũ. Kĩ tóg: “ki hã ģ tóg tó mũ,” he mũ, Jesus ti.

³Hã ra Topê tũ ki rĩr tĩ to pã'i ag tóg ti kato vĩ tỹ hẽn ri ke han mũ sir. ⁴Kỹ Pilatos tóg ti mỹ ke mãn mũ. “Mỹ ã tỹ ag mỹ nén ù tó jãvãnh,” he tóg. “Ha mẽ, ã to ag tóg vĩ kónãn mág kỹ nỹtĩ,” he tóg, Pilatos ti. ⁵Hã ra Jesus tóg vĩ mãn tũ nĩ, kỹ tóg Pilatos mỹ e tĩ sir.

Ag tỹ Jesus to: ter jé tóg ke mũ, he
(Mt 27.15-26; Lc 23.13-25; Jo 18.39-19.16)

⁶Hã ra Pilatos tóg ag mỹ Vêse ag kar kã ùn pir kavãg tĩ, festa tỹ Páscoa kar ki. Ti jykre vê. Ag tỹ ù to vĩ mũ ên kavãg tóg tĩ. ⁷Hã ra ù tóg se kỹ nĩ, ti jijin hã vỹ: Barrabás, he mũ. Vênh génh kutêm ti ag mré tóg se kỹ jê nĩ, vênh génh kỹ ag tóg ù tén ja nĩ, hã kỹ ag tóg nĩgfhénh kỹ nỹtĩ. ⁸Kỹ vênh kar ên ag tóg Pilatos to mũ mũ sir, ti mỹ: “êg mỹ ã tỹ nén han tĩ ên han nĩ,” he jé.

⁹Kỹ Pilatos tóg ag mỹ: “mỹ ãjag mỹ sỹ Judeu ag pã'i kyvãn há?” he mũ. ¹⁰Topê tũ ki rĩr tĩ to pã'i ag tóg véké Jesus to jũ nỹtĩ, hã kỹ ag tóg nén (ũ) tũ to ti se ja nĩ. Hã ra Pilatos tóg ki kanhró nĩ, hã kỹ tóg ti kavãn sór mũ. ¹¹Hã ra Topê tũ ki rĩr tĩ to pã'i ag tóg vênh kar ag krĩn ja nĩ, ag tỹ Pilatos mỹ: “Barrabás hã kava ra,” he jé.

¹²Kỹ Pilatos tóg ag mỹ ke mãn mũ. “Kỹ sóg ti tỹ hẽ ri kenh mũ, ãjag tỹ ù to: Judeu ag pã'i, he mũ ên tỹ?” he tóg. ¹³Kỹ ag tóg prẽnprêr mũ sir. “!..Cruz to ti sã..!” he ag tóg mũ sir, prẽnprêr kỹ.

¹⁴Kỹ Pilatos tóg ag mỹ: “e ri ken kỹ?” he mũ. “Ti kórég tỹ ne han ti?” he tóg ag mỹ. Hã ra ag tóg prêr mãn', prêr mãn' he mũ sir. “!..Cruz to ti sã..!” he ag tóg, prẽnprêr kỹ.

¹⁵Kỹ Pilatos tóg ag mỹ hã han sór mũ sir, kỹ tóg ag mỹ Barrabás kyvãg mũ sir. Jesus mrãnmrãn tóg mũ sir, mrãn ke jafã tỹ, kỹ tóg ag mỹ ti fêg mũ sir, ag tỹ ka to ti sa jé.

Soldado ag tỹ Jesus vóg kónãn
(Mt 27.27-31; Jo 19.2-3)

¹⁶Kỹ soldado ag tóg pã'i mág ãn kãra Jesus pére mũ mũ sir, ag vênh jyvên jafã ên kãra. Kỹ ag tóg soldado kar ag jé prêr mũ sir. ¹⁷Ti kri ag tóg kur fón mũ, kur kusüg tỹ. Sónh pirĩn kỹ ag tóg ti krĩ tógfĩg mũ sir. ¹⁸Kỹ ag tóg ti mỹ: “viva, Judeu ag pã'i,” he mũ sir, ti nyg kỹ. ¹⁹Kỹ ag tóg vãn tỹ ti krĩ mĩ mrãnmrãn mũ sir, ti to ag tóg sugsgug mũ sir, kỹ ag tóg ti jo grĩnhgrĩnh ke mũ sir, ag tỹ ón kỹ ti to: “Senhor,” hen kỹ. ²⁰Ag tỹ ti nyg kar ag tóg ti ki kunũg mũ, kur kusüg ên ti. Kỹ ag tóg ti kur pê tỹ ti kãra rãg mũ sir. Kỹ ag tóg ti pére mũ mũ, ag tỹ cruz to ti san jé.

Jesus tỹ cruz to sa

(Mt 27.32-34; Lc 23.26-43; Jo 19.17-27)

²¹Hã ra ù tóg vãnh kátá kătĩ mũ, hã vỹ: Cirene tá Simão, he mũ. Alexandre panh vễ, Rufo panh vễ gé. Ti tỹ mĩ mũ ra ag tóg ti mỹ vĩ tar han mũ, ti tỹ Jesus cruz vyn jé.

²²Kỹ ag tóg Gólgota tá junjun mũ sir ti mré. Gólgota to ken hã vễ, hã vỹ: vênh krĩ kuka, he mũ ěg vĩ ki. ²³Kỹ ag tóg ti mỹ vinho ven mũ, Jesus mỹ, ka tỹ mirra jênjo grór mré hã, hã ra tóg kron jävánh nĩ, vênh kagta ti. ²⁴Kỹ ag tóg cruz to ti sãg mũ sir. Ti kur tỹ ag tóg jagně mỹ vênh kãpãm mũ sir, to ag tóg jogar he mũ gé, ti kur to, soldado ag.

²⁵Kusã ki 9 hora vễ sir, kỹ tóg cruz to ti sãg mũ. ²⁶Ag tỹ nén tỹ kato vĩ tóg rãn kỹ nĩ, hã vỹ: “Judeu ag pã'i tỹ rei vễ,” he mũ. Ti kri tóg sa, vênh rãn ti. Ti tỹ něji vễsỹ pã'i tỹ rei han mũ to ag tóg ti tén mũ. ²⁷Ti kóm ag tóg ùn régre ag tỹ cruz to sãg mũ gé, bandido ag. Û vỹ ti pęgja tá sa, jó ù vỹ ti jakãnh tá sa. ²⁸Hã kỹ tóg nén tỹ ã to rãn kỹ nĩ ěn vễ, hã vỹ: “ag mỹ tóg tỹ ùn jykre pãno ag mré ke nĩ,” he mũ, Topě vĩ rãn ki. Hã ra tóg ge nĩ.

²⁹Kỹ ù tỹ mĩ mũ mũ ag tóg ti nyl' he mũ gé, vỹn vỹn he kỹ. “Ó,” he ag tóg mỹ. “ã hã ne tóg: Topě jo ìn kókén jé sóg ke mũ, he gé!” he ag tóg. “Kurã tãgtũ ki sóg ù han mũ, he ã tóg mũ gé!” he ag tóg. ³⁰“Vênh kren han ra kema! Cruz to kátére kema!” he ag tóg ti mỹ.

³¹Ge ag tóg mũ gé, Topě tũ ki rĩr tĩ to pã'i ag, Topě vĩ to professor ag mré. Ti nyl ag tóg mũ gé, kỹ ag tóg jagně mỹ: “ù krenkren han tóg, hã ra tóg vênh hã kren han ki kagtĩg nĩ,” he mũ. ³²“Cristo jé cruz to kátére kema! Judeu ag pã'i ti!, ěg tỹ ve jé, ěg tỹ ti vĩ kri nĩm jé,” he ag tóg. Kỹ bandido ag, ù tỹ ti kóm cruz to nỹtĩ ěn ag tóg ti nyl mũ gé.

Jesus ter

(Mt 27.45-56; Lc 23.44-49; Jo 19.28-30)

³³Rã tỹ ěg nĩno kã sa ra tóg kuty' he mũ sir, ga kar mĩ hã. Kỹ kuty ěn tóg hora tãgtũ tũg mũ. ³⁴3 hora ki Jesus tóg prěr mũ sir, jamã hár(a), kỹ tóg: “Eloĩ, Eloĩ, lemá sabactani?” he mũ. ěg vĩ ki ěg tóg tag to: “Topě, Topě, ã tỹ ne jé isovãnh nễ?” he mũ.

³⁵Kỹ tá nỹtĩ ù ag tóg jẽmẽ kỹ (ag tóg) jagně mỹ: “ha vé, Elias jé tóg prěr mũ,” he mũ. ³⁶Kỹ ù tóg vênhvãg mũ sir, kỹ tóg esponja tỹ vinho prãg mũ, vinho kaja pir tỹ. Ka jurỹn kỹ tóg tỹ kusón kỹ vinho kãra rãg kỹ ti mỹ ven mũ sir, ti tỹ ki ùnh' ùnh' ke jé. “Toreg!” he tóg. “Hẽn ri ke mũn Elias kătĩ mũ, ti kátérem jé,” he tóg.

³⁷Hã ra Jesus tóg prěr mág (pě) han kỹ hun ke mũ sir. ³⁸Hã ra Topě jo ìn krẽm kur tỹ jãnkã nĩfe tóg jaran ke mũ, ti jar tóg vênh kãkym ke kãn mũ sir.

³⁹Hã ra capitão tóg ti vég jẽ nĩ. Ti prěr mẽg tóg mũ, ti tỹ hun ke ěn mẽg tóg mũ, kỹ tóg: “vênh vĩ há ja vễ,” he mũ. “Topě kósin ja vễ” he tóg.

40Kỹ ùn týtá fag tóg tá nýtí gé. Kuvar há tá nýtí kýt fag tóg ti vég nýtí nĩ. Fag kã ù fi výt tóg týt Maria Madalena fi nĩ, kýt ù fi tóg týt Salomé fi nĩ gé, kýt ù fi tóg týt Maria fi nĩ gé, José mré Tiago sĩ mýnh tag fi. 41 Ùn týtá ên fag tóg ti nón mũ ja nĩgtĩ, ti týt Galiléia mĩ tĩ mũn kýt. Tá fag tóg ti ki rĩr ja nĩgtĩ gé. Kýt ùn týtá týt hên ri ke fag tóg ti ve kýt nýtí gé, ti týt cruz to sa kýt, ti mré Jerusalém ra mũ ja ên fag.

Ag týt vênh kej tá ti fi

(Mt 27.57-61; Lc 23.50-56; Jo 19.38-42)

42Rãké tóg nýt ha, nén kar han jé kurã vë sir, hã výt: vênhkán ke jo kurã ên, he mũ. 43Hã ki Arimatéia tá José tóg Pilatos mýt ke mũ, ti týt ti mýt Jesus fár fi jé. Arimatéia tá José tóg týt vênh jyvên tĩ ag kã ù nĩ. Jykre kuryj tóg nĩ. Topë týt týt êg pãli nĩ ve sór tóg tĩ gé. Ên hã výt tóg mũmëg vãn h kýt Pilatos mýt Jesus fár to vĩ mũ.

44Kýt Pilatos tóg: “kýt ti mýt ter huri?” he mũ. Kýt tóg capitão jé prër kýt ti mýt: “ti mýt ter huri?” he mũ, “mýt vãsýt?” he tóg.

45Kýt capitão tóg: “hýt,” he mũ. “Ter ti huri,” he tóg. Kýt Pilatos tóg José mýt Jesus fár ti fig mũ sir. 46Kýt tóg sir kur kupri kym mũ, ùn há tävĩ. Kýt tóg Jesus kätérem mũ. Kur ên týt tóg ti pãg mũ. Kýt tóg vênh kej kätá ti finh tĩ mũ sir, pãró nor kãkã. ag týt pãró nor han ja kãkã. Kýt tóg pó týt nífénh mũ sir, ti jy. 47Hã ra Maria Madalena fi tóg vég mũ sir, ag týt ti fi ti, Maria fi mré hã, José mýnh fi.

Jesus rĩr mãn

(Mt 28.1-8; Lc 24.1-12; Jo 20.1-10)

16 1Vênhkán ke kurã tũg kýt Maria Madalena fi tóg nén ger há mãg mũ, Salomé fi ke gé, Maria fi ke gé, Tiago mýnh ên fi. Fag týt ti fár ger há han sór vë. 2Kýt semana kurã ve ki fag tóg kusã (pë) ki ti kej ra mũ mũ, rã týt jun ke kýt sa ra. 3Mũn kýt fag tóg jagnë mýt: “ù nýt hýt êg mýt ti kej ti nón mũ!, tá!, pó týt nife ên ti!” he mũ. 4Hã ra fag tóg vênh jo vég mũ, ti kej tá, hã ra tóg nor nýt nĩ, pó mág ên tóg tĩn kýt nĩ nĩ sir.

5Tá junjun kýt fag tóg ti kej kãra ge mũ sir, kýt fag tóg kätá kyrũ vég mũ, hã ra tóg ti nýt gja pëgja tá nĩ nĩ, kur kupri tu kýt. Kýt tóg fag mýt e tĩ, mýt r, ha më. 6Kýt kyrũ ên tóg fag mýt: “vênhmýt!” he tũg,” he mũ. “Ájag hýt Jesus jãvãn h mũ, Nazaré tá ke ti,” he tóg, “ag týt cruz to ùn sãg mũ ên ti,” he tóg. “Rĩr ti jë nĩ, tag ki ti tũ nĩ ha,” he tóg. “Ag týt ti fi ja hã vë ha,” he tóg. 7“Kur Pedro mýt tónh mũ jëg, ti mré mũ tĩ kar ag mýt ke gé,” he tóg. “Ag mýt: ájag jãmĩ tóg tũg mũ nëji, hemnĩ, Galiléia ra, hemnĩ. Tá ájag ti venh mũ, hã kýt tóg ájag mýt to ja nĩ, hemnĩ,” he tóg, fag mýt, kyrũ ti.

8Kýt fag tóg ti kej tá fũrũrũn kýt pa mũ. Pëtë fag tóg sir mũ mũ, fag mýt e tĩn kýt, fag týt jũrũn ke kýt. Kýt fag pi(jé) ù mýt nén ù tó mũ mýt r!, fag kanë jur kýt.

Maria Madalena fi tỹ ti ve
(Mt 28.9-10; Jo 20.11-18)

⁹Jesus tỹ kusã ki rĩr mãn kỹ, ti tỹ semana ki kurã ve ěn ki rĩr mãn kỹ tóg Maria Madalena fi mỹ vĕnh ven vén mũ, ti tỹ ũn ki vĕjagrĕ kórég tỹ 7 (ke) pan ja ěn fi mỹ. ¹⁰Kỹ fi tóg tí mũ, ti mrĕ nỹtĩ ag mỹ tó jé, ag fe kaj nỹtĩn kỹ, ag kygfỹ' hen kỹ. ¹¹Hã ra ag tóg kri nĩm tũ nĩ, fi tỹ ag mỹ kãmén mũ ra, ti tỹ rĩr nĩ ěn ti, fi tỹ ã tỹ ti ve ja ěn kãmén mũ ra.

Ũn régre ag tỹ ti ve
(Lc 24.13-35)

¹²Kar kỹ tóg ũn régre ag mỹ vĕnh ven mũ gé sir. Ag mỹ tóg vĕsỹ ũn kỹ tí nĩ. Ag mũ ra ag tóg ĕpry kri ti vég mũ. ¹³Kỹ ag tóg vỹnvỹn ke kỹ (ag tóg) ũ tỹ tá nỹtĩ ag mỹ tó mũ gé sir, Jesus mrĕ mũ tí ũ ag mỹ, hã ra ag tóg ag vĩ kri fig tũ nĩ gé.

Jesus tỹ ã mrĕ mũ tí ag mỹ vĕnh ven
(Mt 28.16-20; Lc 24.36-49; Jo 20.19-23; Hk 1.6-8)

¹⁴Vãhã tóg ũ tỹ 11 (ke) ag mỹ vĕnh ven mũ gé, ag pin kỹ, ag jĕg nỹtĩ ra. Kỹ tóg ag mỹ vĩ tar han mũ, ag tỹ kri nĩm jãvãnh nỹtĩn kỹ, ag tỹ to jykrĕn tũ nỹtĩn kỹ. “Ajag hã ne tóg ũ tỹ inh vég mũ ěn fi vĩ kri fi ja tũ nĩ, ũ tỹ inh vég mũ ěn ag vĩ kri nĩm ja tũ ajag nĩ gé,” he tóg. “Ag tỹ inh rĩr mãn vég mũ ra ajag tóg kri fi ja tũ nĩ,” he tóg. ¹⁵Kỹ tóg ag mỹ: “ga kri mũ kỹ ěmã kar mĩ vĕnh vĩ sér kãmén nĩ, Topĕ tỹ há(r) ag kar mỹ,” he mũ. ¹⁶“Ũ tỹ ajag vĩ kri fig mũ ěn ag vỹ krenkren ke mũ, ũ tỹ inh ki ge kỹ kygpe kỹ nỹtĩ ěn ag vỹ krenkren ke mũ,” he tóg. “Hã ra ũ tỹ kri fig tũ ěn vỹ kren ke tũ nĩ, ũ tỹ inh ki rã tũ ěn vỹ kren ke tũ nĩ,” he tóg, Jesus ti. ¹⁷“Ũ tỹ inh ki ge mũ ěn ag vỹ milagre venh ke mũ inhã,” he tóg. “Tag ve jé ag tóg ke mũ, ha mẽ. Vĕnh jagrĕ kórég pan jé ag tóg ke mũ, ijykre tỹ,” he tóg. “Ũn vĩ ũ ag vĩ tó jé ag tóg ke mũ,” he tóg. ¹⁸“Ag tỹ kejĕn pỹn kãgmĩg mũ ra, ag tỹ kejĕn veneno kron mũ ra tóg ag tỹ hĕ ri kenh ke tũ nĩ,” he tóg. “Ũn kaga ag mĕgmĕ jé ag tóg ke mũ gé, ag nĩgé tỹ, kỹ ag tóg sir ag tỹ há' henh ke mũ,” he tóg, Jesus ti.

Jesus tỹ ã jóg ra tĩg
(Lc 24.50-53; Hk 1.9-11)

¹⁹Jesus tỹ ã mrĕ mũ tí ag mỹ tag tó kar kỹ tóg kanhkã ra tãpry mũ sir, kỹ tóg tá jun kỹ (tóg) Topĕ pĕgja tá nĩ mũ. ²⁰Kỹ ag tóg mũ mũ sir, ěmã kar mĩ hã, ti mrĕ mũ tí ag. Kỹ ag tóg tugtó mũ, vĕnh vĩ sér ěn ti, kỹ ĕg Senhor tóg ag mrĕ han tí nĩ, ag vĩ kóm tóg vĕnh kar tỹ nĕn han vãnh ěn hyn han mũ. Hã vĕ.